

WANTOK

Niuspepa bilong Papua Niugini stret

25 yia nau

40 pes

Namba 1097

Wik i stat long Fonde, Julai 6, 1995

50 toea

Ripot tok: Porgera gol main bagarapim wara

PJV tok: Nogat - Wok i bihainim Envaironmental Plen

LONG Februari 16 dispela yia, Wantok Niuspepa i prinim wanpela stori aninit long het tok: Marasin bilong Porgera gol main bagarapim 10-pela ples.

Insait long dispela stori, Wantok i tok olsem ol pipel bilong 10-pela ples long Telefomin distrik bilong Wes Sepik Provins i tok marasin nogut bilong Porgera Gol Main i bagarapim wara bilong ol.

Dispela stori tok marasin kampani kapsaitim long wara i kilim ol abus na pis long wara. Na tu ol diwai arere long wara. Dispela i mekim ol pipel i pret long dring na na yusim wara long kukim kaikai na mekim ol arapela samting.

Orait long Februari 23, Wantok i prinim bekim bilong Porgera Gol Main kampani Porgera Join Vensa (PJV) aninit long dis-

GODFRIED YASSAFAR i raitim

pela het tok: Marasin bilong Porgera gol main no bagarapim Laiagam na Striklen wara: PJV bos tok.

Long dispela stori, Residen Main Menesa bilong Porgera, Peter Harris i tok PJV i wok aninit long Papua Niugini lo bilong lukautim wara we Dipatmen Bilong Envairomen na Konvesesen i luksave long en.

Mista Harris i tok ol wara daunbilo long main i gat nem long i save karim malmalum graun. Em i tok taim main i stat i kam inap nau, wara long Laiagam na Striklen i gutpela long dring, bihainim mak bilong Wol Helt Oganaisesen.

Mista Harris i tok moa olsem kala bilong wara i kamap repela bikos i gat pipia bilong ain long wara we ol i kolim "ras" we i kam long main. Tasol dis-

pela i no inap bagarapim bodi bilong man sapos i dringim wara.

Em i tok tu olsem Dipatmen Bilong Envairomen na Konvesesen i save sekim wok bilong PJV we i no bagarapim ol bus, graun na wara wantaim ol abus.

"PJV i no inap wok long main sapos daunbilo bilong wara i bagarap," Mista Harris i tok.

Long Mas 9, Wantok Niuspepa i prinim wanpela arapela stori gen aninit long dispela het tok: Moa komplem long PJV bagarapim wara bilong dring. Dispela stori toktok long tupela lida bilong Oksapmin long Wes Sepik i rabisim ol toktok bilong Mista Harris. Na i askim Mista Harris long tok klia long wanem rot wara i gutpela long dring na yusim long

kukim kaikai na mekim ol arapela samting.

Tupela lida ya i askim tu Harris long tok klia long wanem as tru na 50 manmeri bilong ol ples i stap klostu long dispela tupela wara i dai namel long 1992 na 1993.

Bihain long ol i kaikaim pis we i dai pinis long dispela tupela wara. Na tu ol pik we i dai bihain long ol i dring wara long dispela tupela wara-Laiagam na Striklen.

Tupela i egensim toktok bilong Harris na tok olsem sapos ol bikbos bilong PJV i tok wara i gutpela long dring, ol i mas go na bungim ol pipel bilong Oksapmin na Telefomin.

Na ol pipel i sanap lukluk na ol bikbos bilong PJV i dring wara. Sapos ol i no dai o bodi bilong ol i no kisim bagarap, ol (pipel bilong Oksapmin na Telefomin) i ken luk-

save olsem wara i gutpela. Ol pipel bilong Porgera eria we main i stap long en tu i tok operesen bilong gol main i kamapim bagarap long envairomen bilong ol.

Plantu taim ol i save tokaut long dispela samting.

Tasol ol bikbos bilong PJV i save tok olsem kampani no kamapim bagarap long envairomen-wara i gut-

pela long dring na yusim long kukim kaikai, bus i no bagarap, ol abus long wara i bagarap na tu ol arapela samting.

I go moa long pes 2



Stail bilong Genoke

● Traim na makim hamas enime i stap long dispela poto. Ansa em i gat 4-pela oigeta, tripela pusiket na wanpela pato. Bikman ya wantaim pikinini meri bilong em i soim ol enime tupela save lukatim long Genoke setelemen, Goroka. Poto: Sape Metta.


I
N
S
A
I
T

Ol man
kilim
Filipino
man long
Madang.
Pes 2



8 PES
RAGBI LIG
NIUS

8 PES
LAIPSTAIL
STON



**BAIM WANPELA NIUPELA
SUPA KIJANG
LONG K13990 TASOL**

EM SPESEL BILONG MOSBI NA LAE

RINIM KIJANG HOTLAIN...
MOSBI PH 322 9441 • FAX 321 7268 • SCRATCHEY RD. BADILI
LAE PH 427064 • FAX 422463 • MILFORDHAVEN RD. LAE

Ela Motors

EM5173

Plis
Ripot



Pablik bai baim haus sik nau long kisim sut marasin

MOROBE:

Wanpela maining eksplorasen opis klostu long Wafi gol diposit long Morobe provins ibin lusim K2000 kes mani taim sampela stil lain i tekof wantaim mani long las wik Sarere. Provinsal Plis Komanda bilong Morobe, Paul Monama i ripotim olsem sikspela man i holim ol gan, bus naip na tamiok ibin go long kem na askim strong long ol kem lain i givim ol bokis wantaim peti kes mani. Ol stil lain ibin bagarapim tu ol masin bilong salim toktok long kem i go long Lae. Tasol ol wokman yet i fiksik masin na salim toktok i go long Lae plis na ol i plai i go long helikopta long hap trabel i kamap. Plis ibin sut na kamapim bagarap long wanpela manki Wafi husat ol i ting i stap long grup i stilim mani long kem.

NESENEL KAPITEL:

Plis long NCD na Sentrel provins i holim pas pinis olgeta 12-pela man husat ibin ranawe long Kwikila plis sel las mun long taim ol i wetim kot bilong ol. NCD Plis Komanda Philip Taku i amamas tru long gutpela wok we ol plisman bilong em ibin mekim long holim pasim bek ol trabel man long wiken. Mista Taku em i tok ol memba bilong Plis Spesel Task Fos ibin go insait long sampela ples long Hiritano Haiwe na painim bek olgeta 12-pela ranawe kalabus lain long sampela ol haiwe haus. Em i tok ol plis i painim tu wanpela ranawe kalabus man bilong Bomana haus kalabus wantaim wanpela pren husat i helpim em long ranawe. Dispela em long Sogeri. Tu ol i holim bek wanpela ranawe kalabus bilong Beona haus kalabus long Lae. Bipo long em i ranawe long Bomana jeil, kalabus man ya ibin wok long sevim 11-pela yia na tripela mun sas long kalabus bikos em bin stap long grup husat i bagarapim tupela meri long Kokoda Treil tupela yia i go pinis. Wanpela em waitmeri na narapela em meri Not Solomons. Tasol ol ino painim yet 12-pela man husat ibin ranawe long Bomana haus kalabus long mun Me.

WES NU BRITEN:

Faipela kalabus man i stap lus yet bihain long ol i ranawe long Lakamata haus kalabus insait long Wes Nu Briten provins. Ol bin stap wantaim foapela arapela man husat ibin ranawe long haus kalabus tripela wik i go pinis. Ol bin stap long kalabus long bagarapim meri.

PRAIS bilong baim haus sik i go antap pinis stat long Sarere Julai 1. Dispela nupela senis bilong prais i kamap aninit long tokorait bilong Nesenel Eksekutiv Kaunsil long mun Desemba, 1994.

Dispela tokorait i go long olgeta haus sik insait long Kantri. Na bai i go long olgeta 4-pela kain sevis haus sik i save givim.

Dispela 4-pela sevis em ol Pablik Autpesen, Pablik Inpesen, Intamidiet Autpesen na Intamidiet Inpesen. Autpesen fi i go antap

pinis long K3 we bipo i bin stap long 50t. Dispela i karamapim K2 bilong lukim dokta o sista, na K1 bilong marasin.

Na sapos sista o dokta i salim sikman i go long lukim narapela dokta long tes, bai dispela sikman mas baim K2 moa. Prais bilong tes tu i go antap long K2 we, em i bin stap long 50t.

Na long lukim dokta long intamidiet autpesen, prais i go antap long K20 we em i bin stap long K3 bipo. Ol dokta bai stat kisim K20

ELIZABETH LENY i raitim

long dispela Sarere. Na sapos dokta i salim sikman i go long tes, sikman i mas baim sampela moa mani antap long dispela.

Bihainim dispela sapos wanpela i stap pesen bilong inpesen, bai em i mas baim K10. Na sapos em i mas lukim dokta moa long sevenpela de, em i bai baim K2 long olgeta de.

Bihainim dispela, prais bilong haus karim bilong ol mama nau i go antap long K20. K10 bilong go insait long

haus karim. Na arapela K10 bilong wok ol nes i wokim long lukautim ol mama. Wanpela hap prais i go antap tru em intamidiet autpesen we sikman i mas baim K180 dipost we bipo em i bin stap long K12 tasol.

Na sapos sikman i stap moa long tripela de, em i mas baim K60 long wanpela de.

Na K20 long lukim ol dokta. Prais bilong lukautim ol mama long intamidiet tu i go antap long K80. Na sapos dokta i katim mama, mama mas baim haus

sik long lukluk bilong wok dokta i wokim. Dispela ol prais i no go long ol helt sentas na ol sab helt senta.

Tasol sapos ol helt sentas i salim ol sikman i kam long ol bikpela haus sik, ol i mas baim haus sik aninit long dispela ol prais.

Prais i no go long ol liklik pikinini anininit long sevenpela yia na antap long 59 yia.

O sapos ol i gat sampela kain sik olsem TB, Leprosi, STD o sapos ol pikinini i laik kisim sut long banisim ol long ol kainkain sik.



● Miss Telikom Jacqueline Bundu long raithan i sanap wantaim ol komiti memba bilong em husat i helpim em long kamapim mani bilong Red Cross. Bundu i resis long Mis PNG resis bilong 1995.

Porgera gol main i bagarapim wara

I kam long pes 1

Long 1993 wanpela opisa bilong wanpela gavman institusen, bihainim ol komplek bilong ol pipel na tu ripot bilong bagarap i kamap long envairomen, i karim aut wanpela wok sekap long Porgera. Na em i putim kamap wanpela ripot. Dispela ripot, Wantok Niuspepa i luksave, opisa ya i no givim i go long gavman na PJV.

Oganaisesen bilong dispela opisa i askim Wantok long no ken kolim nem bilong dispela opisa na tu institusen.

Ripot bilong dispela wok sekap dispela gavman opisa i putim kamap i tokaut olsem Porgera gol main i save rausim planti tausen ton graun long wanpela de aninit long wok bilong painim gol. Bihain i save rausim ol pipia graun i go long Porgera wara sistem. Dispela i save kamap long olgeta de.

Porgera wara i gat planti liklik han wara. Taim kampani rausim ol pipia graun i go long Porgera wara, ol pipa i save go tu long ol han wara na tu long ol arapela bikpela wara olsem Laiagam na Striklen. Na long ol arapela eria bilong main we i gat han wara, taim kampani rausim pipia, ol pipia i save go kamap long Porgera wara na i go long ol arapela wara.

Wok sekap ripot bilong dispela gavman opisa i tok tu olsem i gat kainkain pipia na marasin bilong main i save go insait long ol wara we i stap arere na klostu long main eria. Em i tok planti bilong ol dispela marasin i gat ol kemikel long ol. Dispela ol samting, em i tok, i senisim kala bilong wara.

Ripot ya i tok arapela samting gol main i kamapim long Porgera wara em wara i save tait. Na levil bilong wara i save kamap bikpela.

Mista Harris, wanpela taim gen, i rabisim ol tok-tok bilong dispela gavman opisa. Na i tok olsem gol main i no kamapim bagarap long Porgera wara na tu ol arapela wara i stap arere na klostu long main eria.

Mista Harris i egensim dispela ripot taim Wantok i putim sampela askim i go long em bihainim dispela ripot.

Harris i tok i no tru olsem kampani save rausim olgeta pipia graun na ol arapela samting i go long Porgera wara. Bikos kampani gat ol ples we ol i wokim na redi long tromoi ol pipia graun na ol arapela samting i nogat wok long ol.

Long sait bilong Porgera wara, em i tok, dispela wara i no save tait na tu wara levil i go antap bihain long kampani statim wok. Nogat. Pastaim long kampani statim wok, Porgera wara i save tait na wara levil i go antap. Bikos bikpela mak bilong ren i save pundaun long Porgera eria olgeta taim.

Em i tok bikos long dispela, ol pipel pastaim long kampani statim wok, i no save yusim wara long Porgera wara long dring na kukim kaikai. Bikos wara i save doti olgeta taim. Olsem na ol pipel i save kisim wara long ol han wara long dring na kukim kaikai. Em i tok olgeta samting i gutpela orait tasol. Bikos PJV i wok long karim aut wok aninit na tu bihainim Envairomental Plen.

Memba bilong Wewak i kamap sief nau

OL pipel bilong Wewak i mekim Memba bilong ol, Bernard Narakobi kamap wanpela Sief bihain long wanpela man i makim maus bilong ol i putim long nek bilong em wanpela tumbuna bilas ol i kolim 'Sawai'. Dispela i bin kamap long dispela wik Tunde long Haus Palamen.

Dispela lapun papa, nem bilong em Michael Maiyet i bilong Musu Ailan long Sup insait long Is Sepik provins. Mista Maiyet i tok ol i wokim Mista Narakobi i kamap olsem wanpela sief bilong ol bihainim

tumbuna pasin. Bikos ol i amamas long gutpela wok bilong em. Na tu em i tok long dispela we ol i givim strong na bilip long em long wokim gut wok insait long gavman makim maus bilong ol.

Em i tok bipo long em i kisim dispela tumbuna bilas i kam, em i bin kisim i go long Bisop Marai bilong Wewak long blesim. Bikos em i bilip olsem pasin bilong ples na lotu i save wok wantaim.

Bihainim dispela, Mista Narakobi i tok em i kirap nogut long dispela. Tasol em i tok em i gat bikpela ama-

mas long ol pipel bilong em. Na em i tok em i no save lus tinging long ol pipel bilong em olgeta taim em i laik mekim wanpela vot o mekim wanpela tokorait.

Em i tok em i save tingting pastaim wanem samting ol pipel bai tok bipo long em i mekim wanpela samting. Sampela taim em i tok em i save ges tasol na mekim disison long wanem i hat long kisim tingting bilong wanwan manmeri. Tasol em i tok em i bilip olsem wanem samting em i wok i bilong gutpela bilong ol pipel.

All departments Phone: 25-2500 Fax: 25-2579

WANTOK

Published Weekly, Thursdays, for

Word Publishing Co Pty Ltd

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co Pty Ltd. General Manager and Company Secretary: Ian Fry Group Editor in Chief: Anna Solomon Editor of Wantok: Leo Waliwa Acting Advertising Manager: Anthony Lilou

Advertising deadlines Display bookings: Monday, midday Camera ready copy: Tuesday, midday Classified advertising: Wednesday 2 pm

Regional office: Suite Haus Tisa, Second Street Lae, P.O. Box 1726, Lae, Morobe Province Phone/fax 42-0618 Phone: 42-1562 District Manager: Alphonse Pu Papers distributed by air throughout PNG. Available by airmail subscription within Papua New Guinea and overseas. Australia & New Zealand Representatives: Tonkin Media Pty Ltd PO Box 101 Avoca Beach NSW 2251 Aust. Sydney, James Tokin, (043) 85 1746 Melbourne, Glen Smith, (03) 807 2311

Word Publishing Co Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it seems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

Andrew Posai i rong long 26 sas

PETER MAIME i raitim

LIDASIP Traibunel bai mekim disisen tomora olsem long rausim olpela Fores Minista Andrew Posai long opis long givim sampela kain mekim-save long ol sas we ol i painimaut olsem em i rong.

I gat 30 sas long ol rong em i mekim olsem lida bilong pablik opis taim em i Minista bilong Fores. Traibunel long asde taim i sindaun na ske-lim ol dispela sas i painimaut na mekim disisen olsem em i rong long 26 sas.

Disisen em traibunel i mekim bihain long kaunsel bilong Mista Posai, Dokta Allan

Marat na Pablik Prosekyuta, Panuel Mogish i givim las sab-misen o toktok bilong tupela wantaim ol sas na ripot long tripela wik i go pinis.

Mista Mogish i givim strongpela sabmisen olsem Mista Posai i brukim lo. Na askim traibunel long pinisim em long opis. Em i tok ol sas i bikipela tru. Olsem na Mista Posai i mas kisim bikipela mekimsave.

Tasol Dokta Marat long sabmisen bilong em i go long traibunel i tok long wanem kain ol mekimsave Mista Posai bai kisim. Em i

tok Mista Posai wan-pela i no mekim ol dispela rong. Em i tok ol arapela lain tu i stap insait long mekim dispela rong.

Ol arapela lain Mista Marat i tok em ol opisa bilong Mista Posai long Fores Dipatmen, husat i givim tingting na save long Mista Posai, bipo em (Mista Posai) i mekim disisen. Dokta Marat i askim tu wanpela witnes husat em balus

i kisim long ples bilong Mista Posai. Witnes ya i ripot long pasin bilong Mista Posai long ol pipel bilong em long komyuniti. Nem

bilong dispela man em Francis Wango, wan-pela bikman bilong ples. Mista Wango i tok Mista Posai em i wanpela gutpela lida. Na em i save sapatim ol pipel bilong em. Na ol i bin wari tru, taim ol i harim olsem lida bilong ol i stap insait long dispela hevi. Ol sas we traibunel i painim olsem Mista Posai i brukim em:

• Em i no givim aut gut mani bilong Hom Afeas na Yut long 1992;

• Em i no bihainim stretpela rot long aplai long Trensport Fan long 1992;

• Em senisim pablik mani i go long wan-

pela praivet kampani we lida i gat interes long en;

• I no bihainim lo long yusim pawa bilong em olsem minista long kisim sampela helpim long PNG Spot Komisen na Nesenel Yut Sevis bihainim sampela ren haus slip long Boroko;

• I no yusim gut pawa bilong minista long yusim ka bilong PNG Spot Komisen;

• I no bihainim lo long yusim Nesenel Hausing propeti long Godens; na

• I no givim aut gut mani bilong Nesenel Yut Sevis long 1993.


Salim tripela balus. Wanpela Islander balus i gat tupela ensin karim 9-pela pasindia na kago. Wanpela P68 Victor Balus i gat tupela ensin na karim 5-pela pasindia na kago, dispela em gutpela olsem sevelens balus, em i gat spes na i ken kisim ol biksa long graun, na sip. Wanpela Cessna 206 balus i gat wanpela ensin, na karim 5-pela pasindia na kago. Salim tripela olgeta, or salim wan wan. Sapos yu laik baim air-line charter kampani olsem na ken salim long ol PNG man. Sapos yu laik, salim pas long PO Box 4946 Boroko NCD 111, or fax 23 0405.

Provinsal gavman rifom i no kamapim Bogenvil

LO long senis bilong provinsal gavman sistem we palamen i bin oraitim long las wik i no inap karamapim Bogenvil.

Primia Theodore Miriung i tok long sait bilong Bogenvil, provins bai bihainim yet olpela ogenik lo bilong provinsal gavman inap long 1997 taim olpela provinsal gavman sistem i pinis, na kantri bai kam aninit long nupela sistem tasol.

Bikos long dispela samting, primia na ol bikman long Bogenvil Trensisenel Gavman (BTG) bai mekim samting na paitim toktok wantaim nesenel gavman long lukim olsem ol pipel long Bogenvil i gat gavman yet long makim maus bilong ol long stap insait long ol bikipela toktok we i karamapim laip na sindaun bilong ol, Mista Miriung em i tok. Em i tok tu olsem dispela samting inap



● Praim Minista Sir Julius Chan na Primia bilong Not Solomons Theodore Miriung long taim bilong kibung.

kamapim senis long sampela hap bilong mama lo bilong kantri.

Long wankain taim tu, Mista Miriung i no wanbel tru long wanpela nupela buk we i gat ripot long ol asua long kilim man, kalabusim, bagarapim laip na sindaun long ol pipel bilong Bogenvil. Marilyn Havini, meri bilong man Buka na wanpela lida na mausman bilong ol BRA husat i save stap

long Australia i bin raitim kamap i no longpela taim i go pinis.

Mista Miriung i tok buk ya i givim wansait ripot tasol na dispela em i no gutpela pasin.

Mista Miriung ibin stap wantaim ol top BRA lida sip long 5-pela yia inap long em i kamaut long Oktoba las yia.

Na em gat gutpela save long ol samting we ol BRA ibin wokim insait

long sikspela yia bilong hevi long ailan. Em i tok olgeta grup husat i stap insait long ol trabel long Bogenvil ibin wokim rong long kilim dai man na bagarapim sindaun na laip long ol pipel bilong Bogenvil.

Dispela ol lain i karamapim ol memba bilong PNG difens fos husat i pait long Bogenvil, ol BRA na ol resisten grup. Kain piksa ol man i kisim bihain long ol i ritim buk ya bai i ting olsem ol difens na resisten paitman ibin kamapim ol dai, hevi na bagarap insait long 7-pela yia hevi long Bogenvil. Na ol lain BRA i no wokim tumas rong. "Sapos Misis Havini ibin laik raitim kamap wanpela buk we i gat ol bagarap i kamap long Bogenvil, orait, ibin moa gut sapos em i sekim gut ol ripot na kisim stori long tupela sait pastaim," Mista Miriung em i tok.

Em GUTPELA HELT SOP
we i save givim LAIP long SKIN

Bioderm
HEALTH SOAP
with Aloe Vera
Fights Germs,
Softens Skin

wantaim Aloe Vera
Helpim long Mekim Skin i Stap
Malumalu na nais Pait Rausim
Jem na mekim Bodi
i smel Gut

Distributed by **C B Chee** Lae: 42 1333 Hagen: 52 1579
For Wholesale savings

TORO I GO PILAI KAS WANTAIM OL SIMBU LONG 5 MAIL...

GUTPELA TAIM BILONG EM NA EM WINIM PLENTI MONI
HA HA!! MI WAN PELA LAKIMAN STRET!

TAIM EM WINIM PLENTI MONI PINIS....
ESCUS! MI LAIK GO LONG TOILET PASTAIM IUPELA WEIT!

SWARI BILONG IUPELA!
MI GO NAU...
OL LAIN WEIT GO NA OL BELHAT NAU.
PAINIM TISPELA MAN!!

HEI! IU.. PIPIA!!
IU WIN NA IU LAIK TEK OF AR!!.. BLURY!!
HOLIM EM!!

WANTOK

NIUSPEPA BILONG OL PAPUA NIUGINI STRET

Sapotim wok bilong Lidasip Traibunel

Long dispela wik Lidasip Traibunel i tokaut long 26 sas em olpela Fores Minista Andrew Posai i brukim. Dispela em long 30 sas olgeta. Tru olsem Mista Posai i mekim ol disisen taim em i minista, bihainim toksave na skul bilong ol wokman meri bilong em. Na traibunel i mas skelim dispela tu, olsem em i mekim pinis. Dispela em i narapela stori gen. Stori nau em ol arapela memba bilong mipela i mas luksave nau long dispela, na kisim sampela skul. Mipela ol pipel i votim yupela ol memba long makim maus bilong mipela. Wanem samting yupela i mekim, yupela mas tingim mipela ol pipel bilong yupela. Sapos mipela nogat, yupela bai makim husat. Dispela kain bilong ol lida i tingim ol yet taim ol i gat pawa i no gutpela. Kantri bilong mipela i bungim hevi nau bikos long kain pasin bilong sampela saveman na savemeri. Ating em i taim nau, moa sapot i mas go long wok bilong sekim ol lida bilong mipela long mekim gut wok bilong ol.

Tupela man Solomon Ailan trip long solwara na kam sua long Bogenvil

TUPELA yangpela man Solomon Ailan i stap nau long lukaut bilong ol pipel long Matsungan Ailan long Buka. Dispela em bihain long ol i trip long solwara i kam long Bogenvil.

Wanpela bilong ol em Bernard Laure Marieta, husat i marit na i gat wanpela pikinini. Em i bilong ples Nuhu long Sotlen Ailan, klostu tasol long Buin, saut Bogenvil. Poroman bilong em John Imate i bilong Nuhu tu. Em i gat 20 krismas na em i no marit.

Tupela man i bin wok long go bek long Nuhu bihain long ol i bringim wanpela skul tisa i go long Mono Ailan long moto bot. Tasol taim nogut na strongpela raun win i bin bungim ol long solwara na pulim ol i trip i go long Bogenvil.

Ol bin lusim ples Mono Ailan long Jun 7 na bihain long ol i tirip long solwara long tupela wik, ol i kam sua long Torokina long wes kos Bogenvil. Long hap, tait i kisim ol i go olsem long wes kos Buka na ol i kam sua long wanpela liklik ailan ol i kolim long Sal Ailan, we i stap klostu long Matsungan Ailan long wes Buka.

Orait, wanpela man Matsungan, Cosmas Jacob i bin bungim ol long Fonde Jun 22. Na kisim tupela i go long ples.

ALOYSIUS SAMI i raitim

Ripot i kam long Buka i tokaut olsem long nau, tupela i wetim gavman bilong Papua Niugini na Solomon Ailans long stretim rot bilong tupela long go long ples. Tupela i stap wantaim Jacob na ol lain bilong em long Matsungan Ailan.

Taim Jacob i painim ol, tupela man i skin malumalum tru. Blkos bikpela san i bin kukim tupela. Na tupela i nogat inap wara na kaikai long tupela wik.

Wanem liklik kaikai na wara em tupela i kisim em long ol kokonas ol i painim i trip antap long solwara, ol liklik bebi sak we tupela i ketsim long han na drain long san, liklik ren wara na wanpela pisin we ol i kilim wantaim pul bilong kanu taim em i palai i go klostu long tupela.

Bihain long Jacob i painim tupela, em i kisim tupela i go long ples we ol i waswas, kaikai na ol man i givim klos long ol, na planti wara na kaikai. Bihain ol i kisim tupela i go long opis bilong ol plis na ami long Buka long givim ripot. Bihain long dispela, ol i go long Dokta Sevou long Buka klinik long sekup na kisim marasin.

Las em tupela i bin go long Buka distrik sevis long givim ripot. Na tu long painim

rot bilong go bek long ples. Tupela i no klia tumas long wanem taim tupela bai go bek long Solomon Ailans na lukim famili bilong tupela. Tasol long nau, ol wantok bilong tupela long Matsungan i lukautim tupela gut i stap inap long taim gavman i stretim rot na tupela i kisim toksave long ol go bek. Long wankain taim tu, 9-pela pipel bilong Katerets Ailan i go bek long ples bilong ol long las wiken Sarere bihain long ol i tirip long wanpela nait na hap de long solwara, namel long Katerets na Nisan Ailan.

Grup ya i gat 7-pela man na wanpela mama wantaim pikinini bilong em, husat i gat 6-pela krismas.

Hetmasta bilong Katerets Komyuniti skul, Paul Tsube i tokim Wantok niuspepa olsem grup bilong em i bin lusim Karterets Ailan long Jun 26 long 10 klok moning June 26 long go long Buka. Tasol long wan klok apinun, wanpela ensin bilong moto bod i bagarap. Na ol i trip i go nait i go olgeta long Fraide. Bikpela ren na win i bungim ol antap long solwara na ol i tirip i kam olsem long ples Lontis long Buka Ailan.

Orait, ol go sua nau na kisim sampela piul long stretim ensin bilong moto bot.

Hutjena em nupela het opis bilong Yunaited Sios

YUNAITED Sios long Bogenvil i gat nupela het opis bilong em long Hutjena, Buka.

Bipo Arawa em i stap olsem het opis. Tasol hevi long Bogenvil i mekim na ol i surukim opis i go long Hutjena.

Long mun Epril bilong dispela yia, Bob Jakes na Joy Balazo bilong Yunaiting Sios long Australia (Wol Misin) i bin go long

Bogenvil long wanpela lukluk raun na bungim ol sios memba long ailan. Long dispela mun gen, Misis Balazo bai go bek gen long Bogenvil.

Ol Yunaited Sios meri long Bogenvil i bin holim felosip bung bilong ol meri eksekutiv long Sapos Ailan. Bikpela bung we ol i kolim long sinod bai kamap long Siwai seket long mun i kam.

Bikhet pasin pasim Katerets Komyuniti skul long tripela wik



● Ol pipel bilong Katerets ailan i soim wanpela danis bilong ol. Askim i go nau long wokbung na rispek bilong ol long statim gen komyuniti skul.

HETMASTA bilong Katerets Komyuniti skul long Not Solomons provins, Paul Tsube i askim strong ol papa-mama long wok wantaim skul menesmen bod na ol tisa long lukautim gut skul.

Em i mekim dispela askim bihain long skul ya i stap pas long tripela wik nau, bihainim bikhet pasin we sampela lain insait long komyuniti i mekim we i no soim rispek long skul, na tu bagarapim ol samting bilong skul.

Em i tok sapos Provinsal Edukesen Bod (PEB) i no mekim samting kwiktam long stretim hevi, skul bai stap pas yet. Na dispela i no gutpela. Bikos dispela i bagarapim

nating skul bilong ol sumatin husat i no mekim wanpela rong.

Mista Tsube i tok pasin we sampela pipel insait long komyuniti i mekim i no stret long bagarapim ol samting long klasrum.

Na tu tromoi nabaut pekpek antap long klasrum.

Em i tok moa olsem em i sori long ol pikinini. Tasol long wankain taim tu, em i sem long pasin we sampela pipel long komyuniti i mekim long i no soim rispek long skul we ol pikinini i kisim save long en.

Em i tok Katerets em i wanpela skul we ol tisa na sumatin i save bungim hevi long kaikai i sot taim ol kaikai long liklik stua bilong skul i

pinis. Na tu ol tisa i save bungim hevi taim ol samting long skul i bungim bagarap long han bilong sampela lain insait long komyuniti yet.

Mista Tsube i tok em bai askim provinsal edukesen opis long Buka bilong mekim samting long opim bek skul.

Bikos em i nogut long kamapim hevi long ol skul pikinini husat i no mekim wanpela rong.

Olsem na nau, em i singautim komyuniti long traime wok wantaim PEB na ol tisa long lukautim gut skul.

PEB bai i gat miting long dispela wik long toktok long dispela hevi na traime stretim.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00



BIABIA GO LONG PLES... OL TUMBU- NA TOKIM EM LONG GO INSAIT LONG HALIS TAMBARAN... HEY, TUMBUINA... YUMAS GO INSAIT LONG HALIS TAMBARAN NA KISIM STROUNG NA BAI YU KAMAP MAN TRU... NO WARIS PUPU, BAI MI GO INSAIT LONG HALIS TAMBARAN... MI NO PRET LONG OL SANGUMA...

BAGA SO-OFF STRET... EM SAVE OLSEM EM BAI KAMAP MAN TRU... HAH! OL I TING MI SITI BOI NA BAI PRET LONG OL SAMTING TUMBUINA BILONG PLES, AH?!!

NAU EM GO INSAIT... PLES I TUDAK STRET NA AI BILDNG BIABIA INO FOKAS GUT... OH-OH! PLES I DAK MI NO INAP LONG FOKASIM AI GUT!

TAIM AI BILONG EM I FOKAS GUT, EM LIKIM OL KAINKAIN MASALAI KAVIN NA BAGA PRET NOGUT TRU... AAAHHH!! MASALAI MAMAIYOOHH!! HEELPP!!!

WANTU EM BRUKIM DIA NA SLIT I KAM AUTSAIT NA TEK-OFF I KAMBEK LONG MOSBI...

Ol Osol na Bewani askim Yili pipel long baim K50 tausen kompensese

STAN RANGA i raitim

OL pipel bilong Osol long Vanimo, Sandaun i laikim ol lain bilong Yili insait long Yangkok sab distrik, husat i stap nau long Vanimo long baim K50,000 long het bilong wanpela wantok bilong ol, David Salo. Bikos ol i bilip olsem tripela trabelman bilong Yili i stap long Forestri Setelmen

long Vanimo i bin kilim David long Fonde Jun 22.

Na tu ol i askim Sandaun provinsal gavman long mekim samt-ing hariap long rausim ol manmeri i nogat wok, na i stap nating long setelmen long Vanimo.

Komyuniti lida bilong Dasi long nupela taun atoriti bilong Vanimo, Thomas Mundi i bin mekim dispela toktok makim maus bilong ol

Osol na Bewani pipel. Dispela em long wanpela bung long givim las rispek long David long Daunda nambis long Sarere Jun 24.

Mista Mundi i belhat na mekim dispela singaut bihainim indai bilong David Salo. David i bilong ples Osol long Bewani sab distrik. Na i bin wok wantaim Vanimo Fores Prodak kampani somil.

Ripot i tok long Fonde

Jun 22 long belo taim, David i bihainim han rot i go long forestri setelmen. Na tripela man, em plis i bilip i bilong ples Yili i kam aut long bus na kilim David.

Kwiktaim plis i kisim ripot na go kamap long dispela hap. Na ol i painim bodi bilong David.

Dispela tripela man i stap aninit nau long lukaut bilong plis, husat i sasim ol pinis. Nau yet

ol i wet long kamap long kot.

Nau yet ol pipel na lain wanpisin bilong David i givim wanpela mun long ol Yili pipel long stretim dispela hevi. Ol i tok sapos nogat, bai moa hevi i kamap. Tasol mausman Mista Mundi i no laikim dispela kain pasin. Em i tok samt-ing i stap pinis long han bilong ol. Tasol ol pipel bilong Yangkok i mas stretim hariap.

Komyuniti gavman helpim Yako pipel

OL pipel bilong Wutong/Onei Komyuniti gavman insait long Vanimo distrik bilong Sandaun provins i wok long kisim moa helpim na luksave long wok bilong nupela komyuniti gavman sistem.

Sandaun provinsal gavman i kamapim dispela sistem long kisim ples bilong lokol gavman kaunsil aninit long nupela rifom sistem.

Na pipel bilong wanwan kaunsil wod i mas wok bung wantaim ol nupela kaunsil, aninit long nupela rifom sistem. Dispela em long lukim olsem developmen i kamap insait tru long ol liklik ples.

Kaunsil bilong ples Yako long Wutong/Onei Komyuniti gavman, Francis Asi i mekim dispela singaut bipo long em i gviiim tupela sek mani i go long Baro Komyuniti skul na Baro Vokesinel senta insait long Vanimo long las wik Tunde.

Baro Komyuniti skul i kisim K1000 bilong lukautim wok mentenens bilong ol klasrum na haus bilong ol tisa. Na vokesinel senta bilong ol meri i kisim narapela K1000 long mekim wankain wok long skul bilong ol.

Mista Asi givim tu tupela sek mani i go long mekim narapela tupela wok insait long Yako. Wara saplai long Yako i kisim K2000. Na ed pos bilong Yako i kisim K1000.

Ol pipel bilong Yako aninit long Viles Sevises program bilogn dispela yia i kisim moa long K5000. Dispela em long mekim ol wok developmen aninit long komyuniti gavman sistem.

Ol dispela mani i kam long Sandaun provinsal gavman lokol level kondisinel gren, we ol i bin oraitim dispela ol projek long 1994. Na ol i bin putim i go insait long Wutong/Onei Komyuniti gavman. Na wanwan kaunsil i kisim na givim aut ol

mani ya long mekim wok mentenens bilong ol projek bilong skul na komyuniti.

Ol kaunsil i tok ol bai sanap strong long lukim olsem ol i mas yusim gut dispela mani long ol projek. Na givim stret ripot long ol dispela wok. Bikos em i mani bilong gavman.

Long pinisim tok Mista Asi i sapotim ol senis em palamen i bin oraitim long rausim ol provinsal gavman. Em i tok aninit long nupela senis em palamen i bin oraitim tu, moa developmen bai go long ol ples.

17 manmeri long bikbus bilong Kabwum kisim pepa long rit na rait

PETER KASIA i raitim

MOA long 10-pela manmeri long ples Sabmanga long bikbus bilong Kabwum long Morobe provins i save nau long rit na rait.

Las wik 17 manmeri bilong ples i kisim setifiket bilong ol bihain long ol i pinisim wanpela skul bilong kisim save long rit na rait we Sama Institut ov Lingustik (SIL) i bin ranim na kamapim.

Dispela skulem ol i bin kamapim long tokples bilong ol Yao pipel insait long Uruwah Sensis Divisen. Skul ya i bin kisim tupela yia long ronim.

Taim em i bin tok klia long ol wanem samt-ing i bin kamap long dispela de, man husati bin givim aut ol setifiket long ol sumatin na memba bilong Kabwum, Ginson Saonu, i tok bipo long ol i kirapim dispela skul, ol wokman bilong SIL i bin go long ples Uruwah long lainim tokples bilong ol pipel.

Tasol ol i painim olsem i nogat manmeri i ken helpim ol long lainim tokples. Bikos ol pipel yet i no save long rit na rait.

Dispela i mekim wok bilong ol i hat moa. Na ol i bin go bek long Ukurumpa, het! wata bilong SIL long Kainantu, Isten Hailans

provins.

Bihain long sampela taim, ol wokman bilong SIL i go bek. Na long dispela taim ol i makim 17 manmeri long kisim skul long rit na rait.

Bikpela astingting bilong dispela skul i bilong lainim ol pipel long Uruwah long lainim gen ol pikinini bilong ol long tokples bilong ol yet, bipo ol i ken go long mekim gred wan long ol komyuniti skul. Dispela bai mekim ol pikinini long save gut long rit na rait long tokples bilong ol, bipo ol i ken lainim ol narapela tokples olsem tok inglis na pisin.

PNG em i trupela fri kantri o?

ELIZABETH LENY i raitim

TRAIM tingtim sapos i nogat niuspepa, redio na televisen long kantri bilong mipela. Wantaim dispela, sapos i gat tambu long wanwan man i autim tingting bilong ol long wanem samt-ing i wok long kamap insait long kantri. Bai mipela no save long wanem samt-ing i kamap long gavman, na ol arapela samt-ing i kamap insait long kantri na ovasis.

Na tu bai yumi nogat rait long givim tingting long wanem samt-ing i kamap insait long gavman.

Kantri bilong mipela i wanpela laki kantri. Long wanem, insait long mama lo bilong Papua Niugini long seksen 46 i gat wanpela lo ol i kolim 'Fridom bilong Expresen'. Dispela i min olsem olgeta manmeri bilong dispela kantri i gat rait long autim tingting bilong ol. Tasol dispela rait i gat mak bilong em. I gat sampela samt-ing lo i tambuim.

I gat sampela lo i tambu tu long givim infomesen. Dispela i no min olgeta infomesen. I gat sampela infomesen tasol em lo i tambuim.

Ol narapela grup lain lo i save tambu em ol non sitisen o manmeri bilong arapela kantri.

Long subseksen wan, fridom bilong expresen na pablikesen i min olsem olgeta manmeri bilong dispela kantri i gat rait long autim tingting bilong ol, kisim tingting na infomesen long ol arapela manmeri long publik. Dispela fridom bilong expresen i min tu olsem ol pres o olgeta kain niuspepa, redio na televisen i gat rait long kisim tingting bilong ol manmeri bilong dispela kantri na putim long niuspepa, redio na televisen.

Yes, mipela ol pipel bilong dispela kantri i ken tok olsem mipela i gat rait. Tasol i luk olsem dispela rait i stap long pepa tasol.

Long wanem long las wik Trinde taim sampela bikman bilong kantri olsem olpela Sief Ombudsmen Komisen Sir Charles Maino, Siaman bilong PAF stiarng komiti, Bill Dihm na olpela bikbos bilong Mama beng long kantri, Sir Mekere Morauta i bin go insait long Kalang FM long tok-tok long Tok Bek so bilong anaunsa Roger Haofa. Na autim tingting bilong ol long provinsal gavman rifom, ol i bin painimaut olsem ol i no inap go het wantaim dispela tokbek so.

Bikos wanpela edvaisa bilong Praim Minista Sir Julius Chan, i bin stapim dispela tokbek.

Planti pipel i ring gen long Kalang FM long neks de na autim tingting bilong ol long dispela samt-ing. Ol i tok dispela i soim tru olsem yumi no bihainim mama lo bilong kantri.

Taim ol pipel i bin harim dispela, ol i bin askim : olsem wanem long seksen 46 long konstitusen o mama lo bilong kantri?

Yes, olsem wanem long seksen 46. Tasol bai mipela mekim wanem? Bihainim dispela Sir Julius i tok olsem dispela ol lida i nogat rait long yusim wanpela gavman bodi long go egensim gavman. Yes dispela em i tru. Dispela redio stesin i bilong gavman. Orait mipela askim mipela yet dispela askim. Sapos redio steien i bilong gavman, orait gavman em bilong husat?

Mipela save ting olsem gavman i bilong olgeta manmeri bilong dispela kantri. Tasol i luk olsem gavman i bilong sampela lain tasol.

Nau mipela lukluk go bek long dispela senis bilong provinsal gavman. Long dispela taim i gat planti lain i bilip olsem dispela senis i kamap long astingting bilong sampela man tasol.

Lapun papa bilong kantri na Rijonal Memba bilong Is Sepik, Sir Michael Somare i tok taim em traim paitim toktok long dispela provinsal gavman na lokol level gavman sistem olsem dispela senis i bin kamap o bilong gavman tasol. Sir Michael i bin mekim dispela toktok long wanem em i no bin amamas long palamen i no bin paitim toktok long ripot bilong palamentri komiti bilong jastis.

Insait long ripot bilong dispela ol palamentri komiti bilong jastis, ol i bin tok olsem planti pipel i bin egensim dispela nupela senis. Tasol i bin nogat warkurai na tingting na toktok inap long bil ya i kamap lo, bihain long palamen i vot long en.

Praim Minista Sir Julius Chan insait long wanpela toktok bilong em i bin tok olsem olgeta memba bilong palamen mas vot long dispela bilong tingting bilong ol. Tasol taim bilong vot long dispela bil i kam klostu, i bin gat wanpela wok painimaut i painim olsem olgeta gavman minista i bin kisim notis long vot long dispela bil. Bai mipela tok wanem dispela em i no demokretik rait olsem

mama lo i bin tok. Dispela i soim tru olsem ating dispela kantri i wok long ron long tingting na save bilong wanpela grup ol man tasol.

Dispela i no stret long wanem ol pipel i wok long ritim long niuspepa harim long redio na lukim long TV na ol i gat pinis dispela tingting olsem gavman i no bihain lo. Dispela kain ol samt-ing i ken go kamapim ol bikpela samt-ing. Long wanem taim gavman o ol bikman bilong gavman i no bihainim lo. Ol pipel tu bai i no nap bihainim lo. Ol bai i gat dispela tingting olsem bilong wanem bai mi bihainim taim gavman i no bihainim lo.

Planti ol pipel i tok ol i nogat moa bilip long dispela gavman long wanem gavman i no lukluk long intres bilong ol pipel. Wanpela eksampol em long dispela lo bilong provinsol na lokol level gavman. Ol pipel i tok bil i gat planti asua na gavman i go het na wokim em kamap wanpela lo. I no gavman tasol, planti bilong ol oposison i putim het wantaim gavman na wokim bil i kamap wanpela lo.

Mipela olgeta mas luksave long wanem samt-ing i wok long kamap long gavman. Na tu gavman i gat wanem as long wokim ol lo. Tasol i luk olsem i no long taim bai mipela no save long wanem samt-ing i wok long kamap long lukluk bilong wanem samt-ing i bin kamap long kalang FM tok bek wantaim Roger Hau'ofa.

Bihainim dispela wanpela memba bilong palamen Ben Micha i tok i mas i gat wanpela wok painim aut long wok bilong Mista Hau'ofa. Lo sosaieti bilong PNG na Pasifik Ailan Nius Asosiesen (PINA) i tok dispela pasin i no bihainim mama lo.

Mipela ol pipel bilong PNG i mas luksave olsem rot yumi wok long go long em i no gutpela tumas. Na mipela mas traim painimaut wanem samt-ing i wok long kamap insait long kantri. Na mipela mas save long wanem gutpela rot bilong kisim kantri i go het. Miplela noken stap olsem ol longlong.

Em i 20 yia i go pinis taim mipela kisim independens. Na mipela no sapos long stap olsem ol longlong. Em i taim mipela save long ol rait bilong mipela. Na bai mipela ken yusim dispela ol rait long gutpela bilong mipela yet na biloŋ kantri.

FE
KILN DRYED
TIMBER

100 x 25 Kwila Flooring
K1.90 1/m.
100 x 25 R/Wood
Panelling K2.95 1/m

MOULDINGS

100 x 25 Flooring T&G
150 x 25 weatherboard
20 mm Quad and square
50 x 25 Architrave
100 x 25 Architrave
42 x 12 Door stops
32 x 12 Flywire battens
150 x 50 window sill

DAR TREATED

75 x 50
100 x 50
150 x 50
Based on random lengths
All other sizes available
immediate delivery.

Phone: 42 4879
Fax: 42 5494

TU MINIT TINGTING

Givim Gude

PASIN bilong givim gude, na pasin bilong salutim, na pasim bilong gritim narapela man/meri - em ol kain kain we bilong soim rispek long narapela man or meri. Taim yumi gritim narapela man or meri, yumi givim namba long em na yumi onaim em.


I gat planti kain we bilong salutim narapela man or meri. Long sampela kantri long taim ol manmeri i welkamim narapela, ol i troim han nabaut long ol na pasim ol strong. Long sampela ples tupela i rabim nus. Long narapela ples ol i save givim kis long wasket o maus bilong man o meri kamap, o givim kis long han bilong em. Long sampela ples tupela i bung ya, tupela i kraik.

Long sampela kantri man o meri nating i save brukim skru i go daun long graun bilong onaim bikman or bikmeri. Long sampela kantri ol manmeri nating i save daunim het long onaim nambaman. Long sampela ples ol man nating i save rausim hat bilong ol. Long planti kantri tude, taim tupela man i bung, tupela i save

sekan.

Tasol yumi no save mekim ol dispela kain griting long olgeta de. Nogat. Ol i bilong onaim man or meri yumi no bin lukim inap longpela taim. Tasol long olgeta de yumi save givim kain kain gude na salut long tok bilong yumi. Stat long moningtaim yumi save givim gude long wan wan man/meri i bungim yumi. Em i wanpela gutpela tingting. "Gude" em i min: "Mi laik bai yu gat wanpela gutpela de." Long dispela liklik toktok yumi save wokim bris i go long narapela man or meri. Yumi rispektim em. Yumi givim namba long em. Yumi gat interes long em. Yumi soim yumi belgut long em.

Long Olpela Testamen bilong Baibel bikpela griting bilong ol Juda em i dispela: "Bel isi i ken i stap wantaim yupela." Jisas yet i bing yusim dispela griting long



FRANK MIHALIC i raitim

Ista Sande. Dispela tok "shalom" em i min: "bel isi i ken stap wantaim yupela" long tok ples Israel. Insait long misa long Katolik lotu, planti taim pris i save tokim ol pipel olsem: "Bel isi i ken stap wantaim yupela." Ol Muslim tu i gat dispela wankain griting. Ol

Grik i save tok: "Yu mas amamas!" Na ol Rom i save tok: "Stap gut!"

Long planti kantri long taim ol pipel i gritim yu, ol i save askim olsem: "Yu stap gut,?" Hia ol i askim long helt bilong yu. Na dispela tok "gutbai" long taim yu laik go, em i min olsem: "God i ken i stap wantaim yu." Long planti kantri bilong Yurop ol i save tok olsem: "Yu go wantaim God. God i ken poromanim yu."

Long taim yu stap longwe na yu kam bek long ol wantok, o yu kamap nupela long kantri, sampela pipel i save putim plawa nabaut long nek bilong yu, o sampela i holim ol bikpela sain i tok "Welkam!" o sampela i pilai musik. Em ol we bilong gritim yu.

Yumi save welkamim ol arapela manmeri tu long taim yumi meknais wantaim han long taim ol i go pas, o yumi singaut hure long ol, o yumi smail long ol.

Givim griting, salutim narapela man/meri, em i wanpela pasin Jisas yet i bin blesim. Lukim Matyu 10:12 we em i tok olsem:

"Taim yupela i go insait long wanpela haus, orait, yupela i mak tokim ol manmeri bilong haus olsem, "God i ken mekim gut long yupela" Na long Wok Bilong ol Aposel yumi inap painim planti taim dispela tok: "Mi gritim yupela. . . Sios i gritim yupela. . . Mipela i gritim yupela"

Man/meri i save stap wanpis tasol, em i no save gritim narapela, long wanem, em i save tingting long em wanpela tasol. Na ol manmeri i stap insait long biktaun na ol i pas long olgeta hap wantaim bikpela lain arapela manmeri, hia tu ol i no save gritim ol narapela pipel. Hia wan wan man o meri i no gat namba, olsem na yumi no save gritim ol. Sapos nau yu kirap gritim o salutim o givim gude long wan wan, nau bai yu bringim lilik lait insait long laip bilong ol. Kas bilong yu!

Olsem na yumi no ken ting: givim gude long narapela manmeri em i samting nating. Nogat. Em i wanpela gutpela Kristen pasin tru. Yumi mas skruim em i go moa moa yet.

Namba wan Lutheran Baibel kem pulim moa yangpela manmeri

WATSON GABANA i raitim

MOA long 200 yangpela Lutheran manmeri bilong Kaiapit seket i bung long Ngaruapum peris long namba wan Baibel Kem bilong dispela yia. Bung i stat long Tunde Jun 27 na pinis las wiken tasol long Sande Julai 2.

Insait long dispela kem, Pasta Makis Nombi bilong Yati peris na Pasta Yasasa Degnanu, wanpela ritaia pasta bilong Malalo seket i givim stadi long ol yangpela aninit long hettok: Pasin bilong wokabaut long strong bilong holi spirit."

Tupela pasta i brukim de bilong stadi. Na pasta Makis i givim namba wan hap toktok bilong em long 'wok hait holi spirit i save mekim long laip bilong man long mekim man i kamap nupela'. Pasta Yasasa i givim namba tu hap bilogn stadi long 'God i lukim pinis bel

bilong man'.

Siaman bilong dispela kem em Makis Timong. Em i tok dispela stadi i bin kamap gut tru. Long planti yangpela manmeri bilong Lutheran, na tu bilong ol arapela sios i kamap.

Em i tok "mi bilip dispela stadi i bin kamap long gutpela taim stret we planti kainkain sios i wok long kamap. Na tu planti kainkain senis i wok long kamap na paulim tingting bilong ol bilip manmeri. Na mi bilip dispela Baibel Stadi i helpim planti manmeri husat i bin kamap long kem.

Long dispela namba wan kem, ol yangpela bilong 8-pela peris i kamap. Nem bilong ol em Yawa, Yati, Ngaruapum, Wantun, Guruf, Hanganop peris long Lae siti ma Siane peris long Goroka.

Planti yangpela manmeri bilong ol arapela sios tu i kamap long dispela Baibel Kem.

Yunaited Sios gat nupela seket long Is Nu Briten

MOA long 400 manmeri na pikinini i bin bung long ples Totovel insait long Is Nu Briten provins long amamasim kirap long nupela Yunaited Sios seket bilong ol.

Nem bilong nupela seket em long Nu Totovel Seket. Pastaim em i stap olsem hap bilong Vunavulila Seket.

Totovel Seket i karamapim Toboia, Palnalom, Totovel na Vunapidikula. Seket i

gat nupela superintenden minista, Reveren Paul Koasiro bilong Wes Nu Briten provins.

Is Nu Briten provins i gat 13 Yunaited Sios seket aninit long em nau. Provinsal memba bilong Sentrel gavman komyuniti, Esorom Toligur i tokim bung olsem em i amamas long pasin we Yunaited Sios i mekim long brukim i go daun na tilim pawa i go long olgeta level long sios bilong em.

Em i tok sapos Yunaited Sios na ol arapela sios inap brukim na tilim pawa i go daun long kongrikesen level, em bai mekim isi wok bilong sios. Na tu ol sios memba bai putim moa taim bilong ol long helpim wantaim wok bilong ol sios.

Yunaited Sios Asembli i bin stat long tilim sampela pawa i go long ol kainkain level bilong sios insait long Is Nu Briten rijon long sampela yia nau.

Ol Katolik long Is Nu Briten bai amamasim festede bilong Blesed Peter ToRot

VERONICA HATUTASI i raitim

TUMORA Fraide Julai 7 em i bikpela de long ol Katolik pipel bilong Rabaul Asdaiosis insait long Is Nu Briten provins.


Bikos em i festede bilong Blesed Peter ToRot. Na dispela em namba wan taim long amamasim bikde bilong em bihain long Pop John Paul 2 i bin kam long PNG, na santuim em long stat bilong dispela yia long mun Janueri.

Long dispela taim tu, ol bai opim nupela Peter ToRot Memoriel Sios long ples bilong em long Rakunai. Ol bin stat long wokim memoriel sios long las yia long kam bilong pop. Tasol bikos long Rabaul maunten paia we i bagarapim provins long las yia Septemba, wok long pinis sanapim sios ya i no bin kamap olsem ol i bin plenim.

Olsem na bikpela lotu bilong santuim Peter ToRot i bin kamap long Mosbi. Tasol tumora em bikde long amamasim festede bilong Blesed Peter. Na tu blesim nupela memoriel sios long ples Rakunai.

Asbisop bilong Rabaul, Karl Hesse long wanpela pastorel pas i askim ol Katolik pipel long PNG na Solomon Ailans long tilim dispela amamas na tenkyu long dispela de bilong ol Katolik pipel long Rabaul Asdaiosis wantaim ol. Em i tok ol Katolik pipel ausait long Rabaul Asdaiosis bai holim spesel komunio misa long tingim dispela bikde long soim amamas na tok tenkyu long God long givim sios long PNG santu Peter ToRot.

Orait, Asbisop Hesse i tok nupela memoriel sios long Rakunai bai kamap olsem wel wara we ol man i ken kam long strongim bilip bilong ol. Na em i strongim planti kristen na ol arapela lain moa husat i gat bilip



• Asbisop bilong Rabaul Asdaiosis Karl Hesse

long kam long dispela memoriel sios long Rakunai long pre. Na kisim nupela strong long bilip bilong ol, bai ol i ken go hetim gutpela laip.

Asbisop Hesse i givim strongpela toktok i go long ol katekis insait long kantri long wok gut na strong long helpim ol pipel i save long skul katekis na Baibel. Na em i askim ol long tingim na bihainim ol gutpela toktok we Pop John Paul 2 i bin mekim i go long ol long taim em bin kam long santuim Blesed Peter ToRot. Dispela em long wok strong, maski sindaun na laip i hat, o i gat o nogat pater insait long peris ol i wok long en.

Em i askim ol maritman tu long bihainim Blesed Peter ToRot olsem gutpela eksampel o piksa na wasman bilong ol. Sapos em i stap tude, em bai strong yet

long wanwan man long gat wanpela meri tasol. Pre na kisim strong long Blesed Peter long strongim na lukautim yupela ol marit man, Asbisop Hesse i tok.

Long ol lain husat i bungim hevi, Asbisop i askim ol long tingim hevi we Blesed Peter ToRot i bin bungim na kisim strong long en. Strong we em bin kisim em long bihainim Jisas long pasin bilong stap isi. Na i no mekim nois nabaut long taim bikpela traime i kamap long em.

Husat man i kam long nupela memoriel sios bai kisim dispela toksave. Na dispela em wankain toksave o toktok we olgeta kristen manmeri long PNG na Solomon Ailans bai painim long taim ol i amamasim festede bilong Blesed Peter ToRot olsem matir na katekis.

Ol sios long PNG save wokbung Gerehu gat nupela Katolik peris

ELIZABETH LENY i raitim

ASIN bilong ol sios long wokbung wantaim long sait bilong komyunikesen i gutpela tru insait long Papua Niugini. Dispela toktok i bin kamap insait long wanpela miting bilong ol niusman meri bilong Pasifik Ailans Nius Asosiesen (PINA) long las wik.

Insait long dispela miting i bin gat ol spika husat i makim tripela kain ogenaisesen. Ol i bin toktok long wanem we ol sios i save wokbung wantaim long karim ol toktok bilong ol i go long ol pipel.

Bihainim dispela, jenerel mensesa bilong Word Publishing Kampani, Ian Fry i tok kampani bilong em em i wanpela kampani we 4-pela sios i ronim. Dispela 4-pela sios em Katholik, Luteren, Engliken na Yunaitedsios. Em i tok astingting bilong dispela olsios em long raitim stori insait long ol niuspepa long we stori i mas karim toktok bilong ol sios. Em i tok tu olsem Word Publishing i save pablisim Wantok niuspepa, Weekend Sport, PNG Business na Saturday Independent.

Mista Fry i tok kampani i bin kamap wantaim tingting bilong kamapim wanpela wiken niuspepa em Saturday Independent long kisim ples bilong olpela niuspepa, PNG Times. Long wanem dispela olpela niuspepa i no bin mekim gut mani bilong kampani long go hetim wok bilong en.

Em i tok wok painimaut i soim

olsem planti pipel i save ritim PNG Times bikos ol save baim na ritim ol arapela niuspepa. Olsem na niuspepa i no save kisim inap mani long sait bilong edvetismen. Na dispela i min olsem kampani i no mekim inap mani long go hetim wok bilong em.

Bihainim dispela, tisa i go pas long komyunikesen dipatmen long Divain Wod Institut long Madang, Letty Tolentino i tok Divain Wod Institut tu em i wanpela praivet skul husat i gat sumatin bilong olgeta kainkain lotu. Na tu em i save skulim planti sumatin long mekim wok bilong sios long sait bilong komyunikesen olsem ripota.

Bihainim dispela tingting, Pater Mlak i tok ol sios redio na televisen program tu save kam aninit long wanpela tim. Long wanem dispela pasin bilong ol sios long wokbung wantaim i gutpela tru insait long PNG.

Wanpela tisa bilong Yunivesiti bilong Saut Pasifik Phil Cass i tok dispela kain pasin long ol kantri olsem Fiji i no strong tumas. Olsen na em i tok PNG mas traim lukluk long helpim dispela kain ol kantri.

Ol arapela niusman i tok ol sios tu mas lukluk long kisim ol niusman husat i bin go long skul long raitim ol stori bilong ol. Long dispela we bai ol i raitim long we ol i pipel bai laik long ritim.

Bihainim dispela ol i tok ol skul olsem Divain Wod Institut i mas lukluk long salim ol sumatin husat i pinisim komyunikesen program bilong ol long go long ol liklik ples.

DANIEL MONA i raitim

MOA long 500 pipel i bin bung long las Sande long Gerehu, Mosbi na amamasim blesing bilong Sen Pauls peris sios long hap.

Asbisop bilong Mosbi Katolik Asdaiosis, Sir Peter Kurongku i bin blesim nupela haus lotu.

Bikos mak long namba bilong

ol pipel husat i stap nau long Gerehu i go antap, mak long ol sios memba tu i go antap. Olsem na ol i kamapim nupela peris we pastaim i stap aninit long lukaut bilong Sen Charles Lwanga peris long Gerehu Stet 2.

Peris pater bilong nupela peris em Pater Patrick Bai. Em bai lukautim ol peris memba husat i stap long Gerehu Stet 4,5 na 6.

Ol lain bilong Lwanga peris tu i bin bung wantaim long mekim lotu na amamasim kirap bilong nupela peris.

I bin gat ol singsing kwaia, wanpela danis grup bilong Madang na pilai drama ol pipel i putim kamap long selebretim dispela de.


Agrikalsa na Laipstok Minista, Bernard Narokobi i bin stap long dispela lotu wantaim ol arapela bikman meri bilong sios.



• Long lephan i go long rait em Pater Bernard Ekako, Asbisop Sir Peter Kurongku na peris pater bilong Sen Pauls peris, Patrick Bai. OLI go pas long lotu long nupela peris las wik.

YU NO INAP WINIM

TOYOTA HILUX 4X4 DABOLCEBIN



Dispela kar tasol em i bikpela na strongpela 1 tonne 4 wil draiv kar long Papua Niugini Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap insait long Papua Niugini i sapatim dispela nupela kar.

 **TOYOTA**

Ela Motors

WAN SOLWARA NIUS

Ol ripot long egensim Frans i kirapim nuklia tes long Pasifik

FIJI: Wanpela protes mas bai i kamap long Suva neks wik Fraide Julai 14 long soim no laik bilong pablik long Frans i kirapim bek nuklia tes long Muroroa Atol insait long Saut Pasifik.

Gavman na oposisen long Fiji, ol rilijes grup, sosel na bisnis ogenaísesen long kantri i sapatim dispela mov.

Mas ya bai i go kamap long embasi opis bilong Frans long Suva we ol lain stap long mas bai i prisenim wanpela petisen i go long ambasada bilong Frans. Julai 14 em i wanpela bikde tu long Frnas we ol i save selebretim Bastille De long makim stat bilong Frans Revolusen long 1789.

Ol i kisim pinis signetja bilong planti pipel pinis long stap long wanpela petisen tasol ol i laikim moa long inapim taget bilong 100 tausen.

Ol environmen grup olsem Grinpis, Pasifik Konsens Risos senta na ol arapela grup moa olsem i sponserim petisen na protes mas wantaim.

FRANS POLENISIA: Samting olsem 100 pipel husat ino laikim Frans long kirapim bek nuklia tes long Pasifik i stap bung long ausait opis bilong Atomik Eneji Komisen long Papeete. Dispela em long makim namba 29 yia bihain long Frans i kirapim tru ol nuklia tes long Muroroa Atol.

Long wankain taim tu, sip bilong Grinpis em Reinbo Waria 2 bai i kamap long Muroroa long hap long dispela wik. Ol i ekspektim si long kamap long Papeete bipo long Julai 10. Dispela de i makim tenpela yia bihain long sampela sikret ejen bilong Frans ibin bomim na bagarapim olgeta sip bilong Grinpis long Nu Silan.

Long wankain taim tu, ol Frans atoriti i putim tambu long sip bilong Grinpis-Reinbo Waria long em i go klostu long 12 mita tes zon o hap we bai ol i karimaut ol tes ya. Frans i tambuim Reinbo Waria long noken go long ol arapela ailan we em bai karimaut ol tes. Em long Muroroa ma Fangataufa.

Ol plis bilong Frans yet ibin givim pas we i gat ol toktok long dispela samting i go long han bilong Kepten David Enever.

Planti ol arapela kantri long Saut Pasifik i tokaut strong na autim no laik bilong ol long Frans i go hetim ol tes long Pasifik.

Telivisen long Solomon Ailans

SOLOMON AILANS: Palamen bilong Solomon Ailans i tok oraitim pinis telivisen lo.

Solomons Minista bilong Pos na Telikomyunikesens John Mosuota i tok sapos Solomon Ailans i laik divelop, em i mas akseptim olsem long wanpela de yet telivisen bai i kamap long kantri.



• Antap: Ol helpim wokman rausim wanpela meri ausait long ol pipia bilong hotel long Egipt, Gris. Bikpela gurua i kamap long hap long namba tu wik bilong dispela mun na hotel i pundaun. Meri ya i stap aninit long ol pipia long 11-pela aua olgeta.

• Bilo: Poto i soim ol soldia bilong Isrel i paitim wanpela man Palestain husat i protes long Al Ram, ausait long Jerusalem long Sande Jun 11. Tripela memba bilong Palestain Liberel Ogenaísesen em plisman i holimpas na sasim pinis.



• Narasimha Rao, praim minista bilong India i pre long Sande Jun 11 wantaim Sonia Ghandi, meri bilong Rajiv Ghandi husat i bin indai. Dispela em long tingim indai bilong Mista Ghandi long 4-pela yia i go pinis. Ol birua man i kilim Mista Ghandi.



• Lep: Hos i pulim ol mangi ya i go abrusim sampela plisman, husat i putim was long Rio de Janeiro long kantri Meksiko. Plis was nau long hap bihain long wanpela pait i kamap namel long ol na ol lain bilong salim ol samting nogut olsem spak brus. Na wanpela meri husat i gat 5-pela krismas i bin indai long dispela birua.



Smok i no gutpela long bodi bilong man

ELIZABETH LENY
i raitim

INSAIT long Papua Niugini tude, planti pipel i gat save long ol liklik samting olsem gutpela helt. Tasol pasin bilong givim baksait long dispela ol samting i bikpela tru.

Dispela kain ol samting olsem pasin bilong smok long ol pablik ples. Ol ples olsem ol opis, ol PMV bas na planti ol arapela ples.

Planti bilong mipela i no save tingim wanem samting i ken kamap bihainim dispela kain ol pasin.

Sampela i save long nogut bilong dispela kain pasin bilong smok long ol pablik ples. Tasol mipela save les tasol long luksave long wanem em i rait samting bilong wokim. Sampela bilong yumi no save lukluk raun long ples mipela stap long em taim mipela laik smok. Mipela save smuk olsem mipela stap long haus bilong mipela.

Mipela mas save olsem dispela kain pasin i ken kamapim planti hevi long sait bilong helt. Dispela em long tupela sait wantaim.

Sait bilong dispela mun husat i save smok. Na tu long sait bilong man i no smok tasol i wok long pulim smok. Bihainim dispela, mipela mas save olsem bikpela hevi i no save kamap long sait bilong man i smok.

Tasol long man husat i no smok na wok long pulim smok i kam long smok bilong man husat i wok long smok. Dispela em i tru long wanem sapos yu lukluk gut bai yu lukim olsem dispela man husat i wok long smok, i save pulim liklik tasol na larim planti i go nating. Na sapos yu sidaun insait long bas wantaim dispela man husat i wok long smok, bai yu pulim dispela olgeta smok. Bai yu lukim tu olsem i hat

tru long stapim yu yet long pulim dispela smok long wanem em i kam wantaim win.

Olsem na sapos neks taim yu sindaun wantaim wanpela man i smuk, yu gat rait long tokim em long gutpela wei olsem: "bara inap yu wet inap yu go daun na smuk?" Long wanem yu mas save olsem i no dispela man husat i smuk bai kisim bakarap, em yu husat i wok long pulim smok bai kisim moa bikpela bakarap.

Insait long wanpela studi ol dokta bilong narapela kantri i bin wokim i bin painin aut olsem namel long ol kinkain smuk, sigaret na mutrus i ken bringim planti hevi. Long wanem smel bilong ol i no nogut tumas olsem brus. Na taim wanpela i smuk sigaret o mutrus man i sidaun klostu bai go het tasol na pulim tasol smok i kam long dispela man husat i wok long smok.

Planti ol lain i save tok olsem ol i bin smok longpela taim pinis na ol i no bin kisim sik ol dokta i save tok bai kamap sapos yu smuk planti. Em i tru. Sik i no save kamap stret. Tasol i save kamapim arapela ol sik bihainim ol sik i save kamap taim ol lain i smuk planti. Dispela insait long wanpela stadi ol dokta bilong ol narapela kantri i bin painim aut i painim olsem namba bilong ol man i save dai long ol sik bihainim sik bilong smok i wok long go antap olgeta yia long olgeta kantri. Ol dokta i painim aut tu olsem smuk sigaret em i as bilong planti ol lain husat i save dai bihainim ol sik i save kamap long smok.

Insait long Papua Niugini, pasin bilong smok long ol pablik ples i bikpela tru. Maski sapos i gat notis olsem tambu long smok. Planti ol manmeri i no save bihainim dispela kain ol samting.


Bai mipela mekim wanem? Larim ol dis-

pela samting i go het. Na bagarapim laip bilong ol arapela manmeri. Mipela pipel i mas traim na tingting olsem ol man nau. Dispela em i 20 yia pinis taim yumi kisim independens. Na mipela i mas mekim ol samting olsem ol man husat i no moa stap long taim bipo. Gavman na pablik i mas traim na

lukluk long ol dispela samting. Long wanem dispela kain samting i ken kilim ol man. Na tu kamapim ol bikpela sik we gavman i ken hatwok long baim marasin.

Taim mipela i save long lukautim mipela yet, bai mipela gat tingting long lukautim ol arapela. Na kantri bilong yumi ken kamap gut.

• Yangpela Rodney Kamus i mekimsave long putim smok namel long taim bilong wok. Em i no save olsem smok bai bagarapim bodi bilong em.



LIME
FRESH
BRINGS YOUR BODY
... to life!


NEW
LIME
Fresh
The wake-up soap

LIME
Fresh

KIRAPIM SKIN BILONG YU



• Ol lain wantok bilong Samarai i hatim stret singsing bilong lus weit taim ol katolik i opim nupela haus lotu bilong ol long Alotau las wik. Poto: James Kila



• Man ya Leota Ueese Petaia i wokim wanpela dance bilong natnat bilong ples bilong em yet- Westen Samoa 'aim em kam lukluk raun long Mosbi



ANTAP • Morobe MP Bart Philemon i save long danis tasol i no bilong tumbuna, poto i soim em i wokim hula hula long ea weis hotel long Mosbi.

RAITHAN •Bisop Desmond Moore bilong katolik misin i sanap long maus rot bilong nupela haus lotu long Alotau, Milen Be Poto James Kila



• Long asples bilong wan wan manmeri long taim bilong singsing, ol man i mas kaikai pastaim long danis olsem na ol pipel bilong Biem ailan long Is Sipik i wok long katim pik long wokim bikpela bung kaikai.na bihain long dispela ol i bai kirapim das.



• Ol tisa bilong Fatima Top-Up komuniti skul. (Rait-lep) Peter Koika, Paul Duma, James Kispa, Mark Tovasilo, Haiven Api, Alfred Moka, Poto: James Monda

NGO kempen long ol papagraun i papa long ol risoses

ELIZABETH LENY i raitim

LONG kamap papa na ronim bisnis wok bilong ol risoses o samting bilong graun na solwara i mas kamap insait long wanwan asples. Dispela em i wanpela astingting bilong wanpela program i wok long go het nau insait long Is Sepik provins.

Nem bilong dispela program em Kostol Son Menesmen program. Na em i wanpela program bilong ol Non Gavman Ogenaisesen (NGO).

Dipatmen bilong Fisarisa na Marin Risoses insait long provins i wok long go het long dispela program. Ol i stat pinis long ol ples olsem is kos bilong Turubu long mun Me. Na long namba 12 de bilong mun Me i kam inap long namba 20 de, ol i karimaut sampela aweanes kempen insait long ol ples olsem Vokio na Koil.

Long mun Ogas, bai ol opisa bilong NGO i karimaut narapela aweanes kempen long Wewak ailan.

Wanpela brens bilong Yunaited Nesen Developmen Program (UNDP) i sponsaim dispela program. Ol i kolim dispela brens long Global Envairomen Fesiliti, wanpela NGO.

Kodineta bilong dispela program, Gabriel Molok i tok dispela em i wanpela pailot projek o traim wok tasol. Olsem na bai ol traim long tripela hap tasol. Dispela tripela hap em long Turubu, Vokio na Koil na Wewak ailan.

Em i tok astingting bilong dispela program em long givim pawa bilong onasip long ol pipel insait long ol asples. Na bai ol i nap menesim dispela ol risoses insait long ples yet na ol provins. Na long dispela we, gutpela developmen i ken kamap insait long ol asples.

Narapela astingting bilong dispela program em long karimaut wok luksave namel long ol pipel insait long dispela ol kain ples. Long wanem long dispela taim, kainkain hevi i wok long kamap long sait bilong ol abus bilong solwara na wara.

Hevi bilong mani i sot hangamap long han bilong gavman : Tarata

LEO WAFIWA i raitim

GAVANA bilong mama benk long kantri, Koiari Tarata i tok gavman mas lukaut gut long we em i yusim mani long mekim ol wok. Bikos sapos gavman i no yusim gut mani, dispela bai bagarapim ikonomi o ol bisnis wok bilong kantri.

Nau yet kantri i bungim hevi long i nogat inap mani. Praim Minista Sir Julius Chan i tokaut long palamen olsem as bilong dispela em long planti biknem ovasis kampani i lusim kantri wantaim mani bilong ol. Ol kampani ya i ranawe bikos long hevi bilong lo na oda insait long Papua Niugini.

Mista Tarata i givim dispela tok lukaut long gavman bihain long gavman i stat redi long karimaut wok bilong nupela provinsal na lokol level gavman, long senisim provinsal

gavman sistem.

Wok bilong karimaut nupela sistem long namba wan taim bai kos K50 milien. Bihain bai em i kos narapela K100 milien long karimaut gut tru olgeta dispela senis.

Nupela kain gavman em palamen i bin oraitim long las wik Tunde bai kos moa mani long ronim olgeta yia. Em bai kos samting olsem K500 milien long ronim olgeta yia.

Dispela i winim kos bilong ronim ol provinsal gavman long K200 milien.

Mista Tarata i givim dispela tok lukaut bihain kam bek bilong sampela bikman bilong Wol Beng long amamasim gavman long kamapim ol dis-

pela senis. Ol senis ya i kamap bihainim askim bilong Wol Beng long mun MAs las yia. Wol Beng i tok sapos PNG gavman i mekim dispela ol senis, bai kantri i ken kisim K80 milien dinawu mani long Wol Beng.

"Olgeta samting i sindaun nau long han bilong gavman. Sapos gavman i mekim wanpela asua bai prais bilong ol ovasis samting insait long kantri i goap, na strong bilong mani bilong mipela bai go daun olgeta," Mista Tarata i tok.

Tasol Mista Tarata i tok, gavman i bin mekim gutpela wok long namba wan tripela mun bilong dispela yia. Olsem na i gat K67.4 milien sevingis i stap long mama beng. Mama beng tu i givim gutpela wok bung.



Bisnis bilong ol Bilbil pipel • Wanpela meri bilong ples Bilbil long Madang i stretim ol liklik sospen em i mekim long graun. Planti turis manmeri save go long pels bilong ol long baim old ispela graun sospen we i gat kainkain disain o mak antap long ol. Mekim na ples Bilbil i gat nem long pulim ol turis long kain graun sospen olsem. Foto: Fay Duega.

Bilong wanem ol pipel i go insait long kirapim bisnis

Bob Wheeler em i Het bilong Stadis long Bengas Koles na Edgar O'Neill em i Komes Kodineta long Disten Edukesen program long Yunivesiti bilong Papua Niugini. Tupela wantaim i bin raitim sampela bisnis na pepa wok ripot long Papua Niugini.

Welkam long dispela kolom o ripot bilong tupela aninit long hettok "Toktok long Bisnis" we bai kam aut long olgeta wik.

Long stat, mipela bai raitim sampela ripot long rot bilong statim na ronim wanpela liklik bisnis.

Bilong wanem na ol pipel mekim bisnis o go insait long wok bisnis

- ol i ting olsem ol i ken mekim moa mani na i no long wok bilong ol tasol
- ol i laik kamap bos bilong ol yet
- ol i laik bungim salens
- ol i les long mekim wok ol save mekim
- ol i no inap kisim wok
- ol i lusim wok na i no inap kisim nupela wok

Tasol, yu gat wanem kain as long mekim bisnis, yu mas gat save em ol arapela pipel i laikim; o save long prodak o sampela prodak em ol arapela pipel i laikim.

LONG MEKIM BISNIS YU MAS GAT SAVE O INAP SAVE LONG WANPELA PRODAK EM OL ARAPELA PIPEL I LAIKIM

Bihain yu mas testim yu yet na famili bilong yu long ol dispela tes. YU YET

1. Yu gat inap save long sevis o prodak yu laik salim long ol pipel?

(Sapos nogat, yu mas save long dispela

Tok Bisnis wantaim BOB WHEELER na EDGAR O'NEILL

pastaim bipo yu statim bisnis).

2. Yu gat inap mani long statim bisnis?
3. I gat famili memba long sapotim yu? (Lukim tes bilong ol famili bihain long dispela ripot)
4. Yu gat inap save bilong ronim bisnis? (Sapos nogat, yu mas kisim inap save gut pastaim long ronim bisnis bipo yu stat).
5. Yu gat gutpela helt?
6. Yu gat gutpela wokbung o pren wantaim ol arapela pipel?
7. Inap long yu wok long ol longpela aua?
8. Sapos yu mekim sampela rong, yu inap luksave long ol dispela asua, na ol i no inap mekim yu i wari?
9. Inap long yu kisim tok baksait o skul i kam long ol arapela pipel?
10. Yu pilim olsem yu fit long mekim bisnis wok?
11. Yu wanpela gutpela man o meri bilong harim tok, na inap kisim skul bilong ol arapela?
12. Inap long yu plenim ol wok bilong yu?
13. Yu wanpela gutpela man o meri bilong sasim na luksave long ol arapela pipel?
14. Yu gat bilip long mekim bisnis wok bilong yu i go het na karim laikai?

YU MAS GAT STRONGPELA TINGTING NA BILIP OLSEM BISNIS BILONG YU BAI KARIM

KAIKAI NA GROA

FAMILI BILONG YU

1. Yu bin toktok tu wantaim famili bilong yu long go insait long bisnis wok?
2. Famili i redi long helpim yu tu?
3. Inap long ol i wok nating long sampela taim we yu no inap baim ol?
4. Yu save tu olsem nogut sindaun bilong famili bai i no inap gutpela?
5. Famili bai i no inap wari sapos ol i no lukim yu longpela taim bikos bai yu wok longpela aua, na long kainkain taim?
6. I gat sampela memba long famili i kisim wok mani bilong ol yet? Sapos i gat, inap long ol i yusim mani bilong ol long sapotim famili pastaim long taim yu statim bisnis?
7. Sampela famili memba o ol lain i stap wantaim yu gat tingting olsem bai yu kisim ol long wok wantaim yu. Sapos i gat, yu luksave long sampela husat i gat inap save bilong helpim ronim bisnis?
8. Yu kiam famili tu olsem yu no inap rausim mani bilong bisnis long beng long sapotim ol?
9. Yu mekim wanpela basel bilong famili yet tu o nogat?

FAMILI MAS SAPOTIM YU

Planti bisnis save pundaun long namba wan yia tasol. Bikpela as bilong dispela em ol i no redim ol yet gut wantaim gutpela plen. Yu mas gat wanpela bisnis plen, bipo yu stat.

NEKS WIK bai mitupela i toktok long 'Statim Bisnis'.



TELIKOM

TOK

Mobailsaitelait telipon bilong Telikom bai ol yusim long Kokoda

Wanpela bilong tupela Telikom MobailSatelait telipon i lon i go long Australia Hai Komisen long yusim long dispela wik. Dispela em long taim 120 Australia Wol Woa 2 paitman long ami. Ol bai yusim long Kokoda ;pmg ring na salim toktok i go i kam long Mosbi na Australia.

Wanpela mausman bilong Telikom, John Samar i tok dispela MobailSatelait telipon save yusim satelait we i stap long namel bilong dispela planet ol i kolim Equata, na save salim signal bilong em i go long olgeta hap bilong Australia, Papua Niugini, Irian Jaya, Solomon Ailans na Papua Niugini.

John i tok Mobail Satelait telipon em klostu bai ol i autim olsem wanpela nupela prodak bilong telikom long ol kastoma bilong Papua Niugini. Em i tok dispela prodak i no hevi long karim. Na yu ken putim i go insait long ol bikpela skwitkes. Naa save kisim pawa long 12 vol bateri. Na yu ken yusim long bot, sip, haus o long ka.

Em i tok yu ken yusim dispela kain telipon long ring long kainkain hap bilong wol na Papua Niugini wantaim.

Em i tok sampela gutpela kastoma bilong ol maining na petrolium kampani i soim laik pinis long baim na yusim sampela mobail-satelait telipon.

Ol lain i gat laik long yusim mobailsatelait telipon i ken ringim Redio Prodaks Menesa long Telikom Maketing Dipatmen long telipon namba 300 5564.

Long ol arapela samting, Telikom i givim ol fiks telipon na feks masin lain long ol niusman meri yusim ripot long dispela lukluk raun. Ol bai yusim ol dispela sevis long Alotau, Popondeta na Lae.

Nau mipela i tok tok!

PLANTI manmeri nau i smokim spak brus o mariwana insait long kantri.

Tude mipela i no laik toktok tasol long spak brus. Mipela laik toktok tu long kainkain drag nogut.

Spak brus na ol kain drag nogut i wok olsem wanem? Insait long spak brus na ol arapela drag nogut, i gat wanpela marasin we i nogut na i ken bagarapim laip bilong ol manmeri. Manmeri i ken indai tu long dispela marasin.

Taim wanpela man o meri i kisim dispela ol drag nogut, dispela marasin nogut we i stap insait long drag i save painim rot long go insait long blut. Na bihain blut bai karim dispela marasin nogut i go long het bilong man o meri ya, na stat long wok insait long kru. Bihain liklik ol drag ya bai senisim tingting na pasin bilong man o meri. Na ol bai kamap narakain olgeta.

Sampela manmeri bai tok planti taim ol i kisim drag, na ol narapela bai kisim naispela driman na hai filings. Na ol bai ting olsem ol i stap antap long klaud 9.

Tasol bihain taim dispela narasin nogut i lusim strong bilong em pinis, amamas tu bai pinis. Na man o meri ya bai pilim nogut tru. Sampela taim olgeta bodi bilong ol bai pilim sik olgeta.

Long wanem as ol manmeri i kisim drag nogut?


Sampela manmeri i stat long kisim drag nogut. Bikos ol i laik save long drag i wok olsem wanem long bodi bilong ol. Arapela manmeri i kisim long wanem i gat sampela hevi long laip bilong ol.

Sampela i kisim drag long karamapim hevi o wari bilong ol. Sampela i kisim drag. Bikos ol i no amamas.

Olsem na ol i kisim drag long kirapim amamas long bel bilong ol. Tasol ol i mas lukaut. Bikos bagarap i ken kamap long bodi

Spak brus o mariwana

inap kilim manmeri



● Grup ya i kempen long ol manmeri long Goroka long mun Jun long abrusim spak brus na ol arapela drag. Kempen i kamap aninit long het tok: "Tok nogat long drag - Tok yes long Laip". Dispela i min olsem sapos yu tok nogat long drag, bai yu stap laip.

bilong ol, bihain long ol i kisim ol dispela drag nogut.

Ol drag nogut i save kalabusim man na meri

Taim wanpela man o meri i stat long kisim drag nogut olgeta taim, bai ol i laik kisim moa na moa.

Sapos bodi bilong ol i no kisim drag ol bai pilim nogut na sik na ol bai hangre tru long kisim moadrag.

Ol man na meri ya i save olem bai bikpela hevi i kamap 'long pasin bilong kisim drag, tasol yet bikpela laik na hangre nogut i holim ol strong ru na ol yet i no inap painim rot long lusim dispela pasin bilong kisim drag.

Kain man na meri olsem i kalabus long drag olgeta na long tok inglis ol i kolim ol 'Drug Adict'

Planti yangpela i kisim bagarap bihain long ol i kisim drag nogut sapos wanpela yangpela man o meri i huk long drag, ol i save i go

painim ol narapela yangpela hust i gat hevi tu long ol drag olsem na ol bai bung na wok wantaim long painim spak brus na ol narapela drag.

Sapos mani i sto, bai ol i stilim o ol narapela samting we ol i ken salim na kisim mani long baim ol drag long blek maket. Planti meri tu bai kamap pamukmeri na salim skin bilong ol long pulim mani long baim ol drag.

Igat kain kain drag nogut

Kanabis em i wanpela liklik diwai we i save kamap long hot ples olsem India, Afrika, Kolumbia na tu long Papua Nugini. Na dispela diwai i save kamapim spak brus (mariwana) long lip bilong en.

Narapela samting ol man na meri i ken kisim long diwai kanabis em 'hash'. Ol i wokim dispela drag long susu i stap insait long diwai kanabis.

Posin i stap insait long 'hash' i winim tru posin i stap long spak brus o mariwana.

Marasin nogut i stap long diwai kanabis i save kamapim kainkain pasin na filings long ol manmeri.

Sampela bai kisim hai filings stret. Na ol i ting olsem ol i stap antap tru na ol narapela bai no nap toktok, bai ol i stap isi tasol na sampela bai kirap tru wantaim amamas. Na sampela bai ol i pilim hangre nogut na ol bai laik kainkain planti kaikai.

Heroin

Heroin em wanpela paura, kala bilong en i wait na sampela i braun. Ol manmeri husat i save yusim dispela kain drag i save pulim heroin paura i go insait long nus bilong ol, na tu ol i save miksim heroin paura wantaim wanpela kain wara, bihain bai ol i pulim i go insait long nidel bilong sut na givim sut long dispela posin insait long liklik rop we blut i ron long en. Heroin em i wanpela drag nogut tru. Em i save senisim tingting, filings na pasin bilong ol manmeri wantu tasol. Taim ol manmeri i kisim dispela drag pinis, olgeta kainkain hevi, wari na pen ol i no inap long pilim moa na ol bai lusim tingting long ol samting nogut olsem na planti manmeri i laikim tumas dispela drag "heroin".

Sampela kaikai nogut bilong drag

Manmeri i kalabus long drag i save painim kainkain hevi. Oltaim ol bai pilim sik na les. Na bodi bilong ol bai nogat strong long mekim ol wok.

Long dispela as planti kampani i les long kain wokman o meri olsem. Na save rausim ol long wok.

Sapos man i marit bai famili bilong em i kisim taim nogut olsem sot long kaikai na planti ol arapela samting.

Na taim manmeri i nogat wok

bai ol i go insait moa long pasin bilong kisim moa drag. Na tu laik nogut bai pulim ol i go insait long mekim kainkain pasin nogut we bai ken bagarapim laip bilong ol.

Planti long ol bai kamap paul manmeri long painim mani long baim drag mariwana o ol arapela drag nogut.

Hevi tu bai ken kamap long ol manmeri i save yusim ol sut na nidel long sutim ol drge insait long bodi bilong ol. Planti taim ol i no tingting long yusim nupela klin nidel ol arapela manmeri i yusim pinis.

Long dispela rot sik i stap insait long bodi bilong ol bai painim rot long go insait long bodi bilong ol arapela. Na long dispela rot planti kalabusman na meri bilong drag i bin kisim dispela sik nogut ol i kolim 'AIDS'.

Ol drag i save kilim planti manmeri

Taim ol manmeri i kisim ol drag planti taim, bodi bilong ol i save bagarap. Long olgeta yia, planti tasuen yangpela manmeri save indai long dispela as long olgeta hap bilong wol.

Ol i save dai nating long rot, insait long ol pablik toilet we ol i bin givim ol yet long wanpela sutwanpela las sut i bin stong tumas long odi i bagarap pinis na dispela las sut i kilim ol o wanpela las spak brus mariwana we i strong tumas na i kilim ol bihain long ol i smokim.

Tingim nau ol yangpela manmeri husat i save kisim ol kainkain drag nogut. Yu ken ting olsem em i orait long kisim ol drag, tasol bihain kik o bagarap bilong em long bodi bilong yu bai i ken kilim yu.

Tingim tu olsem laip bilong yu bai ken go het yet inap planti yia, tasol yu yet ken sotim wantu tasol sapos yu kalabusim yu yet long ol dispela drag nogut.

Yu mas tok "yes" long laip na tok "nogat" long drag.

Tabubil bai lukautim bikpela bung bilong ol Westen provins yut grup

WANPELA bikpela Yut Konvensen o bung bilong ol distrik yut long Westen provins bai kamap long Tabubil taun long dispela mun.

Bung bai kamap long de namba 28 i go inap 30. Na wok bilong redi long dispela bung i stat pinis na i go het.

Dispela kain bung bilong ol yut i bin stat long 1993 aninit long dispela Distrik Yut Forum. As bilong

ELIZABETH LENY i raitim

holim dispela ol kain bung em long bungim ol yangpela manmeri wantaim. Na kisim tingting bilong ol long kalsa o sios bilong ol.

Na tu long bringim ol yangpela manmeri long ol ples i stap klostu i kam bung wantaim aninit long provinsal yut, nesenel yut na Ok Tedi. Man husat i go pas long wok

bilong ol yut, Nanu Sekele i tok Tabubil i go pas long dispela . Bikos Tabubil em i wanpela maining taun. Na planti yangpela manmeri i save painim wok na go stap nating.

Na tu Mista Sekele i tok em i bin go pas long kirapim tingting bilong kirapim dispela Distrik Yut Forum long stapim ol yangpela manmeri husat i lusim skul long mekim ol

raskol pasin. Na tu long kirapim gutpela spiritual developmen long ol yangpela manmeri, na mekim Tabubil kamap wanpela gutpela ples bilong stap amamas.

Dispela Distrik Yut Forum i save helpim ol yut long wok bilong sios, ol pilai nabaut na ol sosel developmen. Bihainim dispela ol i gat wanwan kodineta husat i save helpim ol long dispela ol tripela develop-

men. Mista Sekele i tok i gat 29 yut grup i rejista pinis aninit long dispela yut forum. Nainpela (9-pela) em ol sios yut grup. Na narapela 20 em ol viles yut grup. Ol 20 viles yut grup i stap aninit long Ok Tedi Developmen Trus. Dispela olgeta grup bai kamap long dispela konvensen. Em i tok tu olsem em i save toktok wantaim ol provinsal na nesenel yut opis.




PNG MOTORS

NATIONWIDE

**DRIVE AWAY
Sale!**

FROM K20658



Mazda E2000 Bus 2.0 Petrol 15 Seater

PNGOLLAIPSTAIL

Laip long setelmen i gat stail

SAPE METTA i raitim

LAIPSTAIL long bikpela siti o taun i ken kamap isi sapos man o meri i wok mani na lukautim ol yet wantaim famili bilong ol. Laipstail long ples tu i ken kamap gut, na laip i ken go isi wantaim ol sapos ol man o meri i mekim gaden na saposim ol yet wantaim famili bilong ol long ol kaikai bilong gaden. Na tu sapos i gat kopi, kakao na kopra gaden, dispela tu i ken helpim ol yet long baim ol samting bilong stua. Na tu baim skul fi bilong ol pikinini bilong ol.

Long ol setelmen insait na arere long siti o taun, laip long hap tu i gat stail bilong em. Wampela long ol dispela setelmen em Genoka setelmen insait yet long Goroka taun. Dispela em setelmen we planti

manmeri bilong kainkain provins i kam wokim haus na stap long hap.

Ol lain bilong nara-pela provins husat i pulap long Genoka setelmen i kam long Simbu, Westen Hailans, Sauten Hailans, Morobe, Madang, Sepik, Kerema, Bogenvil na ol Isten Hailans yet.

Taim ol i bung wantaim na stap long Genoka setelmen, ol i save kamapim kainkain we, pasin na stail bilong ol yet insait long setelmen.

Planti manmeri i bin lusim ples na provins bilong ol i kam long Goroka long painim wok mani. Tasol bihain long planti hatwok long painim wok, planti i no laki na sindaun gut.

Na long dispela kain liklik bisnis, sindaun bilong em wantaim famili save go het gut tasol long setelmen

Dispela em i wampela as we isi isi tasol ol i mov i go daun long Genoka setelmen. Na statim nupela laip bilong ol long hap.

Unare Wauwe bilong ples Kongi long Asaro distrik na Albert Are bilong Kimi long Okapa distrik long Isten Hailans yet em tupela

kain man olsem.

Nau yet, 10-pela yia olgeta i go pinis, tupela i traim hat yet long painim wok mani long Goroka taun. Tasol i hat tru. Olsem na tupela i go daun na sindaun nau long Genoka setelmen, wantaim famili bilong tupela.

Taim tupela wantaim



• Albert Are i sanap wantaim dats bod, katon bia na tamiok. Salim bia em i wok bilong em. Tasol sapos yu husat i bikhet long em, em bai givim yu tamiok stret.

famili bilong tupela i stap long setelmen, tupela i painim olsem na laip i hat tru. Olsem na tupela i lukluk long painim sampela kain rot bilong wokim mani, bai tupela ken lukautim famili.

Albert Are i kamap wantaim tingting bilong sanapim dats bod na salim dats spia, we ol manmeri i ken baim na tromoi long winim bia. Em i mekim olsem na nau yet dispela dats em i salim long en i helpim em na famili bilong em. Dispela em long pulim sampela wan siling na baim liklik kaikai.

Em i tok longpela taim em i stap long Goroka na traim long painim wok. Tasol i luk olsem em i no inap painim wampela wok. Bikos planti taim em i go long ol opis, em save harim dispela wampela tok: "Sori tumas i nogat wok".

Olsem na tingting

bilong em nau em long bungim sampela mani long dats bod wok. Na baim balus na flai i go long Mosbi, we em i ting em i ken painim wok mani long hap.

Unare Wauwe bilong bilong Asaro i tok 10-pela yia olgeta em i stap nau long Genoka setelmen. Insait long dispela taim, em i bin wok wantaim Isten Hailans Kapitel Atoriti long tupela yia. Em i wok olsem wampela komiti bilong lukautim Goroka taun. Tasol bihain long tupela yia, atoriti i pinisim em. Olsem na nau em i stap nating.

Em i tok sapos i nogat wok mani, laip em i hat tru. Tasol em save stap, sindaun na kirap raun insait yet long Genoka setelmen na i no tingting planti long dispela. Bikos em save kilim taim long mekim ol liklik wok olsem salim skon, lem fleps, paiawut, buai na lus smok. Ol mani em i kisim long ol dispela liklik wok save

sapotim famili bilong em.

Wauwe i tok ol mani em i kisim i sapotim em gut wankain olsem mani ol wokman meri i kisim long taun.

Wauwe em i wampela sempion man tu bilong baim ol dats spia na tromoi. Na em i wampela man bilong win oltaim. Planti taim em i baim 10-pela dats bia long K2, em save winim 5 o 6-pela botol bia.

Wauwe tu save sanapim dats bod na salim dats spia. Em i tok sapos em i baim wampela katon bia long K25 na putim long maket bilong dats, em save kisim olsem K50 o K60 long wampela de tasol.

Na long dispela kain liklik bisnis, sindaun bilong em wantaim famili save go het gut tasol long setelmen. Maski sapos em i no wok mani long taun laip bilong em i wankain olsem ol man i wok long taun.



• Albert Are husat save salim dats bia long raithan i putim ai long wampela kastoma bilong em, na wampela sempion tu bilong pilai dats Andrew Degena.

Wansolwara niusman meri kisim sans long lukim Rabaul taun

NAINPELA (9-pela) mun bihain long Tavurvur na Vulcan maunten paia i bin pairap na bagarapim Rabaul taun, ol pipel na ol planti ples arere long taun i stap bagarap yet.

Long las wik Fraide, sampela lain niusman meri bilong ol Pasifik Ailan kantri, wantaim sampela wanwok bilong ol long Papua Niuniu yet i bin go lukluk raun long Rabaul. Astingting bilong dispela lukluk raun em long lukim long ai bilong ol yet ol bagarap na hevi we tupela maunten paia i bin kamapim long mun Septemba, 1994.

Bipo long dispela lukluk raun, ol niusman meri i bin stap insait long wanpela wik bung bilong ol aninit long nem bilong Pasifik Ailan Nius Asosiesen (PINA), em i bin kamap long Mosbi siti. Bihain long kibung, Air Niugini balus i kisim ol i go long 4-pela senta long PNG long lukluk raun long ples. Na lukim stret stap na sindaun bilong ol grasrut pipel long kantri. Ol senta we ol niusman meri i bin lukluk raun em long Goroka, Hagen, Lae, Madang na Rabaul.

Mi bin laki long stap wantaim 14 niusman meri long mekim dispela lukluk raun i go long Rabaul long Fraide. Hia em stori bilong mi long dispela wok-abaut na wanem ol senis i kamap bihain long tupela maunten paia i bagarapim Rabaul taun.

Air Niugini smok balus ol i kolim F28 i bin pundaun long Tokua ples balus long Fraide belo taim stret. Dispela em bihain long sampela asua we balus i no lusim hariap Jacksons ples balus long Mosbi. Bikos long dispela asua, mipela i hariap long wanem hap we mipela i mas lukluk raun long em. Wanpela niusman bilong PNG, Peter Niesi i bin go pas long Rabaul. Bikos em i save stap na ripot long hap i kam long niuspepa bilong em long Mosbi.

Wanpela grinpela bas i gat 15 sia long en i kam bungim mipela long Tokua. Na kwiktam mipela 14 niusman meri i kalap long em. Peter i kalap long wanpela liklik ka bilong em yet na em i go pas. Na mipela i bihainim em wantaim bas.

Ples we mipela i wok long go long em pastaim em long Kabakada long not kos bilong Rabaul. Dispela em ples we ol ples lain i redim belo kaikai long mipela. Ples ya i gat Kulau Lodge we long gutpela taim bipo long maunten paia i kamap, planti turis na ol biknem opisal bilong gavman na praivet kampani i save go stap long en.

Lusim Tokua ples balus, mipela i bihainim Kokopo rot. Long go long Rabaul taun, em i kisim samting olsem 40 minit draiv long ka. Na long go long Kabakada, em i kisim wanpela aua olgeta.

Bihainim rot long Tokua i kam long Kokopo, ples i orait tasol. Nogat bagarap i bin kamap. Long Tokua ples balus i kam, ol jakao na kokonas plantesin i stap gut yet. Na ol man i lukautim na wok long ol i stap.

I kam long Vunapope Katolik Misin, ol kea senta lain na planti arapela pipel i stap. Sampela blupela kanvas haus i sanap yet long hap sait bilong nambis i kam.

Vunapope em ples we planti manmeri na pikinini i bin ranawe na

VERONICA HATUTASI i raitim

stap long em taim birua bilong tupela maunten paia i bin kamap. Na ol lain long Katolik Misin i bin lukautim ol.

I kam olsem long Kokopo taun we ol man i pulap i stap, mipela i lukim planti praivet kampani na ol pat taim opis bilong gavman i wok i stap long Kokopo. I nogat inap taim. Olsem na mipela i sindaun long ka na ron lukluk tasol. I luk olsem ol pipel long ol dispela hap i sindaun gut i stap long ol liklik ples bilong ol. Ol maket na ol liklik stoa i op i stap. Na ol pipel i go hetim laip bilong ol olsem bipo.

Lusim Kokopo i kam, em bai yu stat long lukim ol bagarap bilong maunten paia. Niusman meri bilong ol arapela Pasifik Ailan kantri i save pinis long ripot bilong dispela birua. Tasol wanem askim ol i gat, mipela i bekim.


I kam long hap we Vulcan i pairap na mipela i lukim traipela maunten em i fomim. Traipela maunten i stap we malumalum graun i bin kapsait na nau i drai. Nogat diwai samting i sanap. Tasol malumalum graun i drai i stap. Hap ya i bin gat ol ples na gaden. Tasol nau yu no inap lukim wanpela samting. Draiv maunten graun i kam daun karamapim bikpela eria tru. Dispela i soim long ples klia bagarap we maunten paia i bin kamapim. Draiv long hap na das bilong drai as bilong maunten paia i no isi. Mipela i stap na sampela wanwok i kisim poto. Dispela em i namba wan taim long ol niuslain bilong ol arapela wansolwara kantri, na tu long planti bilong mipela ol niuslain bilong PNG yet i lukim bagarap bilong maunten paia. Na mipela i sori tru long lukim bikpela bagarap tru i kamap long ples.

Draiv i kam moa na mipela i kamap long Rabaul taun. Bikos taim i wok long sot, mipela i ron bihainim not kos rot long go long Kabakada we i stap olsem 20 minit draiv longwe long Rabaul taun. Dispela em long kaikai belo kaikai. Na bihain long taim mipela i kam bek, em nau taim bilong mipela long go insait long Rabaul taun na lukim wanem samting tru i kamap long Rabaul taun.


Not kos rot i stap orait yet. Tasol sampela ol ples tu long hap i kisim bagarap. Ples Pilpila na Katolik Kai skul bilong ol man tasol, Vuvu na ol arapela ples klostu i kisim bagarap. Hai skul i no moa stap na ol i tilim ol sumatin i go long ol arapela hai skul long provins. Hap long BP petrol kampani we i stap klostu long ples Kabakada i stap orait tasol. Ples Kabakada na Vunairoto i stap orait tasol, ol i no bin kisim bagarap.

Bas i stap long fran bilong komyuniti hol we ol pipel bilong ples yet i redim belo kaikai i stap. Mipela i bung na plis komanda bilong Niugini Ailan rijon, John ToGuata, meri bilong em na bikman bilong ples i welkamim mipela.

Mista ToGuata i tok amamas long lukim planti niuslain bilong olgeta hap long wansolwara i kam raun long provins bilong em. Em i tok maski maunten paia i bagarapim ples, ol pipel i no slek. Ol i wokhat long stretim bek ples na sindaun bilong ol. Em i tokim mipela tu olsem wanpela samting we em i luksave long em, em ol niuslain i gat



□ Nupela maunten we Vulcan maunten paia i kamapim wantaim ol das na pipia bilong graun. Poto Joe Kanekane.



□ Leo Walukia i wok long stretim ol paip wara long usim long Kaivuna Hotel.

pawa long kamapim gen o bagarapim ol bikman, kantri na ogenaisesen. Olsem na em i laikim ol niuslain long wokim ol gutpela na stretpela ripot. Planti niusman em bin tok i save autim ol gutpela ripot. Na em i strongim tingting bilong ol niuslain long go hetim strong gutpela wok olsem long toksave long pablik.

Kaikai we ol pipel i redim i gutpela tru. I gat mumu kaukau, banana na kumu wantaim ol abus olsem kakaruk na pis na aigir. Tu i gat ol prut olsem kulau, sugaken, banana, popo na faivkona. Bikos taim i sot, mipela i kaikai hariap tasol na bihain long ol pipel i singim tripela kwaia singsing, orait, mipela i tok tenkyu, gutbai na sekanim ol pipel i fomim lainna kalap long bas na go bek.

Dispela taim mipela i bin go lukluk raun hariap long Rabaul taun. Peter wantaim meri bilong em Vicki na Nicole Johanes, em NBC ripota i go pas long liklik ka na mipela long bas i bihainim ol long raun bilong mipela i go long taun.


Hap long Malaguna, Batri sevis na ol eria long bris na stividor-ing opis i stap orait. Tasol i go moa nau na ol bagarap i nogut tru. Mipela i bihainim bikpela rot long Rabaul taun i go olsem long Mango Avenue, na olgeta haus na ples i bagarap olgeta. Ol bikpela stua bilong Steamships, ol praivet kampani, ol haus, beng na wanem moa i bagarap. Das i pulap yet long antap bilong sampela haus, we i sanap yet. Long sampela hap long taun, mipela i lukim sampela manmeri i laik sanapim gen haus. Ol sekyuriti i stap long lukim olsem ol man i no go insait nating long taun na mumutim ol pipia nabaut.

Wanpela haus we mipela i

lukim i no kisim bikpela bagarap em long Kaivuna Hotel. Ol man i stap na mipela i harim olsem ol ges i wok long stap long em nau. Orait, mipela i bihainim rot long Malai taun i go long Rabaul ples balus. Olgeta samting i bagarap tru, das bilong maunten paia i pulapim olgeta hap. Mi tu sori tru long lukim olpela haus bilong mipela long Malai taun, klostu long Remington opis we long sampela yia i go pinis mi na famili i bin stap long em.

Long ples balus, mipela i lukim sampela yangpela man i digim ka insait long graun long kisim ensin na ol spea pat long en. Long ples balus, mipela i kam aut na sampela lain bilong mipela i kisim piksa long tingim wokabout bilong ol. Na long soim ol lain bilong ol long dispela bikpela bagarap, we i bin kamap na bagarapim Rabaul taun na moa long 100,000 pipel las yia. Wanpela man i pulapim sampela das bilong maunten paia long plastik long soim skul klas bilong em. Long dispela taim, mi sanap, lukluk na toktok, ol kain tingting i kamap.

Bikos kain graun we i kamap long maunten paia i gutpela na ris we ol i ken yusim long planim samting long en. Sampela i tok ol graun ya i gutpela long salim i go long Nauru, narapela ailan long wansolwara we ol i ken mekim graun long hap i gutpela. Na ol pipel i ken planim ol samting long en. Bikos wok long digim fosfet long hap i bagarapim graun long hap. Sampela i tok i gutpela sapos ol lain Isrel i ken baim long yusim long deset. Sampela i tok em i gutpela long karim dispela graun i go long Bogenvil na pulapim bikpela hul long Panguna Kopa main. Dispela



□ Ol pipel bilongples Kabakada long not kos bilong Rabaul i welkamim ol PINA memba long kaikai long ples. Niusmeri bilong Federeted Stets bilong Mikronesia, Emiko Boaz i bungim ol yangepela manmeri.

em tingting tasol sampela niusman meri i autim.

Mipela i sori tru long lukim Rabaul taun i bungim bikpela bagarap tru olsem. Na tu long ol pipel i bungim hevi long tupela maunten paia we i bagarapim tru laip na sindaun bilong ol. Tasol long lukluk bilong mipela, ol pipel nau i wokhat tru long traun stretim laip, sindaun na ples.

Mi sori tru bikos bipo long trabel ya, Rabaul em i wanpela gutpela, klinpela na smatpela taun tru. Bihain long dispela, mipela i das i go long Tokua ples balus.

Mipela i lukluk raun tu long Kokopo maket. Na lukim olsem prais bilong ol kaikai na ol arapela samting long maket i no dia olsem long Mosbi. Wanpela hip kaukau na singapo we i gat planti long em i kos K1 tasol. Ol kulau i kos 20t tasol, wanpela bikpela rop buai i kos 10t o 20t tasol. Wanpela popo we long Mosbi i kos K1, mi baim long 20t tasol. Wanpela rop taro we ol i pasim 10-pela taro wantaim i kos K2 tasol. Planti bilong mipela husat i save stap long Mosbi i tingting planti na laik tru long stap long ples olsem long Rabaul, we ol maket kaikai i no kos bikpela mani. Na tu ples i grin na i luknais. I no olsem das siti bilong Mosbi.

Lukluk long Nesenel Nakotiks Biro

Long Februeri 26, 1992, Palamen i putim kamap Ekt bilong Nesenel Nakotiks Kontrol Bod.

Dispela Ekt i putim kamap Nesenel Nakotiks Kontrol Bod we i sapos long wanpela bodi karamapim ol gavman ejensi wantaim ol non gavman oganaisesen. Dispela Bod nau i stap olsem opisal edvaisa bilong gavman long hevi bilong drag. Bod i lukautim tu olgeta wok bilong supavaisim wok bilong pait egensim drag insait long kantri.

Aninit long wankain lejislesen, dispela Ekt i putim kamap Nesenel Nakotiks Biro olsem wanpela Sekretariat long Bod. Wok bilong Bod em long bung na wokim disisen long kamapim polisi. Na wok bilong Biro em long karim aut wok we Bod na Ekt i kamapim.

Dispela hap tok taitel Biro i min olsem opis. Em i no min olsem wanpela Polis opis o wanpela bodi bilong karim aut lo. Taitel i min olsem opis. Wankain tasol olsem i gat Biro bilong Pesenel Menesmen, Biro bilong Statistik na Biro bilong Wata Menesmen. Nogat wanpela bilong ol dispela oganaisesen i save karim aut lo.

Aninit o bihainim tingting na laik bilong Yunaited Nesen long i mas i gat wanpela sentral Bodi long wanwan kantri long karim aut wok bilong pait egensim hevi bilong drag, planti kantri putim kamap sentral bodi na kolim Nakotiks Biro.


Long sampela kantri, Nakotiks Biro i save karim aut wok olsem polis. Eksampel-Tailan (Thailand). Na long ol arapela kantri, Nakotiks Biro i gat polis pawa. Eksampel-Hong Kong.

Nakotiks Biro bilong Papua Niugini no wanpela polis bodi. Ol opisa bilong Biro i no save arestim man. Tasol Biro i save wokbung wantaim Polis na Kastam dipatmen. Na tu long pait egensim olgeta wok bilong pait egensim dispela hevi bilong drag.

Wanpela opisa ol i kolim dairekta i stap olsem hetman bilong Biro. Nakotiks Kontrol Bod i makim dispela opisa o man long stap olsem dairekta. Bihain Minista Bilong Jastis i apoinim dispela man o opisa.

Dairekta i gat namba tu bilong em long helpim long karim aut wok. Dairekta yet i apoinim namba tu bilong em namel long ol opisa bilong Biro.

Biro i bruk em yet i go long 5-pela seksen o divisen: Ligel, Rises na Plening, Infomesen, Edukesen na Awenes na Riheblitesen. Wanwan bilong ol dispela 5-pela divisen i gat wanwan Asisten Dairekta.



□ Long taim bipo, ol man bilong Hmong long Saina i smukim opiam long stopim pen long bodi bilong ol.

Wok bilong Biro i no stap tasol long pait egensim hevi bilong drag insait long Papua Niugini. Pasin bilong yusim krangi drag em i wanpela hap o pat intanesenel pait bilong

Sampela em ol non gavman oganaisesen we i kisim gutpela luksave long Yunaited Nesen. Eksampel-Intanesenel Leba Oganaisesen (ILO) i gat wari long drag i go insait long

Wok bilong Biro i no stap tasol long pait egensim hevi bilong drag insait long PNG. Pasin bilong yusim krangi drag em i wanpela hap o pat intanesenel pait bilong egens ol drag.

egens ol drag. Dispela woki save kamap long levil bilong Yunaited Nesen Komisin long ol Nakotiks Drag aninit long Yunaited Nesen Drag Kontrol Program long Viena.

I gat wanpela arepela wokbung wantaim Yunaited Nesen Ekonomik na Sosel Komisin bilong Esia na Saut Pasifik long Bangkok.

Sapos Papua Niugini laik kamap wanpela patna long dispela wok bilong pait egensim ol drag, orait em i mas go het, aninit long Dipatman Bilong Foren Afeas na tu wantaim ol arapela oganaisesen.

I gat tu ol arapela intanesenel bodi save karim aut wok bilong pait egensim ol drag.

ol ples bilong wok. Na Federesen bilong Non Gavman Oganaisesen. Em i wok bilong Biro long stap moa klostu wantaim ol dispela oganaisesen.

I mas i gat ol gutpela na nupela lejislesen (lo). Olsem na ligel eksen bilong Biro i mas go wantaim intanesenel drag lo na wantaim Konvensen bilong Yunaited Nesen.

Papua Niugini em i wanpela pati bilong ol dispela konvensen.

Na i redi long putim kamap ol lijislesen bilong em yet long stretim 1988 Konvensen bilong Drag Trefiking.

Sapos wanpela man i save

kisim wanpela drag tumas, dispela i min olsem em i mas kisim sampela kain marasin long stopim dispela pasin bilong em.

I gat planti program i kamap pinis insait long wol long helpim ol manmeri husat i save kisim tumas ol drag.

I gat luksave olsem long kalabusim wanpela man bai no inap helpim em. Samting olsem 98 pesen bilong dispela lain bai kisim gen drag taim em i pinis long kalabus.

Planti taim kain ol program olsem i no save wok gut. Ol wok sekap bilong Biro long ol gutpela riheblitesen rot i soim olsem i gutpela.

Dispela em long skulim ol pipel long luksave long laip bilong ol. Na tu long lukautim laip bilong ol yet.

Nakotiks Biro i luksave wok bilong em i bikpela moa. Olsem na Biro i nidim bikpela helpim na sapot. Biro i nidim politikel helpim na sapot long sait bilong givim ol risoses long karim aut wok bilong em. Na tu i nidim helpim na sapot bilong ol pipel long komyuniti long karim aut edukesen na riheblitesen wok.

Sapos Biro i kisim bikpela helpim na sapot i kam long gavman, ol sios grup, praivet sekta na tu long ol pipel long komyuniti, Biro i ken karim aut gut wok bilong em long pait egensim drag. Na wokim Papua Niugini kamap wanpela drag fri kantri.

I kam inap long nau yet, i nogat wanpela gutpela wok sekap i kamap insait long kantri long hevi bilong drag.

Mipela i bin no inap long givim ripot i go long Yunaited Nesen. Bikos mipela i nogat ol ripot bilong wok sekap. Bikos nogat wok sekap i kamap.

Nau Biro i wok long karim aut dispela wok aninit long Rises Divisen bilong em.

Gutpela plening long helt, kot, koreksenenel institusen na tu long ol skul bai kam aninit long ol ripot Rises Divisen bilong Biro i karim aut.

Hevi bilong drag em i wanpela bikpela hevi. Na i karamapim ol eria olsem marasin, botani, lo na helt.

Olsem na i mas i gat ol ripot long pait egensim dispela hevi. Sapos nogat mipela bai no inap karim aut gutpela wok.

I gat luksave i stap olsem awenes na edukesen long yusim drag krangi moa gutpela long skulim ol pipel long luksave long ol hevi bilong drag.

Na tu long abrusim dispela hevi. Dispela wok i nidim ol pipel husat i gutpela bringim infomesen i go long ol yut.

Riheblitesen program i bilong helpim ol pipel husat i kam aninit long pasin bilong yusim krangi ol drag.



□ Kas bilong Kanage i go wok long Goroka na stap i go na maritim wanpela meri long Goroka. Wanpela Sande, bihain long lotu bilong marit bilong tupela, kas bilong Kanage i kisim nupela meri bilong em na tupela i kalap long ka bilong tupela na go long Kainantu long kisim holide na amamasim marit bilong tupela.

Taim tupela i ron i go long Kainantu, kas bilong Kanage i laik senisim gia tasol han i popaia na tasim lek bilong nupela meri bilong em. Mekim i go na kas bilong Kanage i pilim sem, nogut tru. Bikos misis bilong em i no toktok. Em nau boi kirap na tok sori long meri bilong em. Meri bilong em i harim olsem na bekim: That's okay darling. Now that we are married, you can go all the way.

Kas bilong Kanage harim misis bilong em i tok olsem na em i no stop long Kainantu. Boi plaim ka i go olgeta long Lae.

Bara Vinsch
Bomana, MOSBI

■ Kanage paitim meri bilong em nogut tru na meri bilong em i kisim em i go long kot. Long kot haus, majistret i askim Kanage: Papa, watpo na yu paitim meri bilong yu? Kanage bikmaus na bekim: Em meri bilong yu o meri bilong mi.

Tasol majistret i tokim Kanage olsem: Yu mas save olsem lo i tambuim pasin bilong paitim meri.

Kanage harim majistret i tok olsem na em i tokim majistret: Lo i baim meri bilong mi o mi yet mi baim? Yu tokim, hariap, yu tokim mi.

Kalyo Ause
KAVIENG

□ Pikinini meri bilong wanpelameri Tolai maritim wanpela man Sepik. Man ya i stap long Sepik na meri bilong em i stap long Rabaul.

Meri bilong em i stap i go na i laik go long man bilong em. Em nau mama bilong em i givim ol skul toktok long pikinini meri bilong em: Pikinini, olgeta samting na wok yu save pinis. Na tu yu marit pinis na yu no manki moa. Sapos man bilong yu i tokim yu long kukim kaikai, brumim haus o wok gaden, yu mas wokim. Sapos em i askim yu long slip wantaim em, yu mas bihainim. Tasol sapos em i tokim yu long sanap na putim het bilong yu i go daun long graun, tambu tru long harim tok bilong em. Sapos yu harim tok bilong em na wokim, sori tumas, yu bai kisim bikpela bagarap. Bikos bipo papa bilong yu i giamanim mi na mi kisim bikpela mama na papa bilong taim stret.

P. Naraban
BIALLA

□ Kanage i gat ol narapela kain pikinini man stret. Wanpela pikinini man bilong em, Savior kirap na tokim Kanage wantaim meri olsem: "Taim Jisas kam long las de, mi bal ranawe go stap long Sogeri".

Narapela pikinini man i kirap na tok: "Taim mi pinisim skul, bal mi go bek long ples na mekim mayendua (sanguma) long ol manmeri." Mekim na nau ol save kolim em 'mayendua boi'.

Papa Kange
MOSBI

■ Wanpela Fraide nait, Mista Kanage i stap long ples Khesang. Na em i harim olsem ol meri Skou bai kam danis long Ottua Bis Risot long las ples. Dispela nait, planti manmeri tu laik go lukim dispela danis. Orait Mista Kanage i sanap wetim ka long rot. Tasol taim ol ka i kam, ol i no stap. Trangu sanap i go nogat no tok: "Win bilong yupela ol meri Skou. Danis olsem yupela yet. Swit bilong danis Jospan bilong yupela i olsem karai bilong musik bilong yupela yet. Na traim tingim mipela sampela i lus lain long kona."

Tais Wamo
SANDAUN

Askim bilong 10t na 20t pasin pulap long Mosbi

GODFRIED YASSAFAR i raitim

LAS wik Sande, Julai 2, mi wantaim sampela wantok, mipela i go raun long bikipela buai maket insait long Mosbi siti ol i kolim Takarara long painim sampela buai na daka bilong Sepik.

Yu save, em pasin ya. Mipela i wok long kaikai buai bilong Mekeo na Rigo i go na mipela i les. Olsem na mipela i go long Tokarara buai maket long painim sampela buai na daka bilong ples (Sepik) stret. Na rausim smel nogut bilong buai bilong Meko na Rido long maus bilong mipela.

Em nau, mipela 7-pela i kalap long ka bilong wanpela wanwok husat i wok long Foren Afeas dipatmen na mipela i go long Tokarara (ol lain long Mosbi save kolim Tokarara olsem TOKS).

Mipela i go kamap long Toks maket na i go sekim buai na daka bilong ples bilong mipela. Mipela painim i

go na i no bungim sampela buai na daka bilong ples. Nogat tru stret-long tokples bilong asples Madang em Tia Mok. Mipela painim i go nogat na wanpela wantok husat i save wok long PTC i kirap na tok olsem: *I luk olsem ol Sepik i no kam kamap yet long maket. Ating ol i mas wetim yet balus bilong Air Niugini long go long Wewak na kisim ol i kam.* Nogat buai bilong ples na mipela mekim nating long Mekeo na Rigo buai gen.

Biahin long mipela i baim buai, mipela wantaim liklik brata bilong dispela wantok i wok long PTC i go insait long wanpela liklik stua long baim 7-pela koka kola.

Mitupela i go insait na wok long wet long baim koka kola. Na wanpela yangpela man i wok-about i go insait long stua. Dispela yangpela man i luk olsem em i longlong liklik. Em i go



insait na askim mi olsem: *Inap yu givim mi 20t na mi baim lus (smok)?* Pastaim long mi bekim askim bilong em o mekim wanpela toktok, wanpela man i go insait long stua. Na paitim dispela yangpela

man na rausim em i go ausait. Bihain na mi kirap na tokim dispela man husat i rausim dispela yangpela mam olsem: *Brata, kain ol man olsem sapos ol i askim long mani, no ken givim. Sapos yu*

givim, em yu tokim ol long mekim wankain samting.

Pasin bilong ol yangpela man (i no olgeta yangpela man, wanwan tasol) long askim ol manmeri long 10t na 20t i stap long olgeta provins. Tasol long sampela provins olsem Wewak, Madang, Goroka na Kimbe we mi go raun na lukim, ol liklik manki save askim long 10t na 20t. I no ol yangpela man we kris-mas bilong ol namel long 17 na 20. Dispela em long luksave bilong mi. Sapos luksave bilong mi krangi, plis yupela i ken stretim mi.

Planti pipel i save tok olsem ol lain husat i save askim long 10t na 20t em ol turangu lain. Mi no save amamas long dispela hap tok turangu. Bikos nogat wanpela man, meri o pikinini em i turangu. Mi tok olsem bikos mipela olgeta wanwan i gat papamama na famili. Na tu i gat graun na ples.

Tude, ating planti gutpela saveman na save-meri bai sapotim mi na tok olsem dispela pasin bilong askim long 10t na 20t i bikipela tru insait long Mosbi siti. Dispela pasin we i stap insait long Mosbi siti winim tru ol arapela provins.

Wanpela arapela samting we i wok long kamap moa bikipela nau em ol lek nogut, han nogut, aipas na mauspas pipel i save sindaun long ol pablik eria olsem long bas stop, maket na soping senta na askim ol pipel long givim ol mani. Ol dispela lain i save sindaun wantaim

toksave pepa we i tokaut long ol i wanem kain lain tru-eksampellek nogut o han nogut. Insait long Mosbi siti, sampela eria we yu ken lukim ol dispela lain em ausait long Brain Bell stua, Gaden Siti, Alu Signs stua, bris long bas stop long Boroko, dua bilong ol stua long Tabari Place na ol eria long Dauntaun Pot Mosbi.

Long sait bilong ol yangpela man, moabeta ol i mas stopim dispela pasin. Bikos dispela pasin i no gutpela tumas. I gat ol gutpela rot bilong kisim mani stap. Eksampel-fomim yut grup na kisim kontrak wantaim Nesenel Kapitel Distrik Komisnin (NCDC) long klinim ol baret na plawaa gaden insait long siti.

Long sait bilong ol liklik manki, asua i stap long ol papamama. Moabeta ol gavman atoriti na ejensi mas karim aut bikipela awenes kempen. Na askim na olgeta papamama insait long siti long lukautim na skulim ol pikinini bilong ol. Sapos ol papamama i no skulim gut ol pikinini bilong ol, ol pikinini bai go aut na mekim kainkain bikhet pasin. Dispela bai bringim sem na ol arapela hevi go bek long ol papamama. Asua i stap long husat-ol pikinini o papamama? Hevi no save kamap nating. Nogat. Mipela yet i asua na hevi bai kamap.

Ol dispela lain husat i save sindaun long pablik ples wantaim kontena na notis, wanpela bikipela askim i mas

stap olsem: Ol i gat lain o famili bilong ol long lukautim ol o nogat?

Long kalsa bilong kantri bilong mipela, nogat wanpela man o meri ken tok olsem em i nogat famili o manmeri long lukautim em. Nogat. Sapos wanpela lek nogut o han nogut man o meri insait long Mosbi siti tok olsem em i nogat famili o lain long lukautim em, wanpela arapela askim i mas stap olsem: Na em i stap wantaim husat insait long siti?

Planti pipel insait long siti wok long tok olsem famili na lain bilong ol lek nogut, han nogut, mauspas na aipas i wok long yusim ol dispela lain long kisim mani.

Sapos yu raun long Boroko na lukim wanpela lek nogut man i sindaun wantaim notis na kontena, yu mas askim yu yet: Olsem wanem na dispela lek nogut man i kam kamap long ples em i sindaun? Sapos yu askim yu yet i go moa yet, yu ken luksave long wanem rot em i kam kamap na sindaun long dispela ples em i sindaun-i gat man i kisim em i kam. Long painim aut o luksave long husat tru i kisim em i kam i isi-em i isi. Wet i stap na long apinun yu ken lukim husat tru i kisim em i kam. Bikos husat i kisim em i kam long moning, bai kam bek long kisim em i go long haus long apinun. Em nau yu bai luksave long husat i bringim em i kam long moning.

Bilipim mi sapos yu laik. Yu bai no inap kirap nogut long luksave olsem ol wantok o famili bilong em i wok long yusim em long kisim mani. Tingim, laip long Mosbi siti hat moa. Na mipela i mas yusim kainkain rot long kisim mani long helpim na sapotim famili bilong mipela.

Tasol watpo na mipela sampela i wok long yusim ol wantok bilong mipela husat i gat bagarap long sampela hap long bodi bilong ol long kisim mani? Ating mipela i no wari o sore long ol i sindaun long bikipela san na luksore long ol pipel i wari na sore long ol na givim mani. Moabeta mipela kain lain olsem i mas tingting nau. Mipela i gat graun long ples bilong mipela. Olgeta samting mipela i nidim i stap long ples. Sapos mipela i go bek long ples, laip bai moa gutpela long dispela laip long nau yet mipela i gat insait long siti.

Baha'i Faith

40 Yia long PNG

"Mi wanpela man bilong ples long Kumbame insait long Sauten Hailans provins. Wanpela de, wanpela waitskin meri bilong Yurop i kam lukim ol lain i stap klostu long haus bilong mi. Mi kalap nogut na go painimaut long wanem as na dispela waitmeri i kam hia.

Em i sindaun long floa bilong wanpela haus, na tok olsem mipela i stap nau long nupela de. Na olgeta kain jeles na kainkain tingting wantam kros pasin i mas go. Na ol pipel i mas lukim ol yet olsem wanpela famili.

Em i tok tu olsem olgeta lotu insait long wol i olsem wanpela tasol. Bikos olgeta i kam long God. Olsem na olgeta i mas wokbung na helpim wanpela na narapela.




Powia Lombai, Sauten Hailans Provins

"Sampela taim mi save tingim, bilong wanem na i gat kainkain lotu. Na ol i save kros na i no wokbung. Olsem na mi amamas long ol toktok bilong meri ya. Mi tokim meri ya olsem mi laik lukim em moa long dispela. Meri ya slip long haus bilong ol wantok bilong mi, na go bek long neks de. Mi kalap nogut. Bikos nogat wanpela waitskin meri o man i bin mekim kain pasin olsem bipo. "Taim em i kam bek, mi redi gut long sindaun na harim wanem kain toktok em bai mekim. Ol toktok bilong em i narakain tru long ol toktok em ol arapela Misen save autim. Long namba wan taim, mi painim hat long save long mining bilong ol toktok bilong em. Sampela taim bihain, mi save nau olsem wanpela nupela mausman i kam pinis. Ol dispela toktok i gutnius i gat oneness bilong man, onesness bilong rilijon, na oneness bilong God. Dispela em ol skulim we bai stapim pasin bilong pait namel long ol pipel na lotu. Mi kamap wanpela Baha'i. Na traim long helpim skulim dispela nupela bilip we i gutpela long olgeta pipel, long mekim ol i hepi."

Oneness of God * Oneness of Man * Oneness of Religion

Marit ken kamapim nupela laip



•Lillian Koyebu husat i bin maritim Samuel Diaku

ARI HABA i raitim

MARITIM gutpela kristen man o meri inap kamapim gutpela laip insait long famili bilong man na meri na ol arapela famili memba na pipel long komyuniti.

Pater Paul bilong Baro peris long Vanimo wes kos i bin blesim ring na givim nupela sakramen bilong marit i go long Samuel Diaku na Lillian Koyebu long las wik Sande. Na em i mekim dispela toktok.

Lotu bilong marit i bin kamap long ples Yaka.

Taim Pater Paul apim kap wara na kapsaitim i go long Samuel na Lillian long blesim marit bilong tupela, em i tok, "Samuel yu kisim

Lillian olsem meri bilong yu, na em i mas stap long sait bilong yu long olgeta de na olgeta taim. Long wanem hap yu go, em bai stap long sait bilong yu," Pater i mekim wankain toktok i go long Lillian taim em i blesim

na putim nupela ring em tupela i bin senisim.

Pater Paul tu i bin givim strongpela toktok i go long tupela nupela marit olsem plan-ti marit i save bruk bikos ol i kamapim ol kainkain kros o i no sindaun gut o o hanagamapim ol yet. Bikos ol yet i nogat pogivness o toksore o nogat rispek long wanem samting ol i

pasin bilong pogivim narapela namel long wanpela marit, em bai sindaun o marit laip bilong i no inap go gut. Olgeta taim mas i gat tok sore, toktok stret na pogivnes insait long famili laip.

Pater Paul i tokim tu ol arapela yangpela manmeri long Yako olsem marit em i gutpela samting tru long senisim gutpela laip bilong yu. Bikos taim ol yangpela i stap bilong ol yet, ol i laik mekim nabaut long laip bilong ol.

Dispela em long go insait long pasin bilong spak, go danis na mekim trabel, paulim meri o man, stil na pait nabaut na draivim ka i go kilim ol yet.

Taim dispela kain yangpela manmeri i marit, ol bai gat pikinini na tingting long senisim laip. Bikos ol bai tingim pikinini bilong lukautim. Na dispela em i gutpela tru.

Pater Paul i tok kristen marit bai kamapim gutpela marit laip long stap belisi na amamas long dispela graun.

"Samuel yu kisim Lillian olsem meri bilong yu, na em i mas stap long sait bilong yu long olgeta de na olgeta taim. Long wanem hap yu go, em bai stap long sait bilong yu."

mekim we i rong.

Pater Paul i mekim strongpela toktok olsem sapos yu man yu mekim samting i rong, yu mas tok klia o sore hariap long meri bilong yu. Na yu meri mas pogiving man bilong yu.

Sapos i nogat toksori na

BIRUA MAN

MAN LONG GIVIM BIRUA LONG OL RASKAL

NIUS BILONG DANIEL INO GUTPELA.

OL KAMPANI TOK SKUL RESULTS BILONG MI INO INAP. OLI TOK OLI NO INAP LONG GIVIM WOK LONG MI

NAU MI BAI MEKIM WANEM?

BILONG WANEM YU NO OLSEM SIMON? YU NO INAP LONG KAIKAI WANTAIM MIPELA. YU GO KAIKAI WANTAIM DOK TASOL!!

DANIEL I KISIM BIKPELA HEVI

NEKS WIK : SIMON IGO LONG TAUN....

BM 4

© PIRGIN PUBLISHING 1995

MUSIK NA TELEWISEN

PAPUA NIUGINI



Sebie na Kiriwina

... Mangi long ples lukim driman bilong em ...

RODNEY KAMUS i raitim

PLANTI ol yangpela mangi husat i save laikim musik na harim ol ben i save pilai i save kisim ol kainkain driman na tingting olsem wanpela dei, ol i laik mekim dispela kain samting em ol narapela i wok long mekim.

Planti ol musik man bilong nau husat i gat nem long PNG musik indastri i gat kain driman olsem na dispela driman i gutpela. Long wanem ol bai bihainim inap driman ya i kamap tru.


Kain singa olsem John Wong, husat i stap olsem wanpela enjinia na namba wan singa bilong kantri long tudei i bin gat kain driman olsem tu long bipo. Nau em i wanpela biknem musikman.

Yangpela Sebedie Dumusi bilong lwa Ailen insait long Miline Be Provins em wanpela yangpela na nupela atis husat i katim namba wan kaset bilong em wantaim Walter Bay Studio long Mosbi. Em tu i wanpela man husat i bin gat kain driman olsem long rekotim wanpela kaset bilong em na dispela driman bilong em i kamap tru taim em i bungim enjinia bilong Walter Bay Studio Terry Kap husat i helpim em long putim dispela album bilong em wantaim.

Sebedie, olsem John Wong na ol narapela singa na musikman i no kisim wanpela save bilong mekim musik long skul tasol dispela save em ol yet i kisim long lukim ol narapela i pilai na ol i lainim ol yet. Sebedie i tokaut olsem em tasol i wanpela man em i lainim em yet na nau em i kamapim namba wan kaset bilong em.

Yangpela Sebedie em i wanpela man husat i save laikim musik na olgeta taim bilong em, em i save yusim long dispela samting em driman bilong em i save pas wantaim olgeta taim. Em yet tu i save traim hat tru long kamapim ol singsing bilong em yet na i no save laik kopim ol singsing long ol narapela lain. Na dispela samting em i painim isi tru nau long mekim kamap ol singsing bilong em yet.

Dispela kaset bilong em, em i laik tok bikpela tok



tenkyu i go long Tamapu ben bilong Omomatu ples na tu long ol poroman na wantok bilong em long hap bilong Wayouya long ol singsing bilong ol long tokples Trobriands.

Em i laik salim dispela singsing Mina Kebora i go long ol pipela bilong Kitava na Kiriwina na bikpela tok amamas bilong em i go long ol pipel bilong Miline Bay na ol poroman long olgeta hap bilong PNG long sapatim em long mekim kamap dispela namba wan kaset bilong em.

Nabedie i singim ol dispela 10-pela singsing long kaset bilong em long tokples Trobriands, Kiriwina na Kitava.

I KAM LONG Ela Motors OL WIL BILONG NESEN

AUSTRALIA TOP TEN SINGLES

The Australian top 10 singles, as rated by ARIA, with last week's position in brackets:

- 1 (1) Another Night M.C Sar and the Real McCoy (BMG)
- 2 (2) The Hit List Cliff Richard (EMI)
- 3 (10) Dookie Green Day (WARNER)
- 4 (5) No Need to Argue The Cranberries (ISL/POL)
- 5 (1) Hi Fi Way You Am I (roo/WAR)
- 6 (4) Smash Offspring (SHOCK)
- 7 (9) The Celts Enya (WARNER)
- 8 (6) Pulp Fiction Soundtrack (MCA)
- 9 (12) Vitalogy Pearl Jam (EPI/SONY)
- 10 (3) Janet Janet Jackson (VIR/EMI)

LONDON TOP TEN SINGLES

- 1 (1) Think Twice Celine Dion/Epic
- 2 (5) Don't Give Me Your Life Alex Party/Systematic
- 3 (2) I've Got A Little Something For You MN8/Columbia
- 4 (16) Push The Feeling On '95 Nightcrawlers/ffrr
- 5 (21) The Bomb! (These Sounds Fall..) Bucketheads Positiva
- 6 (3) No More I Love You's Annie Lenno/RCA
- 7 (8) Reach Up Perfecto Allstarz/Perfecto
- 8 (7) Set Me Free N-Trance/All Around The World
- 9 (4) Bedtime Story Madonna/Maverick
- 10 (-) Wake Up Boo! The Boo Radleys/Creation

USA TOP TEN SINGLES

- 1 (1) Creep TLC LaFace Gold
- 2 (2) On Bended Knee Boyz II Men Motown
- 3 (3) Another Night Real McCoy Arista Gold
- 4 (5) Take a Bow Madonna Maverick-Sire
- 5 (4) Always Bon Jovi Mercury Gold
- 6 (7) You Gotta Be Des'ree Music
- 7 (8) Before I Llet You Go Blackstreet Interscope
- 8 (9) Sukiyaki 4 PM Next Plateau
- 9 (6) Here Comes the Hotstepper Ini Kamoze Columbia Platinum
- 10 (10) I'm the Only One Melissa Etheridge Island

EMTV TELEWISEN

THURSDAY 18TH MAY, 1995


5.30	STATION OPEN
5.47	TRANSMISSION OPEN
6.00	ITN NEWS
6.30	DAYBREAK NEWS
7.00	TODAY SHOW
9.00	STATION CLOSE
9.01	PROGRAM HIGHLIGHTS
2.57	TRANSMISSION RESUMES
3.00	KIDS KONA
4.00	THE BOOK PLACE
4.30	HOT SCIENCE
5.00	WONDER WORLD
5.28	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIR (G)
7.00	SALE OF THE CENTURY
7.28	LOTTO DRAW
7.30	NEIGHBOURS
8.00	FIZZ
9.00	CATS & DOGS
9.30	THE FOOTY SHOW
10.30	A CO PRACTICE
11.57	MEDITATION WITH PASTOR WALO ARNI
12.00	STATION CLOSE

FRIDAY 19TH MAY, 1995

5.30	PROGRAM HIGHLIGHTS
5.47	STATION OPEN
6.00	ITN NEWS
6.30	DAYBREAK NEWS
7.00	TODAY SHOW
9.00	STATION CLOSE
9.01	STATION RE-OPEN
2.53	TRANSMISSION RESUMES
3.00	KIDS KONA
4.00	THE BOOK PLACE
4.30	HOT SCIENCE
5.00	WONDER WORLD
5.30	HOME AND AWAY
6.00	NATIONAL EMTV NEWS
6.30	A CURRENT AFFAIRS
7.00	SALE OF THE CENTURY
7.28	LOTTO DRAW
7.30	NEIGHBOURS
8.00	AUSTRALIA'S FUNNIEST HOME VIDEO SHOW
8.30	FRIDAY NIGHT FOOTBALL
10.52	EMTV TOK SAVE
11.00	RAVEN
12.00	NATIONAL EMTV NEWS REPLAY
12.27	MEDITATION WITH PASTOR WALO ARNI
12.30	STATION CLOSE

SATURDAY 20TH MAY, 1995

11.00	PROGRAM HIGHLIGHTS
11.27	TRANSMISSION OPEN
11.30	THE WONDERFUL WORLD OF DISNEY
12.30	CENTURY 21 REAL ESTATE GUIDE
1.00	WIDE WORLD OF SPORT
5.00	BEYOND 2000
6.00	NATIONAL EMTV NEWS
6.30	HEY HEY ITS SATURDAY
8.30	NCDC NEWS
9.00	WRESTLING
10.00	GILLETTE
10.30	MARRIED WITH CHILDREN
11.00	LOVE & WAR
11.57	MEDIATION WITH PASTOR WALO ARNI
12.00	STATION CLOSE
7.20	PROGRAM HIGHLIGHTS
7.50	TRANSMISSION OPEN
7.52	CHIT CHAT WITH SIR PAULIAS MATANE
8.00	BUSINESS SUNDAY
9.00	SUNDAY
11.00	WIDE WORLD OF SPORTS



12.00	THE FOOTY SHOW
1.00	GOLF SHOW
1.30	LUMEN 2000
2.00	MUSIC AND THE SPOKEN WORLD
2.30	MAGAZINE PROGRAM
3.00	BONANZA
4.00	SPORTS SUNDAY
6.00	NATIONAL EMTV NEWS
6.30	SUNDAY NIGHT FOOTBALL
7.30	60-MINUTES
8.30	SING WITH JOY
9.00	SUNDAY NIGHT MOVIE
10.50	CHIT CHAT WITH SIR PAULIAS MATANE
11.57	MEDITATION WITH PASTOR WALO ARNI
12.00	STATION CLOSE

PNG TOP TWENTY

AS AT 20/5/95

NO.	SONG	ARIST
3	(1) Rama Eno	Tarikana
1	(2) Confuse Mangi	Jr. Kopes
9	(3) Butterfly	Hollie Maea
2	(4) Rabaul I Tapnang	Charles Kivovon
5	(5) Tariga Iau	Painim Wok
4	(6) Dust Over Rabaul	Wong/Bowman
6	(7) Kantri Blong Yumi	Reks Band
14	(8) Red Eyes	JR Kopes
7	(9) Pulim Win	Greg/Telek
10	(10) Wopa Country	Bongas
11	(11) Rabaul Town	Barike
8	(12) Elisa	Sauga Band
12	(13) Swit Heart	Painim Wok
13	(14) Gomang Na	Bongas
15	(15) Lalohadai	Dokona
16	(16) Bagawauraidia	Dokona
0	(17) Rabaul Mi Cry	Basil Greg
17	(18) Ia Anna	Raymond Rangatin
19	(19) Hungara Singa	Crew 5
20	(20) Askom Askom	Chako Chako

* Ratings based on requests on Radio Kalang and not cassette sales.

ELA MOTORS - OL WIL BILONG NESEN

Lapun Koe stilim Pikinini

BIPO BIPO tru long ples Hambuke long Kubalia eria insait long Is Sepik provins, i gat tupela meri wantaim wanpela lapun man i stap.

Nem bilong lapun man em Koe. Nem bilong tupela meri em Yrok na Jiraun. Jiraun i gat wanpela pikinini meri. Na Yrok i no gat pikinini yet.

Ol i stap i go na Jiraun i karim namba tu pikinini. Nambu tu pikinini em man.

Jiraun em meri bilong wok hat tru. Na i save painim kaikai bilong haus. Lapun Koe wantaim narapela susa, Yrok i save slip tasol long haus.

Jiraun i save belpen stret long lapun Koe na susa bilong em. Wanpela taim em i krosim tupela nogut tru. "Yutupela save slip tasol long haus. Na mi wantaim tupela liklik pikinini i hatwok long painim kaikai bilong yutupela." Yrok i sem na ranawe i go stap long narapela haus longwe long susa.

Koe tasol i no wari long dispela kros na stap yet wantaim Jiraun na tupela pikinini.

Wanpela de Jiraun wantaim tupela pikinini i go painim pis long wara. Dispela de ol i kisim planti pis stret wantaim wanpela wanpela kuka. Ok i kam bek long haus na lapun Koe i askim, "Yupela kilim sampela abus tu o nogat?"

Jiraun i bel kaskas olgeta tasol i no laik autim kros bilong em. Em i bekim tasol em, "A Muanto Tuo, yu no ken wari na stap isi. Bai



mipela i kuk nau."

Kaikai i redi na Jiraun i putim olgeta pis long em wantaim tupela pikinini tasol. Long plet kanaka bilong lapun em Jiraun i putim dispela kuka tasol.

Jiraun wantaim tupela pikinini i kaikai pis tasol. Olsem na maus bilong ol i no pairap o maknais strong. Trangu lapun i wok long brukim kuka na maus i wok long pairap narakain stret.

Lapun i kirap na askim ol, "Olsem wanem na maus bilong mi tasol i meknais na bilong yupela i nogat." Jiraun lukluk long plet kaikai bilong em en bekim isi tasol, "Nogut yu kaikai buai samting long san o sampela taim em yupela ol man i save toktok long pilai graun o wanem kain bung i kamap. Na yu kam na mipela kukim pis yu kaikai na kain pairap olsem i kamap?"

Lapun Koe i harim olsem na i no mekim wanpela toktok. Hariap tru em pinisim kaikai na go slip.

Narapela de Jiraun wantaim tupela pikinini i go bek long painim pis. Koe i wetim ol i go longwe liklik na kirap bihainim.

Ol i kamap long wara



na Jiraun i putim las pikinini insait long bilum. Na hangamapim long han bilong ton. Em wantaim bikipela pikinini i go daun long wara na painim pis i stap.

Isi tasol lapun i go klostu long hap pikinini i slip long en. Em brukim wanpela han bilong ton na putim i go insait long bilum. Na kisim pikinini na ranawe i go bek long ples.

Em kamap long ples na givim pikinini i go long Yrok bilong lukautim. Em i tokim Yrok olsem em i painim pikinini long wara. Na i no ken tokim ol manmari sapos ol i painim wanpela pikinini.

Jiraun i painim pis i go na tingting long givim susu long pikinini. Em i go apim bilum na kakap nogut long lukim han bilong ton i slip insait.

Man lewa bilong em i pas olgeta. Em holim pasim bikipela pikinini meri na tupela kra i go bek long ples.

Tupela i kamap long haus na stori long wanem birua i kamap. Lapun Koe i harim na mekim sampela kusai toktok i stap.

Planti mun yia i go pinis na Jiraun i lus tingting long pikinini man bilong em. Na Yrok i wok long lukautim pikinini long narapela haus i stap.

Olgeta taim em i save givim banana tasol long pikinini ya. Olsem na pikinini i kamap bikipela hariap.

Wanpela de Yrok i lainim wanpela singsing long pikinini ya. Na tupela i wok long hatim i stap. Yrok i lainim singsing olsem, "Kuruo Kuruk nu Hru ni Te nien

yafi ampowi ni Hra ni de mark ma." Long tok pisni bai ol i singsing olsem pikinini ya em mi kisim long wara.

Tupela givim strong tru long haus i stap na Jiraun i harim long huas bilong em. Na i wok long tingting nau olsem dispela i mas pikinini bilong em tasol.

Em kisim spia wantaim em na go long haus bilong Yrok. Em lukluk igo insait na lukim pes bilong pikinini. Man bel bilong em i kaskas olgeta.

Em holim tasol spia na planim i go insait long bel bilong susa bilong em. Trangu Yrok i dai na pikinini i kirap ranawe i go long narapela ples.

Em tasol stori bilong mi

Paul Hama
YANGORU



□ Kanage pinis wok na go kalap long bas na i laik go long haus. Taim em i go insait long bas, han bilong em i krangi liklik na tasim susu bilong wanpela yangpela meri. Kanage tanim lukim meri ya na em i sem nogut tru. Bikos em i save olsem em i no min long wokim. Han bilong em i asua.

Bas i go stop long bas stop klostu long haus bilong Kanage na em i ka ausait. Meri ya tu i kirap na lusim bas na go ausait.

Taim Kanage i laik wokabout i go long haus, meri ya singaut em. Na tokim em long sanap.

Kanage sanap i stap na meri ya wokabout i go na tokim em: Bras, no ken wari o sem. Mi save olsem yu no min long tasim. Tasol sapos yu min long wokim, tingim yu tasim wantaim klos yu. Han bilong yu i no tasim stret.

Kanage harim olsem na askim: Sapos han i tasim stret?

Meri ya bekim: Yu ting bai mi marimari long yu. Man, bai mi askim yu long baim kompensesen wantaim bodi bilong yu ya.

Turu Tumas
LAE

■ Kanage spak nogut tru na wok long wokabout i haus. Long hap rot na ol plisman i patrol long nait i kam na bungim em. Em nau wanpela plisman i askim Kanage: Wantok, yu laik go long we?

Kanage i no save olsem wanpela plisman i askim em. Em i ting olsem wanpela wantok bilong em i askim em. Olsem na em i kirap na tok: Tutok, mi stap long Mun Lait na i laik go long haus ya.

Plisman ya harim Kanage i kolim em tutok na em i belhat. Na em i askim Kanage: Husat tutok bilong yu. Mi askim yu long yu laik go we.

Kanage tingting i go nogat na tokim plisman ya: Sori, mi ting olsem mitupela wantaim i bilong PNG. Olsem na taim yu tok wantok long mi na mi bekim bek na tok tutok long soim olsem mitupela wantaim i tritok na fotok na wantok na mipela olgeta i bilong PNG.

Wan Kantri
LAE

□ Kanage i go raun long Ailanda hotel long Mosbi wanpela nait. Em i go kamap na wanpela poroman bilong em i bungim em na tupela i go holim wanwan tutu i stap.

Bihain long wanpela aua na tupela i lukim wanpela plismeri spak nogut tru na toktok nabaut i stap. Meri ya i bilong ples bilong maunten paia (Rabaul).

Em nau Kanage wokabout i go na tokim meri ya: Yu harim, yu wanpela plismeri ya-yu no wok o stap long yunifom. Tasol lo bilong hotel i karamapim mipela olgeta husat i stap insait long dispela nait.

Meri ya sarapim Kanage na tokim em: Sapos mi stap long yunifom, bai mi arestim yu na antapim yu long lo bilong hotel, polis na bilong tumbuna tu.

Kanage smail na askim em: Sapos lo bilong tumbuna i no go antap?

Meri ya lukluk strong tru long Kanage na tokim em: Sapos lo bilong tumbuna i no go antap, yu save pinis, bai mi go sindaun antap na yusim pawana strong bilong mi long antap long yu.

Sori Tumas
POPONDETTA

Mi no toktok gut long inglis olsem long hai skul

Dia LAIPLAIN,

Mi lusim hai skul las yia wantaim ol gutpela skul mak. Long inglis, mi kam namba wan long eksam. Mi save toktok long inglis gut tru wantaim ol tisa na studen. Tasol nau ol samting i senis.

Mi stat wok dispela yia. Na painimaut olsem mi no save toktok gut long inglis. Mi save painim hat long toktok long ol kastoma. Sampela taim ol wanwok save mekim fani long we mi toktok long inglis.

Mi traim long toktok gut long inglis long ritim planti buk. Tasol hevi bilong mi i go bikipela yet. Mi pret long nogut bos i pinisim mi long wok sapos mi no toktok gut long ol kastoma.

VERBALIST

Dia Pren,

Long leta bilong yu, yu tokim mipela long gutpela mak bilong yu long hai skul. Leta bilong yu i soim tu olsem yu gat gutpela inglis. Tasol long opis, yu painim olsem yu mas yusim ol inglis we i bihainim wok bilong yu. Dispela i no wankain olsem ol

inglis yu bin yusim long skul.

Tasol dispela i no bagarapim inglis bilong yu. Yu wok longpela taim liklik, bai yu save long ol kain inglis bilong yusim long wokples. Ol arapela samting yu mekim olsem ritim planti buk bai helpim yu tu.

Sapos inglis bilong yu i no gutpela oltaim olsem yu tok, ating mas i gat wanpela as long dispela. Ating wanpela as em yu mas lusim bilip long yu yet. Dispela i ken daunim yu long wok. Dispela i bagarapim planti wokman meri.

Sapos nogat, ating yu gat ol arapela bikipela hevi i mekim yu i wari. Na dispela i mas stapim yu long ting na mekim gut wok. Olsem na i stapim yu long toktok gut. Sapos i gat sampela arapela hevi, yu mas stretim nau ol dispela hevi.

Long leta



bilong yu, i nogat wanpela as long soim olsem yu nogat bilip long yu yet. Yu mekim gut wok wankain olsem ol arapela wokman meri husat i gat moa ekspiens, maski ol i winim krismas bilong yu.

Noken wari long bos i pinisim yu. Mi bilip em i no inap pinisim yu sapos yu stat long bilip long yu yet. Na tu wokhat long toktok gutpela inglis.

Yu tok olsem yu wanpela tasol long opis i no save tok-

tok gut long inglis. leta bilong yu i no soim olsem, sapos yu makim yu yet wantaim ol wokman meri husat i gat wankain krismas olsem yu.

Ating yu mas makim yu yet wantaim ol lain husat i greduet long yunivesiti, na yu i gat moa ekspiens. Dispela i no stret long yu yet.

Yu mas mekim ol dispela samting long helpim yu: Ritim moa buk, traim long rit hariap sapos yu no save rit hariap, harim ol wanwok bilong yu i toktok, harim ol lain bilong ritim nius long radio na televisen, na tu ol arapela lain i toktok long inglis na bihainim ol. Dispela em sapos ol i toktok gut long inglis. Tuktok inglis planti taim long haus tu, na tu wantaim ol poroman na poromeri long fri taim. Noken tok inglis long opis tasol.


MI LAIPLAIN

Sapos yu gat hevi, rait i kam long LAIPLAIN, P.O. box 6047, Boroko. o yu ken ring i kam long dispela namba 26 0011. Mipela bai no inap putim trupela men bilong yu.

Moa tok pilai long pes 19



Big Bro **REBO**



Spak **MAIK**



YOU KNOW IT.



WHO'S KOOL COMPETITION



CITY MISSION

Stretim gut lo bilong skul

Dia Edita

Mi laik mekim wanpela askim i go long dipatmen bilong Praim Minista, Polis Dipatmen na na Lo rifom komisyon. Blong wanem ol i putim dispela ol lo long noken paitim man, noken go antap long haus bilong arapela man na noken brukim banis o eria bilong arapela man?

Na tu long wanem as tru ol i givim pawa long ol raitkot long kam insait na bakarapim nating ol gutpela manmeri. I luk olsem ol i brukim dispela ol lo.

I gat sampela gutpela rot i stap

long ol i ken yusim long painim ol man nogut.

Mi laikim Polis komisina na lo rifom komisyon long lukluk gut long ol lo bilong dispela kantri bilong yumi.

Taim ol raitkot i kam insait ol i save yusim ol alkohol wantaim. Dispela ol i brukim lo aninit long polis dipatmen.

Sapos yu laik egensim o sapatim, rait tasol i kam long wantok niuspepa.

Ben Lavu
KIMBE

Kukim gut kaikai long kaiba

Dia Edita

Mi laik komplem long ol pasin ol man i save mekim long Jekson Epot long haus kai.

Wanpela wiken, mi go raun long epot i go inap 12 klok na mi go baim wan kina sips long snek ba. Mi baim pinis na mi go sidaun long kaikai. Tasol insait long sips mi painim aut olsem i gat planti skin na deti tru. Na mi tok olsem "MAN! mani bai ronowe na yupela

haraip o? Olsem na mi raitim dispela komplem bilong mi.

Em pablik ples olsem na plis sapim gut, wasim gut na kukim. Mi ken tokim yupela stret olsem yu husat man o meri husat i stap duti long dispela taim i mas wanpela mani feis. Sapim gut, wasim gut na kukim na maski long pinisim nating mani bilong ol kampani. I luk olsem

yupela pasim ples bilong ol gutpela manmeri long wok. Moabeta yupela go bek long ol as ples bilong yupela wanwan na istap long wei na pasin bilong yupela

Olsem tokmi tok save i stap long yupela yet. Em tasol na husait laik egensim o bekim em bai mi hamamas tasol long lukim.

Moi Kumbit
MOSBI

Ol bos noken bagarapim bilip

Dia Edita

Mi laik egensim pasin ol waitskin bos bilong ol kampani i save mekim. Ol dispela man i save bihainim pasin bilong kantri bilong ol na ol i save stapim ol manmeri long taim bilong lotu.

Yumi kristen kantri na lo bkilong kantri i tok orait long yumi i gat rait long eksasaisim bilip bilong yumi; long Sarere o Sunde o long wanem taim yumi laik lotu.

Mi laikim ol bos bilong kampani i mas respekim yumi na lo bkilong kantri bilong yumi. Mipela i no stap long kantri bilong dispela ol gridi wait-skin man.

Mi laikim ol bos i no ken rausim ol

manmeri taim ol i laik go lotu. Na tu ol manmeri i no ken go wok long taim bilong lotium papa bilong yumi. Em tasol na bai mi amamas tasol long husait bai sapatim mi.

Lucy Paul
BIALA

Sapos yu laik raitim pas i kam long Edita, rait long dispela adres. P.O. Box 1982, Boroko, NCD.

Nem: Stiff Connie

Krismas: 21 yias (man)

Edres: Buvussi Street 8, Portion 004 1323, Kimbe, WNBSP.

Save laikim: Tok pilai, ritim niuspepa na pilai gita.

Nem: Maliko Miok

Krismas: 20 yias (man)

Edres: Wayalas Brothers, P. O. Box 134, Wabag, Enga province.

Save Laikim: Lotu, pilai volibal na painim abus long bus.

Nem: Make Pink

Krismas: 21 (man)

Edres: Wayalas Brothers, P.O. Box 134, Wabag, Enga province.

Save Laikim: Wokim gaden na ritim buk.

Nem: Tumaga Yukuti

Krismas: 21 (man)

Edres: Watalas Brothers, P. O. Box 134, Wabag, Enga province.

Save Laikim: Pilai ragbi na wokim gaden. Nem: Lyabum Kambao

Krismas: 16(meri)

Edres: Watalas Brothers, P. O. Box 134, Wabag, Enga province.

Save Laikim: Wokim bilum, go lotu na pilai basketbal.

Nem: Kuras Yapao

Krismas: 18 (meri)

Edres: Watalas brothers,

P. O. Box 134, Wabag, Enga province.



Gavman salim PNG long wol beng

Dia Edita,

Mi laik autim bikpela belhevi i go long dispela gavman bilong Sir Julius Chan na Chris Haiveta.

Nau mi lukim long niuspepa na harim long redio olgeta de olsem kantri bilong mipela i bungim bikpela hevi nau long sait bilong mani. Kantri i no gat mani long lukautim ol wok na pipel bilong em.

Olsem na long ol nius mi lukim, Praim Minista wantaim namba 2 bilong em i wok long raun long olgeta bikpela kantri olsem Australia, Saina, Inglen na tu long IMF na wol beng long askim long dinau mani.

Nau mi lukim olsem tupela lida ya i no moa wari long ol pipel bilong dispela kantri. Tupela i go het long mekim wanem samting tupela i ting i gutpela tasol i no kamapim gutpela helpim long kantri.

Dispela i soim tru piksa olsem tupela lida ya i salim kantri bilong yumi, Papua Niugini pinis long han bilong wol beng na ol bikpela ovasis kantri.

Dispela i soim tu olsem yumi yet i no inap long sanap long lek bilong yumi yet long mekim ol disisen long ol wok bisnis o maining nabaut long kantri bilong mipela. Bai ol wol beng na ova-

sis kantri husat yumi gat dinau long ol bai tokim yumi long wanem samting ol i laikim na bai yumi bihain.

Mi lukim dispela na mi sori tru bikos dispela i soim olsem yumi no gat gutpela saveman i stap long ranim kantri na ol pipel bilong em.

Nau yumi save olsem dispela gavman tasol i mekim na strong bilong kina i go daun. Strong bilong kina i drip nating na i nogat pawa long mani bilong arapela kantri. Long dispela as, gavman i go het na apim takis long planti samting we ol manmeri i kisim bikos ol i baim ol dispela asua bilong gavman. Gavman mekim asua na ol pipel i baim hevi bilong gavman.

Nau yumi gat planti bikpela hevi long kantri we i no pinis yet. Hevi bilong Bogenvil i stap yet na wok bilong stretim gen ples Rabaul tu i no pinis yet. Planti provins i bin bungim hevi long ren na bikpela hai wara. Na olgeta manmeri long dispela hevi i no kisim helpim bilong gavman yet. Sampela i kisim na planti i no gat yet. Gavman i no helpim. Ol manmeri yet i traime long helpim ol wantok, brata susa bilong ol yet long wokabaut na singaut long bungim liklik toea bilong

helpim ol wantok i stap long hevi.

Gavman bilong PNG i no gutpela na i bagarap tru long save na tingting bilong ranim kantri. Gavman yet i salim PNG long han bilong wol beng.

Yumi tok PNG em kristen kantri tasol gavman bilong mipela i no sanap strong long dispela nem. Ol yet i wok long stil na paulim mani bilong pablik. Ol i save kisim bikpela mani long EDF na haitim long poket bilong ol. Long dispela as, mani i sot long kantri na ol manki i go moa long bikhet pasin bilong brukim lo na oda.

Gavman i no wok gut wantaim ol sois long strongim dispela nem kristen kantri. Ol sios i ken mekim wok tasol gavman i no sapatim ol.

Em tasol liklik wari na bel hevi bilong mi. Husat arapela i gat sampela gutpela tingting i ken tromoi antap bikos mi yet i save olsem dispela kantri i bagarap nau long ol sampela gridi lida husat i nogat tingting long ol pipel. Ol i tingting long bisnis bilong ol yet na amamas bilong ol tasol.

Tanu Wati
HAGEN

Politisen mas lukaut long promis

Dia Edita,

Mi laik autim wari bilong mi long ol politisen husat i save mauswara nating long taim bilongileksen kempein.

Stat long mun Novemba 1994, insait long Kudjib konstituensi, planti long ol olupela na nupela politisen long Westen Hailans provinsal gavman i wok long raun na kapsaitim mauswara bilong ol.

Dispela ol politisens i promisim ol pipel long kopi, masin, kakaruk prosek na ol arapela samting moa olsem kes mani tu.

Mi no save watpo tru ol ino laik givim ol dispela samting long helpim ol trangu grasrut lain long ples wantaim dispela samting bipo long ileksen i kamap. Na nau long dispela taim, yu husat politisen noken laik tok sori long ol lapun manmeri.

Mi laik tok olsem yupela ol politisen i mas klia long ol haus dua bilong ol grasrut manmeri. Na nau, em ino taim bilong yupela ol politisen long tok sori long ol grasrut na promisim ol long ol kain toktok.

Justy Koleamah
HAGEN

Gavman tromoi mani long we?

Dia Edita,

Mi wanpela lida bilong Butten viles, Tabubil long Westen provins.

Mi laik givim bikpea saot i go long grup bilong MELSON i mas kempen egensim wol beng na IMF.

Papua Niugini gavman i mas lukluk gut long fran na beksait wantaim.

Em mas save long sindaun bilong liklik, bikpela, lapun, maniman na ol turangu lain. PNG gavman laik mekim samting long laik bilong em tasol na lus tingting long pipel bilong em.

I gutpela vot i no gat bilip i mas kam na rausim dispela gavman bilong Sir Julius Chan. Gavman bilong Paias Wingti i gutpela long planti samting.

Bikpela gol maining na kopa maining, oil, ges na bilion kina i go we.

PNG i gat planti samting bilong pulim mani tasol dispela ol mani i save lus nating.

Em tasol bel hevi bilong mi na husat arapela i laik tromoi tingting antap em laik tasol.

Daniel Wayaiko
TABUBIL

Sekim gut wok bilong Peter Yama

Dia Edita

Mi laik toktok bekim komplem bilong Funng Kubai bilong Madang. Funng Kubai i bin raitim pas long Wantok na kamap long Mas 23 wantaim hettok "PROMIS BILONG PETER YAMA WET YET".

Toktok bilong yu long paitim dua bilong palamen na ol pipel bai opim long beksait i nogat mining stret. Mi no save long mining bilong dispela hap toktok. Sapos Funng Kubai i bin stap long taim eleksen kempein long 1992, em bai harim gut na kisim tru mining bilong toktok bilong Peter Yama.

Ol toktok bilong Funng Kubai i jeles toktok tasol long wanem

Peter Yama i wok long mekim ol wok kamap long Sumkar ilektret wea ol olupela memba i no mekim wanpela wok.

Kubai yu save olsem Mista Yama i givim tripela ambulens, tupela kaunsol kar, wokim rot na givim liklik helpim nambaut long ol pipel bilong Sumkar long 1993 na 1994. Yu stap we na yu no lukim ol dispela samting.

Toktok bilong putim kolta long Karkar ring rot i no wok bilong olupela memba Galeng Leng.

Sapos dispela em i wok bilong Galeng Leng, wok bilong putimkolta bai kamap longtaim yet. Long taim Mista Yama i kisim wok olsem memba bilong Sumkar, mipela i no bin lukim

wanpela pepa wok olupela memba i wokim long putim kolta long Karkar ring rot.

Toktok bilong Kubai i olsem liklik pikinini i kros long mama bilong em long taim mama i no baim loli bilong em.

Mipela i klia tu olsem yu wanpela man tu bai sans long 1997 ileksen. Mista Peter Yama i stap tupela yia tasol na em i wokim planti samting long Sumkar pinis na yu toktok long wanem samting tru. Sapos yu laik salensim Mista Yama long 1997 ileksen, em i laik bilong yu tasol.

Charles Loke
MOSBI

No ken apim nem bilong Reks ben

Dia Edita

Mi wanpela mangi bilong Nabak insait long Boana Distrik long Morobe provins.

Na mi bekim pas bilong susa ya i kamap long wantok niuspepa na i tok olsem reks ben i save singim gutpela song tasol. Na mi laik tok olsem, susa ya bilong Finsapen o yu bilong Sepik. Sapos yu bilong Finsapen orait moabeta yu harim gut singsing bilong reks ben pastaim.

Long wanem i gat wanpela singsing bilong ol reks ol i save kolim Yausaganema. Wanem mining bilong dispela singsing? Mi laikim susa rait na tokim mipela mining bilong dispela singsing.

Na mi laik tok olsem maski long giamanim ol manmeri na kantri bilong yumi Papua Niugini. Na reks ben yu noken hapim nem bilong yu i go antap na tok olsem reks ben i save singim gutpela song tasol. Rek ben i save giamanim yumi na hapim ol yet.

Susa yu ritim gut dispela stori bilong reks ben na yu putim long bilum bilong yu na raun.

Singsing ya Yau Sanganema i min olsem: meri gat bel nau bihain man bilong em i tokim em olsem yu kam na kaikai samting bilong mi. Mining bilong dispela singsing i olsem.

Susa sapos yu ting mi giaman long yu orait yu rait gen na tokim mi na bai mi lukim a?

Planti ben bilong Papua Niugini i save singim ol nogut song. Olsem na wanpela ben i noken hapim ol yet.

**Maigo Kongrama
POT MOSBI**

Gavman mas kamapim moa wok

Dia Edita

Mi laik autim hevi na wari bilong mi i go long gavman na pablik i ken harim. Hevi na wari bilong mi i go olsem. Long Papua Niugini i gat planti ol sumatin husait i pinisim gred 10, 12 na ol kolis na tu long ol yunivesiti na ol i no painim wok.

Taim ol i go long opis bilong gavman o kampani, bai ol i tok sore nogat wok. "Sore nogat wok, em wanem kain tok ya".

Em long dispela as tasol ol sumatin husait i save pinisim skul na hat long painim wok na ol i save wokim ol raskol pasin. Na kantri i save painim hevi.

Olsem na inap gavman i mekim disison long long rausim ol manmeri husait i wok inap 25 i go inap 30 yia? Saapos gavman i oraitim dispela tok bilong mi, sindaun bilong kantri bai orait.

Mi no wanpela sumatin, mi wanpela mangi long ples. Tasol mi laikim kantri bilong mipela i stap gut. na dispela em i wanpela wei bilong helpim kantri bilong yumi.

Olsem na plis mi laikim gavman i mas wokim dispela senis.

**Edwin M. Yodu
KAINANTU**

Makim gutpela Tewai Siassi lida

Dia Edita,

Mi wanpela man bilong Tewai Siassi tasol mi stap longpela taim tru longKimbe, Wes Nu Briten provins.

Mi laik tok sori i go long leit memba bilong Siassi, Soling Zeming i bin lusim laip bilong em long dispela yia tasol.

Mi laik toktok strong i go long ol pipel bilong tupela eria olsem tru tumas yumi bin lusim gutpela save-man na strongpela lida bilong yumi husait inap long em bringim gutpela sevis na developmen insait long tupela eria bilong yumi tasol nau nogat.

Long taim Misa Zeming i bin winim sit bilong Tewai Siassi, tru tumas em i mekim bikpela hatwok tru. Em bringim planti liklik sevis i go insait long eria bilong em. Long tupela yia tasol inap dai i bungim em. Planti ol nupela wok kamap em ol olupela memba i bin sanap bipo i no mekim tasol leit Soling zeming i bin yusim gutpela save na wanpela honest man tru long yusim mani bilong pipel long kirapim ol wok kamap.

Wanpela bikpela wok em kamapim em ol pipel bilong hap bilong Dedua

Kalasa i mas luksave em rot projek we em Nuzeng Siwea rot bipo yumi nogat dispela tasol nu yumi mas tok tenkyu long dispela gutpela man.

Bipo yumi kamap donki long karim kopi na kumu brukim nait sana na maunten i go daun long nambis long salim ol samting. Tasol nau yumi stap isi na malolo tasol olsem na tok lukaut lukaut bilong mipela ol man long taun na husait arapela i laik redi long sanap long sia bilong Tewai Siassi.

Bai ileksen i redi pinis long dispela mun olsem na lukaut long ol giaman man na gridi lida husait bai kam na traim grisim yumi long makim em long sanap long dispela ileksen bilong Tewai Siassi.

Olsem na mi askim yupela olgeta manmeri insait long Tewai Siassi long lukim gutpela man na makim em long kism ples bilong Soling Zeming long dispela Tewai Siassi bai ileksen.

Em tasol tingting bilong mi na husait arapela i gat moa tingting long putim antap em laik tasol.

**Sam Sananke
KIMBE**

Memba lus tingting long pipel

Dia Edita,

Mi laik autim bikpela komplem bilong mi i go nau long provinsal minista bilong Is Nu Briten provins, Camilus Tati.

Dispela memba em wanpela gridi memba tru bikos planti samting em isave mekim i no gutpela tru long ai bilong mipela ol manmeri husait i votim em long kamap memba.

Memba ya i no save tingting long helpim ol arapela ples insait long konstituensi bilong em. Em i save givim ol helpim na sevis tasol i go long ol pipel insait long ples bilong em yet. Na olgeta hap i save no gat tru.

Mi save lukim planti samting bilong gavman i save go long ol pipel bilong Camilus Tati stret na ol arapela ples

husait i stap long konstituensi bilong em i save nogat. Man ya i tingim tasol asples bilong em yet.

Mipela arapela ples tu i votim em tasol man ya i go na lus tingting long mipela olgeta.

Mi laik askim olgeta manmeri bilong ol konstituensi mista Camilus Tati i stap long en long luksave long kain gridi man olsem na no ken votim em long bihain taim.

Em yet i soim pinis bikhet na gridi pasin bilong em pinis.

Em tasol komplem bilong mi na husait arapela i laik bekim em laik tasol.

**Andrew McJaxer
RABAU**

Pikinini Madang stret mas kamap memba

Dia Edita,

Liklik wari bilong mi i sut long ol pipel bilong Madang. Olsem wanem na ol Madang pipel i save givim vot o pawa i go long ol pipel bilong narapela hap?

I luk olsem ol pikinini Madang inogat save o? Sapos yu wanpela nambis man na yu laik sanap kontes long Hailans, mi ting em bai hat. Na tu ol bai ino inap larim yu, sori tru ol bai brukim het bilong yu olsem kokonas yu save brukim.

Madang taun em ino taun

bilong ol hailans. Em i bilong ol Madang pipel na mi laik save tru bilong wanem na yupela ol pipel bilong provins i givim pawa long ol lain bilong narapela hap?

Olsem wanem, pikinini Madang i nogat save o wanem samting i rong wantaim yupela ol asples stret bilong Madang na ol ino winim sia. Mi sori tru long ol Madang pipel long givim pawa igo long ol narapela hap. Na ol asples yet istap olsem ol longlong man.

Long Tunde nait, mi harim wanpela lida bilong Pangu Pati i tok-

tok long Redio Madang long fomim gavman. Mi no wanbel bikos taim ol pikinini Madang i sanap, ol pipel ino givim vot long ol.

Mi sapatim wanpela kendidet bilong Jomba konstituensi husait i askim long wanem as tru na yupela ino sapatim ol pikinini Madang. Em i tru long wanem samting em iken wokim na em bai soim olsem em pikinini Madang.

**Konsen Madang
HAGEN**

Wantok sistem bikpela long Wewak

Dia Edita,

Mi laik komplem long bikpela wantok sistem nau i stap long Wewak Is Sepik provins long sait bilong wok.

Sapos yu go long opis bilong gavman o long ol kampani, bai yu lukim bikpela notis i stap long dua olsem i no gat wok.

Tasol taim ol wantok bilong ol lain husait i wok long dispela opis o gavman opis, bai ol i kwiktaim go insait na kism wok.

Mi lukim olsem wanpela hap ples tasol insait long Is Sepik provins i pulap long olgeta wok insait long Wewak taun.

Mi lukim olsem bikpela wantok sistem i kamap nau long Wewak na dispela i bagarapim tru gutpela wok developmen bilong provins.

I gat planti gutpela saveman husait i gat ol eksperiens na setifiket long ol wok na skul we ol inap mekim wok na developim Is Sepik provins.

Tasol kain wantok sistem olsem i mekim na yumi long Is Sepik provins i no inap lukim wanpela gutpela developmen na sevis i kamap.

Mi askim olgeta lain long Is Sepik long luksave long dispela kain pasin na traim kamapim sampela kain petisen o straik egensim dispela kain wantok sistem bisnis nau i wok long kamap bikpela long provins bilong yumi.

Em tasol komplem bilong mi na husait i laik egensim o sapatim em laik tasol.

**Patrick Gambia
WEWAK**

No ken salim bodi long mani

Dia Edita,

Mi laik bai yupela i raitim pas bilong mi long Wantok. Dispela pas i kam long ol pipel.

Mi no amamas long ol meri long taun i save mekim. I nogat wanpela bodi bilong yumi God i wokim na yumi i ken wok mani long en. Long olgeta fotanait wik ol meri i save was long rot na arere long stua na arapela rot tu. Na taim ol i was, ol i salim bodi bilong ol olsem buai na daka na kaikai long maket na kism mani.

God i wokim man na meri i no bilong wokim pasin pamuk. Nogat tupela i mas marit na kamapim famili.

Yu save olsem God i wokim yumi, yumi mas mekim wok bilong em. Yumi mas i go long lotu na prea long tenkim em long ol wok na bodi bilong

yumi. Nau i gat gutpela prea, Karasmetik i

bin kam insait long yumi Papua Nigini. Yumi mas resis long laip bilong yumi wanwan long i go long kindom bilong God, o holi ples bilong em.

Ol brata na susa, no ken mekim dispela kain pasin bilong bagarapim laip bilong yumi.

Wanpela askim em bilong wanem yumi kolim nem bilong kantri bilong yumi, kristen kantri long PNG?.

Ating em tasol liklik wari na tingting bilong mi. Yu husait i laik egensim o sapatim em welkam tasol.

**Vincent Moli
Ambunti
WEWAK**

JUST ONE HOUR A DAY IS ALL IT TAKES!

...And you can be ready for a new career, more money, a better life—in as little as six months! ICS career training can prepare you for a new life in a career field you really enjoy. Just choose the course you're most interested in, fill out the coupon below, and mail it today. We'll send you, via AIRMAIL, FREE information about how you can train at home, in your spare time, IN JUST ONE HOUR A DAY!

It's easy! It's fun! And all of your lessons are written in plain, everyday English, to give you a fast start toward a better job, and a better life. You can even get your Associate Degree in Specialized Business or Technology! Send in the coupon for your FREE FACTS! There's no obligation, and you'll see how you can train for a new career in your spare time.

SEND FOR FREE FACTS TODAY—NO OBLIGATION

Z264

ICS
SINCE 1890

International Correspondence Schools, Dept. TTT34
PO BOX 1900, Scranton, PA 18501-1900 U.S.A.

World's Recognized Leader in Home Study Training for More than 100 Years.

ASSOCIATE IN SPECIALIZED DEGREE PROGRAMS
60 Business Management
61 Accounting
80 Business Management with option in Marketing
81 Business Management with option in Finance
64 Applied Computer Science
68 Hospitality Management

ASSOCIATE IN SPECIALIZED TECHNOLOGY DEGREE PROGRAMS
67 Electronics Technology
63 Civil Engineering Technology
62 Mechanical Engineering Technology
65 Electrical Engineering Technology
66 Industrial Engineering Technology

CAREER DIPLOMA PROGRAMS

01 Computer Programming in BASIC
07 U.S. High School Diploma
02 Electronics
05 Hotel/Restaurant Management
13 Professional Secretary
35 Travel Agent
14 Air Conditioning & Refrigeration
32 Art
59 Catering/Gourmet Cooking
20 Medical/Dental Office Assistant
51 Fashion Merchandising
33 Motorcycle Repair
52 Surveying & Mapping
22 Wildlife/Forestry Conservation
47 Animal Care Specialist
260B Building Trades
106 General Business
16 Practical English
89 Small Engine Repair
50 Starting Your Own Business
08 Legal Assistant
69 Computer Programming in COBOL
48 Computer-Assisted Bookkeeping
42 Dressmaking & Design
87 TV/Video Repair
04 Auto Mechanics
12 Interior Decorating
18 Bookkeeping
06 Electrician
03 Child Day Care
38 Personal Computer Specialist
29 Police Sciences
10 Private Security Officer
09 Legal Secretary
55 Diesel Mechanics
94 Fitness & Nutrition
85 Drafting
260A Architecture
260C Machine Shop
161 Engineering
41 Journalism/Short Story Writing
40 Photography
70 Computer-Assisted Small Business Mgmt.
79 Electronics Technician
91 Cartooning
25 Firearms Repair
26 Teacher Aide
30 Floral Designer
27 Personal Computer Repair

Get FREE Information
MAIL ENTIRE AD TODAY

Write the number of the Degree that interests you most _____

MR/MRS/MISS
(Please Print Clearly)

Age _____

Address _____

City/Country _____

Stori long helt - Namba 4

STORI LONG HELT

Namba (4)

Hau bai mipela inap stopim ol pikinini long dai long sik pekpek wara long PNG?




Liklik buk bilong ol Manmeri long Ples.



CHILD SURVIVAL PROGRAMME

Sik pekpekwarra i save kamap olsem wonem?



1. Tote wara, we yumi save dringim....

Sik pekpekwarra i save kilim i dai faivpela pikinini long wan wan de long PNG...




2. Kaikaim kaikai nogut...



3. Pekpek nambaut nambaut.....



4. Sapos pikinini ino wasim han bihain long haus pekpek na bifo em i kaikai...



5. Too much rubbish attracts flies which carry germs to food.....



6. Pekpek bilong ol kaikain animol 'insait long ples bai kamapim gem na ol pikinini inap kisim na kamap sik.....



7. Susu long botol i save kamapim pekpek wara na tu i save kilim planti bebi...

Moa neks wik

BUK BILONG OL SEVISIS

BUILDER

KISSING BUILDERS
PO Box 1884 Lae
Morobe Province

General Building, Plumbing,
Maintenance, Painting,
Construction.
Plumbing servies available
24 hours convenience.

Butlbum Road Lae
Telephone: 42 0602

CHRISTIAN BOOK CENTRE

LAE & MADANG

Educational/Christian books
English/Pidgin/Tok Ples

Gifts & school stationery
Nanulon St, Madang
Ph: 82 2043 Fax: 82 3376

4th St Lae
Ph: 42 4156
Fax: 42 7073

COFFEE MACHINERY

Montale Pty Ltd Ph: 72 2611
Fax: 72 2612

Mipela Agen bilong Pinhalense Kopi
Masin.Pulpers, Driers, Hullers,
Destoners, Gravity Separators, El-
evators na sampela moa.

Olgeta Kopi masin em mipela i gat
'inap. Kam lukim mipela nau mipela
inap helivim yu.


ELECTRONIC

Electronic
Professionals
FOR ALL YOUR ELECTRONIC

PAPA BILONG OL TV
SAPOS TV BILONG
YUPELA I BAGARAP
SEKIM WANTAIM MIPELA

O KAM NA LUKIM MIPELA LONG OLGETA
LEKTRIK SAMTING YU LAIKIM.

■ SPARE PARTS ■ TOOLS ■ EQUIPMENT
■ REPAIRS TO T.V.'s, RADIOS, ETC.



We are located at the corner of wards road and Spring Garden Road Honiara
P.O. BOX 3572 BOROKO, N.C.D. PHONE 25 1952 FAX 25 4743

FASHION

LAE FASHION SHOP
7TH STREET OFFICE No. 7
Fashions & Tailoring

- * Ladies, mens, children
- * All sizes, shape & style
- * Wedding Dress & suits
- * School & office uniforms
- * Alterations & repair

WELCOME ORDER NOW

HAIR & BEAUTY

TREND'S

We wholesale retail large range
of black hair & beauty products.

We also sell hair pieces,
hair equipment.

Ground Floor
Land Mark Building
Reke St Boroko
Phone/Fax: 255894
PO Box 3239 Boroko

PRINTING

PUNSIU SIGNWORKS

Painting, Signwriting
and Screen Printing

For more informa-
tion call 45 7813

SECONDHAND CLOTHING

TOP GRADE PAYLESS

New bales just arrived. Why pay more when you
can PAYLESS @ payless. Special on Brown
Bales from K3 per kg (160 kgs to 200 kgs).

Household, shoes & toys also available, limited
stock. 50 kgs mixed bale @ K165. Only with
Lucky Draw. Phone 25 1477 Fax: 23 2895.

Location: Opp. Hiritano Electrical next to Gaby
Fashion Varahe St., Gordons

REFRIGERATION & AIRCONDITIONING

FOR FAST GOOD QUALITY SERVICE

Call Bata's refrigeration, airconditioning &
appliance service on Telephone:

25 8074 or Fax: **25 8588**

SIGN WRITING

PUNSIU SIGNWORKS

Signs on cars,
trucks, buses,
billboards,
notice boards.

Phone: 45 7813

TIMBER SALES

TRANSWORLD TRADING (PNG) PTY LTD
The Blue Truck Timber Company
Dia Kastoma,

Mipela i redi long wokim whole-haus baim bilong
yu.

Dispela i min olsem mipela bai bringim ol timba,
post, nil, ain na ol arapela samting bilong sanapim
haus.

Insait long Mosbi yet, mipela no inap sasim kos
bilong ka. Ol ples autsait long Mosbi, kos i no dia.

Na sistem i wok olsem: Yu baim... mipela
kisim olgeta samting long haus bilong yu kam.
Ringim mipela long telipon na feks namba
25 5314 (Erima Timber Yard)

**Yu ken edvetais hia
long K10 tasol long
wanpela wik. Long
painimaut moa long
dispela, ringim Augustine,
Jack or Joe long
telipon namba 25 2500.**

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

Miri Aiori Ext. 214
Jeffrey Maliou Ext. 215
Joe Naime Ext. 218



SPECIAL GENERAL MEETING ANNOUNCEMENT

The Board of the Alliance announces a Special General Meeting to be held from Monday, July 17, 1995 - Friday, July 21, 1995; at the campus of Papua New Guinea Institute of Public Administration formerly (ADCOL).

All member NGOs will be receiving your information in the mail starting next week.

All those NGO's intending to become members are asked to contact the Secretariat Office immediately for further information on transport and accommodation.

Telephone: 325-9758, 323-0863
and Fax: 323-0863.

Richard Brunton
Interim Secretary

BETDE

HAPPY 1ST BIRTHDAY

MARCIA M
NORME

3/7/95



Lots of love & hugs from mum & dad.
Keep on smiling coz you are
our treasure.

Not forgetting you on your special day
are your brothers, sisters, uncles,
aunties and bubus of Aiyura, Lae,
POM & Lese.

Special one from uncle Rob of Bombax -
"Keep on shinning Princess"

BETDE


Belated
HAPPY

22nd

Birthday
(2/07/95)

to


JAMES
DMARA



Love & best wishes from Max, Ruben, Rolphy,
Eleen, Joy & Mary (34) all at Beautiful Madang.

A very special one from Joan & Julie.


LOVE U ALWAYS



BUY YOUR WEEKEND SPORT
COPY

EVERY

FRIDAY



RESULTS, DRAWS & POINTS LADDERS

BALIM

50t
tasol!

Wantok nius pepa long fonde bai yu lukim ol tok pidgin nius tete.

EM I WANTOK NIUSPEPA BILONG PNG STRET !

NEW technology to serve you better



**IDD
to the World**

For all telecommunication needs in Papua New Guinea, Telikom gives you world class quality with the newest and best technologies available.

You simply can't get better anywhere.

Think of it, International Direct Dialling to the world gives business immediate access to international markets, and friends can be in touch immediately – distance no problem.

Our upgraded digital exchanges mean that voice calls and computer links get through quickly, accurately and with more clarity than ever before plus all the convenient extras like call forwarding, ring back information, wake up calls, and abbreviated dialling.


We are now on the brink of the cellular phone revolution. A phone you can carry anywhere and use on the move. Imagine the convenience of immediate access to customers and contact with friends anywhere, anytime.

All part of the new technology brought to you by the new Telikom because now we're really talking.

**DIGITAL
Clarity and Speed**



**MOBILE PHONES
calls on the move**



THE NEW



TELIKOM

Now we're really talking!

HAVE FUN!

JOIN THE

PEPSI FUN RUN




PEPSI



PEPSI FUN RUN '95

SUNDAY 30 JULY 1995. START 7.00AM

ALOTAU. BUKA. DARU. GOROKA. KAINANTU. KAVIENG
KEREMA. KIMBE. KIUNGA. KOKOPO. KUNDIAWA. LAE
MADANG. MENDI. MISIMA. MT HAGEN. POPONDETTA
PORT MORESBY. PORGERA. TABUBIL. VANIMO. WEWAK



Purchase your Pepsi Fun Run '95 T-Shirt at K5.00 and participate in this year's Pepsi Fun Run.

T-Shirts are available for sale at all SP Holding Depots, PNG Sports Federation, Schools and all participating retail outlets.

Second Draw on 26th July, 1995. Submit your Entry Forms Now.



IT'S PEPSI IN PNG

FRENCH BAKE HAUS

 • CAKES
 Weddings & Birthdays
 Our speciality
 25 1266 Pom
 42 5349 Lae

OL PROVINSAL SOKA NIUS

wantok nipota YAKAM KELO

FRENCH BAKE HAUS

 • CAKES
 Weddings & Birthdays
 Our speciality
 25 1266 Pom
 42 5349 Lae

Wewak skwat bai traime PNGFA Kap

WEWAK skwat bai soim pes gen long PNGFA Kap soka sempionsip long 22 Julai long Mosbi bihain long em i no soim pes longpela taim i kam.

Wewak bai redim wanpela gutpela skwat tasol skwat ya bai nupela tru we ol arapela lain long Mosbi, Lae na Madang i no save long en.

Wanpela soka opisal bilong Wewak, Michael Vee husat tu em tonamen dairekta bilong PNGFA i tok ol boi bilong Wewak bai pilaim gutpela gem tru. Ol bai pilai gut na soim ol arapela provins olsem Wewak tu i gat nem long kik soka.

Michael Vee i tok Wewak i bin lusim ol PNGFA tonamen longpela taim bikos em i no gat gutpela menesmen long ranim asosiesen. Gutpela menesmen i save kirapim strong bilong pilai long asosiesen, pulim interes bilong pilai long pilai na apim stended bilong pilai.

Taim olgeta samting i ron gut long asosiesen, skwat tu i save kamapim strongpela gem we i ken soim strong bilong ol bikos long gutpela na strongpela menesmen, Michael Vee i tok.

Em i tok sapos menesmen bilong WSA i bin ron gut i kam nau, ating Wewak skwat bai wanpela strongpela tim insait long PNG long arapela senta i winim. Tasol i gat hevi long menesmen olsem na nem bilong Wewak i bin pundaun long 1990 yet i kam inap nau.

Nau WSA i laik traime long kirapim bek ol dispela samting insait long asosiesen, ol bai traime long holim gut dispela mak ol i stap long en we sampela taim bihain, Wewak i kamap wanpela strongpela rijen insait long kantri long pilai soka.

Michael Vee i tok mipela i ken lukim klia piksa

olsem planti pikinini Sepik i save pilai soka long planti biknem klap long Mosbi, Lae na Madang. Ol Sepik i save makim PNG tu long go kik long ovasis. Na dispela i soim olsem ol Sepik i gat planti gutpela soka pilai i stap yet. Olsem na bikpela wok nau em long strongim gut menesmen long Wewak yet bai ol kain pilai olsem husat i wok long hait i stap bai i ken kam aut na soim ol yet.

Michael Vee i tok nau yet WSA i lukluk long ol rot bilong traime bringim ol kosa, klap na pilai i kam antap. Ol rot ol i go long en em long holim ol kos na woksap bilong skulim ol kosa, referi na klap opisal long ranim gut klap, pilai na trening. Na dispela i ken kamapim gutpela gem long fil.

Long dispela wik bai Wewak Soka Asosiesen i kamapim fainal skwat bilong em long redim ol long trening. Bai ol i makim fainal 22 pilai insait long nau trening skwat ol i gat pinis. Bai ol i makim tu 4-pela opisal husat bai go wantaim skwat long Mosbi long dispela PNGFA Kap tonamen.

Long dispela wik tu bai opisal bilong WSA i sindaun na skelim baset bilong bringim skwat ya i go long Mosbi. Ol i lukluk mak olsem K7,500.

Michael Vee i tok bai skwat bilong Wewak i traime long go long Madang na Lae pastaim long ol i go long Mosbi. Ol bai traime long pilaim trening gem pastaim long Madang na Lae na bihain ol i ken go long Mosbi. Dispela em olsem las trening gem bilong ol long go insait na kik long PNGFA Kap.

Plantu pilai bilong Wewak skwat bai i kam long ol lain husat i bin go kik long Momase rijenal tonamen long Vanimo long Jun 9-12 long las mun na winim Momase rijenal taitel.

Madang putim ai long PNGFA Cup

SOKA skwat bilong Madang bai strongpela olgeta wantaim wanpela tingting bilong winim PNGFA Kap taitel long 22-24 Julai long Mosbi.

Madang soka asosiesen i makim wanpela strongpela skwat we i moa strongpela na gutpela winim ol olpela skwat bilong Madang long bipo. Dispela skwat i gat planti gutpela na eksperiens pilai i stap long en na ol i bin holim longpela trening i kam inap nau long go insait long dispela soka salens.

Madang i kisim bek planti olpela na biknem pilai bilong em olsem Alfred Gabong, Victor Carson, Amos Romo, Ondo Bart, Trimo Topio, Dixon Laviong, Kubulang Siming, Fred Tonten, Danny Gabong na James Makeli. Sampela bilong ol dispela pilai i bin makim Madang pinis long planti nesenel tonamen na tu sampela i bin makim PNG pinis long ol Saut Pasifik Gems na arapela ovasis tonamen tu.

Nau Madang i sanapim skwat

bilong raunim dispela eksperiens na strong ol i gat pinis long daunim Lae na Mosbi long winim gen dispela PNGFA Kap taitel.

Madang i bin winim dispela sempionsip long 1990 na bihain Lae i winim long 1992. Long 1993 Mosbi i winim na long las yia, Madang i winim gen long na em bai pait long holim yet taitel ya long dispela yia.

Seketeri bilong MSA, Danny Gabong i tok ol i gat gutpela skwat na ol i wok long redi gut long dispela pilai. Tasol ol bai i no inap long lukdaun long ol arapela tim bikos ol bai pilai olgeta gem bilong ol long winim. Olsem na ol i no inap tingim husat tim em strongpela o i no strongpela. Bikos olgeta gem bai ol i pilai strong tasol.

Fainel soka skwat bilong Madang em; Victor Carson, Nandang Dagg, John Panuh, Daniel Dou, Ernest Martln (Momase) Alfred Gabong, Danny Gabong, Michael Steven, Kubulang Siming, Albert Malagian (Nabassa) Robert Bonje, Amos

Romo, James Makeli, Michael Kami (Mimlon) Robin Malwok, Chris Kuli, Fred Tonten (Watabag) Dixon Laviong, Ondo Bart na Trimo Topio (Mad/Blues).

Skwat bilong Madang i kisim tu foapela junia pilai bilong ol long las yia anda 20 skwat husat i bin go kik long Osenia taitel long Fiji. Ol pilai ya bai go wantaim skwat olsem ekspereins raun bilong ol long lukim pilai. Ol boi ya em; DeColin Mileng, Roy Kuli, Lambo Gaiyo na Charles Romo.

Kosa bilong Madang skwat em tim menesa bilong Saut Pasifik Gems skwat, John Gringo. Arapela opisel bilong Madang skwat em; Bonny Pongo, Polulu Pomat, Tweedy Malagian na Dokta Banik Francis.

Seketeri bilong MSA, Danny Gabong i tok planti biknem pilai bilong Madang i holim yet stail na strong bilong ol yet long pilai. Olsem na ol i winim ples yet insait long Madang skwat. Sampela i bin makim Madang long planti krismas nau.



• Tripela memba bilong Wewak skwat husat bai soim pes long nesenel sempionsip long Mosbi.

Lahi bringim ol yangpela blut

LAHI Soka Asosiesen (LSA) i makim pinis wanpela yangpela skwat tru long kik insait long PNGFA Kap soka sempionsip long 22 Julai.

Ol opisel bilong Lahi i bin kamap wantaim dispela skwat long dispela wik tasol na tokaut olsem dispela las fainal skwat bilong ol.

Skwat ya i gat planti yangpela blut husat bai mekim kirapim nogut ol biknem senta olsem Madang na Mosbi. Bikos planti bilong ol i no save soim pes bipo, ol biknem pilai bilong arapela bai i no inap save long stail bilong ol.

Dispela skwat i yangpela tru bikos asosiesen tu i gat tupela krismas na em i no groa yet. Tasol bai i gat taim we Lahi bai kamap wanpela strongpela asosiesen long

bihain.

Lahi i holim wanwan eksperiens pilai olsem; Eddy Fred, Richard Daniel, Dennis Agembo na Eli Memelong.

Em i gat tu ol yangpela pilai olsem Chris Nagai, Hanz Fred na Harold Kawambara husat i bin stap insait long junia skwat bilong Ludwig Peka long las yia.

Ful skwat bilong Lahi em; Addy Fred, Chris Nagai, Hanz Fred, David Panap (Guria), Zebba Beguma, Trimo Saia (Mairipo), Gamun Asawi, Kinarong Yasang, Ismael Luke (Gaziga) Richard Daniel, Godfrey Tarahu, Harold Kawambara (Sobou), Dennis Agembo, Brown Dei (M/United), Pahun Sindol, Isaac Samuel, Bobby Memelong

(Rapatona), Yanding Nabalu, Eli Memelong, John Pokalai (Asiawe) Augustine Michael (Div1) na Wamung Waliang (Elcom)

Ol opisal em; Channel Lakehe (kosa), John Anio (Trena) na Dok Kuam Malai (menesa)

Skwat bilong Lahi bai lusim Lae long 20 Julai long go long Mosbi na redi long kik long 21 Julai.

Lahi soka asosiesen bai makim tu Lae bikos susa asosiesen bilong em; Lae Futbol Asosiesen (LFA) bai i no inap kamap long dispela PNGFA Kap tonamen long Mosbi bikos em i no baim afiliesen fi bilong em wantaim PNGFA.

Long dispela as, Lahi em tim bilong Lae long dispela tonamen.



• Dennis Agebo bai bringim ol yangpela blut bilong Lahi i go long nesenel sempionsip long Mosbi.

Guria mas lukaut long PTC

MOSBI SOKA RIPOT

YAKAM KELO i raitim


BIKPELA salens long Mosbi soka resis long dispela wiken bai kamap namel long Guria na PTC. PTC husat i gat planti nupela pilaia long tim bai traim long yusim gut olgeta plen bilong em long autim Guria long dispela gem.

Guria husat tu i gat planti nupela na yangpela manki long tim bai traim long pilaim stail Guria i gat long bipo i kam. Sapos ol i no holim dispela stail bilong Guria, ol bai lusim dispela gem i go isi long han bilong ol telefon manki bilong PTC.

PTC i gat ol eksperiens pilaia olsem Raymond Nasa husat em biknem pilaia bilong PNG long bipo na em bai wok klostu wantaim narapela biknem pilaia, Wesley Waiwai long fowet.

Wesely bai givim bikipela hevi liklik long ol beklain bilong Guria olsem Michael Baungi, Eli Mali, Charles Api na Jara. Tasol sapos ol dispela lain beklain bilong Guria i sanap strong na salensim gut Wesley, ol i ken stapim em long skoa.

Wesley Waiwai bai kisim sapot tu long narapela yangpela pilaia em Nicholas Pui. Na Nicholas Pui i gat spit na strong we em i man bilong salens olgeta taim wantaim beklain. Sapos Guria i pilai kas kas long Nickie, em bai givim



• Eric Petrus.



• Winter Fosing.

belpen long Guria.


Long midfil, Guria bai i gat lapun Eric Petrus na George Yambre long lukautim pilai. Yangpela Gibson tu bai was long helpim tupela long dispela wiken. Tasol Eric na George i mas wok hat liklik long rausim bal hariap na setim Ben Lakasa na Louis Eki long fran lain. Loise na Ben bai skoa sapos Eric na George i givim planti bal long tupela long salens wantaim ol beklain bilong PTC. Sapos Eric na George i larim Loise na Ben i kisim win tumas, bai no gat skoa bilong ol.

Long tupela sait bilong Guria em Winter Fosing na Peter Wanis bai ron na tupela inap kamapim sampela buria long beklain bilong PTC sapos ol i no was gut long dispela tupela sait.


Tasol PTC bai i gat sampela yangpela blut husat i wok long kamap gut nau olsem Ross Sau, Peter John na Mathew Pala. Ol lain ya bai putim bikipela was na traim long stapim birua bilong Guria. Tasol sapos ol i sanap strong, bai ol i ken stapim ol salens bilong Ben Lasaka.

Guria bai winim dispela gem sapos em i taitim difens na larim ol fowet i pait tasol long skoa. Guria i mas taitim difens long stapim ol kain sot pas bilong PTC long midfil eria i go long fowet. Sapos Guria popaia long dispela, PTC na katim telefon waia bilong Guria.

Long arapela primia gem, Momase bai bungim bikipela salens long han bilong Sobou na dispela bai wanpela gutpela gem



• John Peter.



• Wesley Waiwai.

long lukim. Bikos Sobou i gat ol smok balus man olsem Kobi husat bai mekim ol pawa kik long ausait i go long golmak. Long dispela as, ol beklain bilong Momase bai sanap strong na opim ai gut long olgeta kona we Sobou bai ranim bal i go long en.

Win bilong Sobou na Momase bai kamap sapos ol i ken holim strong bal na pinisim gut ron bilong bal long wanem hap ol i laikim bal i go long en. Sapos husat tim i no yusim gut bal, em i ken lusim dispela gem.

Gemo bilong Golo na Difens tu bai wanpela strong gem tasol Difens i ken winim dispela gem sapos em i traim long holim gut bal na ranim tasol long graun na setim ol fowet bilong em. Golo i gat ol kain stail bilong pusim bal na ron bihainim na dispela i ken kamapim hevi long Difens sapos ol i no katim daun sans bilong Golo long wokim ol kain kik olsem.

Golo i gat ol pawa kik na stail bilong ol long ranim bal long win i go bai mekim Difens i kirap nogut taim ol i givim pawa kik long golmak bilong Difens.

Rapatona i gat moa sans long winim dispela gem bilong ol egen-sim Ela Yunaitet tasol Ela Yunaitet i mas strongim gut difens bilong ol long no ken larim Rapatona i pulim planti skoa tumas.

Yunivesiti tu bai pilaim wanpela isi gem wantaim GFC long dispela wiken tu na GFC i mas strong beklain bilong em long stapim Yunivesiti long no ken skorim planti gol.

Ol bisnis na klap mas helpim- Gabong

MADANG SOKA RIPOT

MADANG soka resis i redi long go insait long namba 2 raun na asosiesen i askim olgeta klap long hariap baim ol rejistresen na afiliesen fi bilong ol.

Seketeri bilong Madang Soka Asosiesen (MSA), Danny Gabong i tok planti klap i no pinisim yet klap afiliesen fi na pilaia rejistresen fi bilong ol yet. Olsem na em i askim ol long hariap baim ol dispela fi bilong ol pas-taim long ol i ken go insait long namba 2 raun.

Danny i tok MSA i gat hevi long mani long salim tu skwat bilong

Madang i go kik long Mosbi long dispela mun insait long PNGFA Kap tonamen. Olsem na em i askim ol klap husat i no baim yet o i no pinisim yet dispela fi bilong ol long hariap stretim. Bai dispela fi tu i ken helpim long mekim rot bilong Madang skwat i go kik long Mosbi i kamap isi.

Klap afiliesen fi bilong MSA em K700 long wanwan klap na pilaia rejistresen em K7 long wanwan pilai long junia, meri na sinia pilaia.

Danny i askim tu ol bisnis kampani insait long Madang long lukluk insait long givim helpim wantaim sponsa long salim dispela skwat i makim nem bilong Madang na go kik long Mosbi.

Madang i sempion bilong dispela PNGFA Kap nesanel sempionsip long las yia. Olsem na em bai pait strong gen long dispela yia long holim bek taitel bilong em egens ol arapela senta olsem Mosbi, Lae na Wewak.

Danny i askim ol bisnis kampani long givim sapot long sponsa bikos dispela em skwat bilong Madang na ol bai karim nem bilong Madang. I gat 10-pela pilaia bilong Madang tu i stap long Saut Pasifik Gems skwat bilong dispela yia. Olsem na wanem kain sapot bisnis komyuniti long Madang i ken givim i gutpela long apim nem bilong Madang komyuniti long ol nesanel na intanesanel tonamen.

Rapatona go pas long PMSA lata

MOSBI SOKA RIPOT

RAPATONA i soim moa strong long las wiken egensim Yunivesiti na winim gem long 1-0 skoa long primia gem bilong Mosbi soka resis.

Tupela tim wantaim i pilaim strongpela gem tru na kamapim planti gutpela stail na sans bilong skoa. Tasol difens long tupela sait wantaim i strong moa na blokim ol planti sans gol long kamap.

Dispela i bin wanpela strongpela gem tru bikos tupela tim wantaim i gat ol biknem pilaia husat i save makim Mosbi na PNG long ol bikipela soka tonamen. Planti bilong ol pilaia insait long Rapatona na Yunivesiti i gat ol pilaia insait long Saut Pasifik Gems skwat husat bai go kik long SP Gems long Tahiti long mun Oktoba.

Insait long dispela pilai, midfil bilong tupela sait wantaim i mekim bikipela wok long winim dispela gem. Long Rapatona, Jeffery Emang i pait strong long winim bal na setim ol striaka bilong em. Long Yunivesiti, Desmond Waku tu i mekim bikipela wok long winim bal na skelim long ol fowet bilong em.

Insait long hatwok bilong tupela PNG midfilda ya, Jeffery Emang i soim olsem em i gat moa eksperiens long Desmond Waku olsem na em kamapim dispela gol bilong Rapatona taim em setim straiaka, Daniel Mota long brukim umben bilong Yunivesiti.

Gol bilong Daniel i kamap taim em mekim gutpela mov tru i go long spes na abrusim Manuel na Eka long beklain na salim bal ya i go pas long golmak bilong Yunivesiti.

Ol striaka bilong Yunivesiti olsem Hanz Gewabing na Steven Mune i

mekim bikipela wok tu long traim brukim banis bilong Rapatona. Tasol difens bilong PNG stopa, Duri Yarawi na Victor Werei i stapim ol sans bilong Yunivesiti long skoa. Golmak bilong Rapatona tu i stap long han bilong PNG golkipa, Willie Bera olsem na Yunivesiti i painim hat long skoa.

Olsem na long fultaim, Rapatona i winim dispela gem 1-0 long go pas long poin lata bilong Mosbi soka resis.

Long arapel gem, sans bilong Momase long winim Guria i popaia long las wiken taim em i bin go pas long skoa 2-0 long namba wan hap bilong gem. Tasol long namba tu hap bilong gem, Momase i no strongim difens bilong em na Guria i go insait na bekim dispela tupela gol. Olsem na tupela tim wantaim i dro 2-2 long fultaim.

Long gem bilong ol meri; Sunam meri i givim gutpela kaikai stret long ol meri Sobou. Sunam i gat ol strongpela difens wantaim Ikanau Matagiau na Joan Langisam olsem na ol nekim Sobou 2-0 long fultaim.

Ol meri Waliya tu i givim gutpela skul long ol susa bilong Yunivesiti 2-1 long fultaim. Ol susa bilong Daru i no pilaim isi gem long ol meri Yuni bikos planti meri Yuni em ol eksperiens pilaia. Olsem na Waliya i pilai strong tru na winim dispela gem bilong ol long fultaim.

GFC na LSC i mekim save i go long fultaim tasol nogat tim i strong long winim dispela gem. Olsem na tupela i dro 0-0. Na Guria i no strong long winim dispela gem olsem ol susa bilong Yellow Pages Togelu i holim ol pas na tupela i dro 0-0 long fultaim. Guria i stap antap long lata bilong ol meri tasol las wik em i no soim dispela strong olsem na Togelu i blokim em long skoa na tupela i dro 0-0 long fultaim.

Planti klap i no baim yet fi

PRESIDEN bilong Wewak Soka Asosiesen (WSA) i askim olgeta klap long hariap baim rejistresen na afiliesen fi bilong ol hariap long raun 2 i stat.

Presiden Lenau Wadiau i tok olgeta klap i mas hariap long baim pilaia rejistresen fi na klap afiliesen fi bilong hariap long WSA i go insait long raun 2 long dispela mun.

Wadiau i tok raun 1 i klostu pinis nau dispela samting tu i mas pinis long larim asosiesen i ronim gut pilai long dispela siseh.

Planti primia klap i no baim yet ol fi bilong ol na dispela bai kamapim hevi tu long ol gems bilong ol. Bikos ol win bilong ol dispela klap bai i no inap kamapim skoa. Ol bai lusim poin i go long ol arapela tim husat i baim pinis olgeta fi bilong ol.

Wadiau i tok olgeta klap husat i

WEWAK SOKA RIPOT

ADDY LAVAKZ i raitim

pilai insait WSA i mas stret ol yet hariap na bai ol opisel bilong WSA i ken stretim ol pepa wok bilong ol na bihain tokaut i go long ol klap long wanem hap asosiesen i stap. Wanem ol plen na tingting bilong WSA long ol bikipela gem i kam bihain.

Em i tok bai gat bikipela tonamen bilong PNGFA Kap i kamap long Mosbi long 22-24 Julai we Wewak skwat i mas go long pilai. Bikos Wewak i bin afiliat pinis long nesanel bodi (PNGFA), em i no ken abrusim dispela bikipela tonamen bilong PNGFA.

Olsem na rot bilong salim

Wewak skwat i go em long olgeta klap i mas stretim fi bilong ol bai asosiesen i ken yusim long salim skwat i go kik long Mosbi.

Wadiau i tok WSA i bin lusim planti mani bilong taim em i salim tim bilong Wewak i go kik long Momase rijen tonamen long Vanimo long las mun.

"Sapos yumi stretim olgeta hevi bilong mipela na bihain mipela i pilai bai yu lukim olsem i no gat hevi bai kamap namel long ol wanwan klap".

Long las wiken planti klap i bin kros ol i lusim poin i go long ol arapela tim. Bikos ol i no bin save olsem asosiesen bai mekim olsem long ol long wanem ol i no baim rejistresen na afiliesen fi bilong ol.

Presiden i tok pilai bai kamap gut na ron gut long provins sapos olgeta klap i bihainim ol liklik lo na rul bilong pilai.

Mosbi gat sans long tim 2

PNGFA KAP SOKA RIPOT

YAKAM KELO i raitim

TOKTOK bilong Mosbi soka asosiesen bai putim tupela tim long nesenel sempionsip i no klia yet. Bikos PMSA i makim pinis wanpela tim aninit long kosa Joe Saleu na narapela tim em i stap wantaim Posman Kisakiu.

Ol toktok i paul yet bikos i bin gat luksave bipo olsem skwat bilong Posman long SP Gems bai wokim namba wan tim bilong Mosbi long dispela PNGFA Kap resis.

Tasol nau PMSA i go het long sait na makim pinis wanpela skwat we ol i kolim tim 1 bilong Mosbi.

Tasol Posman i tok i gat narapela rot i stap long skwat bilong em bai kik yet long dispela nesenel sempionsip. Ol bai kam aninit long tok orait bilong PNGFA long pilai gem tasol na i no bilong pilai long win.

Dispela i min olsem wanem pul tim bilong

Posman i kik long en bai ol i pilai tasol. Sapos ol i kamap namba wan long dispela pul, bai ol i larim namba 2 na 3 tim long pul ya long go het na pilai long semi final na skwat bilong Posman bai go ausait.

Posman i tok tu olsem olgeta samting bai i go orait sapos PMSA i bung gut na toktok long stretim dispela samting we PMSA bai putim kamap tupela tim yet. Sapos PMSA i orait long skwat bilong Joe Saleu olsem tim 2, orait skwat bilong Posman bai tim 1. PMSA i no kamapim tingting long

dispela yet.

Presiden bilong PNG Futbol Asosiesen (PNGFA) i tokaut olsem Hagen, Mosbi, Lahi, Madang, Alotau na Kaiapit i redi pinis long go kik insait long PNGFA nesenel sempionsip long 22 Julai long Mosbi.

Presiden Peter Mommers i tok ol dispela 6-pela senta i redi pinis long salim skwat bilong ol i go kik long Mosbi bikos ol i baim pinis olgeta afiliesen fi na nominesen fi bilong ol i go pinis long PNGFA.

Tasol PNGFA i wok long traim painimaut yet sapos Wewak soka asosiesen i baim pinis ol dispela fi bilong em. I gat ripot olsem Wewak i redi long go kik long dispela nesenel soka sempionsip bikos em baim afiliesen fi pinis. Tasol ol PNGFA i no klia sapos em i nominet pinis wantaim K200 fi.

Peter Mommers i tok nau olsem em i gat 7-pela tim i redi long kik insait long dispela tonamen, em bai orait long namba 2 tim bilong Mosbi i go het na kik tu long

tonamen ya.

Mommers i tokaut olsem skwat bilong Posman i gat luksave pinis olsem i gat rot bilong ol i ken go het na pilai insait long dispela tonamen. Ol bai i no inap pilai olsem PNG skwat bikos ol skwat memba bilong ol long Lahi na Madang i no inap joinim ol long kik.

Ol i strong long stap yet long tim bilong ol na kik. Madang i strong long holim yet olgeta pilaia bilong em bikos em bai pait strong long holim bek dispela PNGFA Kap taitel we em i bin winim long las yia.



Kas long ol Busu

• NS Busu: Sempion basketball tim bilong Lae. Stail bilong ol i moa yet olsem na ol i save kilim planti sempionsip tonamen. Ol i bin winim Nesenel Klap Sempionsip taitel bilong ol man long Lae long las mun taim ol i bungim ol arapela tim long ol arapeal provins. Foto: Yakam Kelo

Ol meri Wau kilim skin long basketbal

ARI GUH DANDEE i raitim

SEN Francis basketbal tim bilong ol meri long Wau i pilaim strongpela gem tru na autim tiket bilong ol meri Mairu 59-26 long las wik Sande.

Ol meri Mairu olsem Yamo Nganing, Peron Martin, Belinda Karon na Gilung Bangan i bin traim hat tru long holim bek ol pilaia bilong Sen Francis tasol ol i bin popaia plan-ti taim.

Yamo Nganing i bin hariap tru long opim namba wan basket bilong Mairu na ol i kirap nogut stret. Tasol dispela i no mekim wari tumas long Susan Yang, Vira Alex na Marilyn we ol i bin kisim gutpela sapot tru i kam long ol mama pilaia olsem Agatha Raphael, Serah Mak na Agatha Nimbu we ol i mekim save ol Mairu meri long namba wan hap bilon g pilai. Ol i bin wasim ol gut tru long

20-8 long haptaim.

Long nama tu hap bilong pilai, Seron Martin i bin wok hat gut tru wantaim Belinda na Yamo Nganing long traim olgeta rot na stail ol i gat long brukim banis bilong ol meri Sen Francis. Tasol banis i strong moa.

Taim ol Mairu i wok long holim pasim Agatha na Serah, Susan yang i wok long kam insait long beksait wantaim helpim bilong Nera na Marilyn long putim ol basket. Yamo i bin wok hat tru wantaim Seron na Belinda long ol Mairu long edim narapela moa 18 pouns. Ol i wok hat na bringim skoa i go kamap tasol long 26 na strong bilong Sen Francis i kamap strong moa long dispela taim.

Tasol ol yet i no was gut long dispela trik bilong ol meri Sen Francis olsem na ol Sen Francis i winim gem ya long fultaim wantaim 59-26 basket.

Biknem PNG rana holim nem yet

TRIPLELA de nesenel etletiks sempionsip i bin kamap long Lae las wik long 30 Jun na pinis long 2 Julai long Sir Ignatius Kilage stedum.

PNG Etletik presiden, Tony Green i tok dispela resis nau em i ken kampa olsem enuel pilai long olgeta yia.

Em i tok dispela nesenel etletik sempionsip i bringim olsem 12-pela lain long ovasis i kam bung wantaim ol resis manmeri bilong PNG. Dispela nesenel sempionsip em PNG Solo kampani i spon-

sarim. Kos bilong tonamen ya i sanap long K15,000.

Osenia Amatsa Etletiks Asosiesen na olpela PNGAU presiden, Peter Anderson i bin givim tu K10,000 na narapela K5,000 i kam long Solo kampani.

Tony Green i tok dispela pilai long las wiken i pulim bikpela interes tru na i opim dua tu long planti yangpela skul manmeri long go insait na resis. I gat planti gutpela manmeri bilong dispela spot i stap tasol ol i wok long hait yet.

Tupela biknem rana bilong PNG, Peter Pulu na Subul Babo i bin ron long las wik na kamapim ol gutpela risal long dispela resis. Pulu i autim ol rana bilong Tonga na Toluka'u Koula. Pulu i bin autim ol long Osenia 2000 long dispela yia.

Long PNG, 15 provins i bin kamap long disela nesenel sempionsip resis long Lae. Planti ol hais skul studen tu i bin kamap long wanwanprovins bilong ol.

PAULUS TALI i raitim

Sponsa bilong Danhil Kap i no redi yet

SEMPION tim bilong nesenel klap soka resis long dispela yia bai i no inap go yet long Danhil Kap soka resis long Melesia long dispela yia.

Presiden bilong Lahi Soka Asosiesen (LSA) Dokta Kuam Malai husat i bin go pas long kamapim sponsasip bilong dispela pilai i tok.

Dokta Malai i tok wina bilong nesenel klap sempionsip long Papindo Kap resis ya i no inap go yet long Melesia. Bikos ol wok redim bilong stretim ol sponsasip na rot bilong dispela pila i no redi yet. Dokta Malai i tok

Yunivesiti soka tim bilong Mosbi na Waliya bilong Lae i no inap go yet long dispela Danhil Kap.

Tasol ol bai lukluk long neks yia pastaim long salim sempion klap bilong Papindo Kap tonamen long makim PNG na go kik long Melesia long Danhil Kap.

Dokta Malai husat i bin go pas long painim dispela sponsasip long Papindo i tok olgeta klap i mas luksave pastaim long dispela kain samting. Olgeta ripot na wok redi bilong dispela sponsasip i mas kamap gut na redi long olgeta

yia. Dispela em olsem strongpela sponsasip we olgeta yia i mas gat tim i makim PNG long Danhil Kap. Dispela soka tonamen bilong Danhil Kap i save kamap namel long olgeta kantri husat i stap insait long Melenesia rijen o ol wansolwara kantri long Melesia.

Dokta Malai i tok em i no klia yet bai Yunivesiti tim bilong Mosbi na Waliya bilong Lae bai i go yet long neks yia sapos dispela sponsasip bilong Papindo i kamap aut na redi. Tasol em sampela bilong eksekutiv o plening komiti bilong


dispela tonamen.

Em i tok narapela samting tu em bai ol i ken painim aut wina bilong neks yia insait long nesenel klap sempionsip long makim PNG long dispela Danhil Kap tonamen.

Dispela Danhil Kap tonamen em wanpela bikpela pilai we Dokta Malai i bin tokaut long en long Lae insait long Papindo Kap salens.

Dokta Malai i tok insait long dispela sponsasip bilong Papindo, bai wina bilong Papindo Kap i go kik long Melesia long Danhil Kap.

WANTOK SPOTS



OI NSW boi bilip long daunim junia Lae Bombers

LAE siti nau i bungim taim bilong ren. Na dispela bai helpim Katolik Kombain Koles tim bilong Nu Saut Wels (NSW) long daunim Lae Bombers Anda 19 tim, taim tupela i bung long Lae Ragbi Lig Graun long dispela apinun.

Oi koles studen bilong Nu Saut Wels i bin lusim namba wan gem bilong ol egensim Sauten Son 20-6 long Tunde apinun long Lloyd Robson oval, Mosbi. Na wantaim fen we ples bai kol liklik, dispela ai givim ol koles boi bilong NSW gutpela sans stret long winim

ALPHONSE PU i raitim

namba gem long pilai raun bilong ol i kam long Papua Niugini.

Oi koles boi i bikipela na gat moa hevi long ol Lae Bombers Anda 19 tim. Na dispela bai helpim ol long pilai long malumalum graun, na skorim moa trai o poin.

Kosa bilong Lae Bombers junia tim, Sonny Runga i trenim gut tru tim bilong em long sanapim strongpela banis wantaim ol gutpela takel. Dispela em long helpim tim. Bikos em i save olsem ol boi

bilong em i no bikipela olsem ol NSW boi.

Na sapos ol junia Lae Bombers boi i win, dispela bai apim tru bilip na tingting bilong kosa wantaim ol boi bilong em. Na tu bai soim gutpela hatwok PNG i mekim nau long kamapim bikipela lig long junia level.

Oi boi Lae i bin trening aninit long ren na malumalum graun na wet tasol long bungim dispela NSW tim.

Runga wantaim ol opisal bilong tim i no

tokaut yet long fainal tim. Biko Runga i putim wantaim yet olgeta samting long kamapim wanpela strongpela gutpela tim long win.

Long Mosbi, ples i hot nogut tru. Olsem na dispela i no helpim ol NSW boi olsem skoa i soim pinis. Tasol long Lae, lukaut long ol. Kosa bilong ol NSW boi, Brian Hetherington i gat bilip long ol boi bilong em i winim Bombers. "Hia long PNG i gat kainkain kondisen bilong pilai olsem sampela hap i hot na sampela i kol. Na dispela em i gutpela

ekspiriens stret long ol boi bilong mi."

Em i tok moa olsem long Mosbi i bin drai, na long Lae em i wet. "Mipela mas senisim stail bilong mipela long pilai. Sampela pilaia long tim i ken pilaim moa gutpela gem long dispela ol i pilaim long Mosbi. Na mipela i stretim dispela long namba tu gem bilong mipela egensim Lae sait long dispela apinun."

Em i tok moa olsem em i kalap nogut long ol boi bilong em i lusim namba wan gem. Olsem na ol bai traun long pilai

gut long olgeta gem. Na ol boi bilong em bai redi long bungim junia Kumul tim. Gem egensim junia Kumul tim bai kamap long Lloyd Robson oval, Mosbi long neks wik Sarere, Julai 15. Long ol arapela gem, ol boi NSW bai bungim Hailans Isten Divisen tim long dispela wik Sande, na Hailans Westen Divisen tim long neks wik Tunde, Julai 11. Dispela gem bai kamap long Kundiawa.

Oi pilaia bilong Minj, Banz, Kundiawa na Goroka i fomim Hailans Isten Divisen tim.

Nesenel soka kosa tokaut long risain

NESENEL kosa bilong soka, Posman Kisakiu bai risain bihain long skwat bilong em long SP Gems i kam bek long Tahiti long mun Ogas.

Posman bai lusim wok kosa long taim skwat i kam bek long PNG na larim nupela kosa i tekova long 1995 wantaim nupela skwat long go kik long Solomon Ailan long mun Novemba.

Long dispela wik, Posman i tokim Wantok olsem nupela kosa i mas kamap nau na redim em yet wantaim trening skwat bilong em long SP Gems long Guam. Dispela em long 1999.

Insait tu long nupela mama lo bilong PNGFA, nesanel kosa i mas kism wok 4-pela krismas olgeta na redim skwat bilong em long dispela 4-pela krismas long go insait long ol Saut Pasifik Gems o Mini Gems we i save kamap olgeta tupela krismas. Olsem na sapos Posman i risain, em bai givim moa taim long nupela kosa long redim em yet na skwat bilong em.

Posman i tok PNGFA i mas lukluk nau long makim nupela nupela kosa bikos em bai risain taim skwat bilong em i kam bek long SP Gems.

Nesenel kosa i tok em i save olsem i gat sampela lain husat i ken kamap nesanel kosa bilong PNG. Bikos ol i wok long luk-save long planti samting

YAKAM KELO i raitim

em i save traun long skulim na yusim long tu long trening. Em i makim ol man olsem Robert Popat, Leo Kusunan na Kisakiu Pakop. Em i gat bilip tu long ol man olsem Simon Emmanuel na Jeffery Emang husat i gat kain pasin bilong kamap gutpela kosa tu long bihain.

Posman i tok bihain long ol i kam bek long Tahiti, em i laikim Simon na Jeffery i mas go insait long wok kosa. Em i tok ol kosa i mas ol spel man husat i ken givim taim bilong em, i no ken pilai politiks, no ken harim politiks bilong soka, man bilong winim ol samting na man bilong mekim samting. Kosa i mas winim rispek bilong ol pilai na ol opisal tu na ol dispela samting i ken mekim kosa i kamap gutpela kosa sapos em i gat ol dispela samting. Posman i bin statim wok kosa long 1987 i kam nau. Long 1991, John Peka bilong Lae i bin kism PNG tim long kik insait long 1991 SP Gems. Bihain long 1992, Posman i kism bek dispela wok kosa gen inap nau.

Solomon Ailan soka asosiesen i bin salim tok-save i kam long Posman long PNG tim i go pilaim wanpela sosel gem wantaim ol pastaim tasol long

SP Gems i stat. Tasol Posman i bin tok no gat bikos PNG bai sot long mani long mekim dispela kain raun. Posman i tok sapos toksave i kam bipo liklik, inap ol i ken putim dispela i go insait long trening progrem bilong ol.

Tasol ol i kamapim wanbel tingting long larim dispela pilai i go long mun Novemba.

Long dispela Posman i ting nupela kosa i ken kamap na kism ples bilong em. Nupela kosa i ken stat redim em yet 4-pela krismas i go pas long 1999, Saut Pasifik Gems long Guam.



Oi kas nogut bilong Goroka ya Dispela em ol kas nogut bilong Goroka soka resis. Sapos yu bungim ol long fil, lukaut bikos ol bai bagarapim sindaun bilong yu. Nau yet ol i pretim ol nem tim. *Poto: Sape Metta.*

SPOT DRO

LAHI SOCCER ASSOCIATION

Weekend Draws

Venue	Sir Ignatius Kilage Stadium	Referee
Saturday July 8, 1995		Boby Memelong
0900	Division 1 Sobou vs Kurti-Andra	Gaspar Wangi
1040	Premier 1 Astawa vs Elcom	Robert Apisah
1220	Premier 1 M/United vs Gaziga	Eli Memelong
1400	Premier 1 Defence vs Rapatona	Paul Pondo
1540	Premier 1 Guria vs Mairipo	
Sunday July 9, 1995		Eston John
0900	Under 19 Sobou vs Kurti-Andra	Naga Anisi
1000	Under 19 Sikambu vs Tosin	Steven Baite
1100	Under 19 Elcom vs Asawa	Terence Pangih
1200	Women Guria vs Elcom	Simeon Nasen
1300	Women Tosin vs Sunkist	Charles Pondo
1400	Women Sobou vs Mairipo	Mark Gamun
1500	Division 1 Tosin vs Avetau	Terence Pangih
1630	Premier 2 Astawa vs Guria	
Tuesday July 4, 1995		Eston John
0900	Under 19 Guria vs Mairipo	Naga Anisi
1000	Under 19 Gaziga vs Gam	Steven Baite
1100	Women Rapatona vs Gam	Terence Pangih
1200	Women Astawa vs Gaziga	Charles Pondo
1300	Women Defence vs Kurti-Andra	Mark Gamun
1400	Division 1 L/Biscuits vs Gam	Simeon Magen
1530	Premier 2 Mairipo vs Gaziga	
Wednesday July 5, 1995		Mark Gamun
1630	Division 1 Sunkist vs Sikambu	
Friday July 7, 1995		Charles Pondo
1630	Premier 2 Sobou vs Rapatona	
1630	Premier 2 M/United vs Elcom	Terence Pangih

LAE WINFIELD RUGBY LEAGUE DRAWS (WASH OUT GAMES - ROUND 9 FOR SENIORS AND ROUND 7 OF COCA-COLA JUNIORS UNDER 19) ALL GAMES ON DRAWS SUNDAY 9TH JULY 1995

Outside ground

Time	Div	Team	V	Team
9.00am	U19	Defence	v	Panthers
10.00am	U19	Royals	v	Tigers
11.00am	U19	Magani	v	Tarangau
12.00pm	U19	Brothers	v	Spiders
Inside ground				
9.00am	B	Tigers	v	Spiders
10.20am	B	Defence	v	Tarangau
11.40am	B	Brothers	v	Royals
1.00pm	B	Magani	v	Panthers
2.30pm	A	Brothers	v	Royals
4.00pm	A	Magani	v	Panthers

Gate Fees

Adults	K1.00
Children	K0.50

PORT MORESBY SOCCER ASSOCIATION SOCCER DRAW - WEEK ELEVEN

Saturday July 8, 1995.

Time	Fixtures - Bisiini One	Division
7.00	Guria vs Defence	U19
8.00	Moukasi vs Blue Kumuls	PR
9.00	Buresong vs Katumani	D2
10.00	PTC vs Keezsang	W2
11.00	PS Roots vs Sunam	D1
12.00	Hoods vs Yellow Pages	D1
1.05	Sunam vs Wanzezi	W1
2.10	Moukasi vs Blue Kumuls	Premier
3.35	Momase vs Sobou	Premier
5.00	STC vs Amazon Bay	D1

Sunday July 9, 1995.

Time	Fixtures - Bisiini One	Division
7.00	University vs Golo	U19
8.00	Guria vs PTC	PR
9.00	Momase vs Eastenders	D2
10.00	Momase vs PS Roots	W2
11.00	Magi Rangers vs Murat	D1
12.05	Kurti-Andra vs Moutasi	W1
1.10	University vs FBH Defence	W1
2.15	University vs GFC	Premier
3.40	Guria vs PTC	Premier
5.00	Mopos vs Batu Brothers	D2
Fixtures - Bisiini Two		
7.00	Kurti-Andra vs Magi Rangers	U19
8.00	Rapatona vs Ela United	PR
9.00	Kumunimdo vs Bilawawa	D2
10.00	Tarangau vs Blue Kumuls	W2
11.00	Walaya vs Wanzezi	D1
12.05	Sobou vs Yellow Pages	W1
1.10	Guria vs GFC	W1
2.15	Golo vs FBH Defence	Premier
3.40	Rapatona vs Ela United	Premier
5.00	Golo vs FBH Defence	PR
GFC - Oval		
9.00	Blue Kumuls vs De La Salle	U19
10.00	Momase vs Rapatona	U19
11.00	Moukasi vs GFC	U19
12.00	Lae Biscuit vs SB Bombers	D2
1.00	PTC vs Koupa	U19
2.00	Murat vs Club Eastern	W2
3.00	Batislam vs Nasemo	D2
4.00	Club Eastern vs Masat	D2

LAE
BISCUIT



RAGBI LIG

NIUS

I NO BILONG SALIM.

LAE
BISCUIT



Mosbi junia tim nekim NSW skul bois

YAKAM KELO i raitim

JUNIA ragbi tim bilong Mosbi i soim bikpela pawa tru na autim tiket bilong Nu Saut Wels kombain Katolik koles 20-6 long fultaim long dispela wik.

Ol boi bilong Mosbi i gat moa spit na stail bilong tromoi bal i go i kam na dispela i helpim ol long winim dispela gem egensim ol manki bilong Australia.

Long namba wan hap bilong pilai, ol manki

bilong Nu Saut Wels i yusim ol hevi na strong bilong ol long stapim ol ron bilong Mosbi sait. Ol i gat strong long hevi na sais na dispela i helpim ol long ron i go insait na brukim banis bilong Mosbi sait we senta, Julian Berry i go pundaun na opim namba wan trai bilong Nu Saut Wels koles egens Mosbi. Kik bilong ol i abrus tasol ol i bin winim wanpela penalti taim Mosbi junia tim i stap opsait. Olsem na ol i kik na apim skoa i go antap long 6.

Moa sapot i kirap long

sait lain na kirapim bel bilong ol lokel boi bilong Mosbi. Olsem na ol i stat long wokim ol gutpela ron na bekap klostu long sevim bal.

Olsem na i no long-taim senta bilong Mosbi sait, Johannes Tame i go pundaun long trai lain bilong NSW koles bihain long ol i stat long mekim ol kwik bal na bekap wantaim. Kik i no go insait tasol dispela gol i kirapim bek nau long moa gol bai kamap.

Long dispela taim

planti hat takel i kamap long sait bilong ol manki Mosbi long stapim ol boi bilong NSW long go insait. Tasol faivet bilong Mosbi i gat gutpela tingting na mekim ol gutpela kik na lokim NSW skul bois insait long banis bilong ol yet.

Long dispela taim, Tony Mote i kisim wanpela sans taim bal i ron i go long ol fowet na ol i go insait brukim banis na bihain givim i go long han bilong Tony we em i putim aninit long pos. Kik bilong Johannes i go insait long Mosbi i go

pas long skoa 10-6 long haptaim.

Long namba tu hap bilong pilai, seken rowa, Frank Nobert bilong Mosbi i kisim wanpela kwik bal long pas na tekov i go pundaun long trai lain bilong NSW. dispela i mekim skoa igo antap long 14 we Peter Koren i kikim na pasim skoa long 16.

Long dispela taim ol boi bilong NSW i stat long lusim planti bal long takel. Ol i kisim ol gutpela sans long brukim difens na kamap klostu long trai lain bilong Mosbi sait tasol

ol yet i wok long lusim planti bal insait long takel.

NSW skul bois i holim Mosbi junia tim long dispela taim we i hat long trai i kamap. Tupela i mekim save long panim sans long beklain na fowet lain tasol difens bilong tupela sait wantaim i go strong olgeta.

Klostu tasol long 5 minit bilong fultaim na Peter Koren i kisim wanpela kik long las takel insait long eria bilong NSW. Dispela kik i no strong olsem na bal i go pundaun stret long

tra i lain bilong NSW we Johannes Tame i ron tasol i go na pundaun antap long en na pasim skoa bilong Mosbi junia sait wantaim 20.

Insait long dispela namba wan raun bilong ol skul manki bilong Nu Saut Wels, ol i lusim namba wan gem bilong ol egens Mosbi junia tim 20-6 long fultaim.

Ol kwik pas na bekap i kamapim dispela win bilong Mosbi tim long Tunde apinun gem egens ol skul manki bilong NSW long Australia.

Sentrel lig bai paia long Baruni na Boera

by KENNEDY EDENE

BARUNI Eagles bai bungim bikpela salens tru long dispela wiken egens ol boi bilong Boera Sailors long Sentrel lig resis long Mosbi.

Dispela bai wanpela bikpela na strongpela gem bikos ol boi bilong Boera Sailors em wanpela strongpela tim insait long Sentrel lig resis. Olsem na dispela bai mekim ol boi bilong Baruni i kamap wantaim strongpela lainap bilong

traim winim dispela gem.

Baruni Eagles i bin kamapim wanpela gutpela win long tupela wiken i go pinis taim em i nekim Saints. Olsem na sapos Baruni Eagles i ken holim yet dispela lainap bilong ol long dis-

pela wiken, bai ol i ken givim strongpela gem egens Boera Sailors.

Boera i bin winim pinis 11-pela gem bilong em insait long 14 gems em i pilai pinis. Em i lusim tasol tripela gems. Olsem na i luk olsem dispela bai wan-

pela strongpela gem tru.

Sailors i gat ol boi olsem Seneka Womara na Goro husat bai putim sampela gutpela pilai we ol boi bilong Baruni bai kisim taim long brukim banis bilong ol.

Long sait bilong

Eagles, ol i gat ol boi olsem hap bek Michael Ross husat em wanpela pilaia husat i ken brukim ol banis na i go insait. Long senta em Naime Tom husat em wanpela strongpela man husat bai kamapim hevi long sait bilong Sailors sapos ol i no was gut long em.

Tasol Eagles bai putim bikpela was long dispela wiken long tra i blokim ol sans bilong Sailors.

Ol boi bilong Baruni olsem Gaudi Rei long fulbek, Brian Adira na Udia Barara long winga, Naine Tom long senta, Nickson nalu long faivet, Philo Gabutu long hap bek na Ania Maragau long fowet, Joe Diwagu, Rex Kaupa, Sale Kone, Mauri Ginate na Oila Rei.


Nem lista bilong Sailors i no redi long Wantok i kisim.

Long arapela wiken gem long dispela wiken tu em; Abau Warias bai pilaim Buria Reds, Bakawaia Wallabies bai tra i Saint Pauls, Eholasi Eels bai bungim Seida, Hawks bai lukim Roku, Hiri Tigers bai tra i Mirikuro Bulldogs, Hisiu bai tra i bun wantaim Muko, Kisere bai tra i Kido, Koita bai kisim isi tupela pin long Konebada Panthers.

Long lukluk long poin lata bilong Sentrel lig resis nau em; Koita i go pas long resis wantaim 20 poin, Mirikuro Bulldogs bihainim long 19 poin, Balawara long namba 3 ples, Boera Sailors long namba 4 ples na namba 5 ples em H. Hawks.



• Lephon: Tripela pilaia bilong Niu Saut Wels Katolik Klolis i bungim gut tru dispela pilaia bilong Mosbi junia tim. Ol tu i bikpela tumas long sais na i haitim gut tru bodi bilong wantok ya. Tasol dispela i no daunim ol mangi Mosbi long pilai strong na winim gem. Mosbi autim tiket bilong ol manki Australia 20-6.



Ol boi soim stail □ Ol kain bikpela takel ya i stapim planti gutpela sans bilong ol manki Mosbi long skoa. Bikos ol boi NSW i gat bikpela skin na hevi fowet we i save brukim difens. *Poto: Ivan Bayagau.*

Muruks lukluk long moa win

MICHAEL MONDA i raitim

LONG raun 2 gem bilong Inta Siti lig, Mendi Muruks i winim Kundiawa Warriors 20-19 long Rabiamaul graun long las wik Sande.

Dispela kain win bilong ol Mendi Muruks long wanpela poin tasol i no gutpela tumas tasol taim i sot na ol i mas win. Olsem na wanpela poin ya i kamapim win bilong ol.

Bihain tasol long go insait long ragbi raun long namba wan hap bilong pilai, ol Warriors i bin go pas wantaim wanpela poin taim ol i kisim wanpela fil gol long 5 takel.

Bihain dispela wanpela gutpela trai i bin kamap long namba 2 bilong Warriors Yambi Charlie na namba 6, Mengope i kisim narapela 2 poin antap taim em i kikim

konvesen na apim skoa i go antap long 7-0.

Skipa bilong ol boi Mendi Muruks Anton Mal i mekim wanpela isi kik na Petrus Thomas i ron tasol i go putim wanpela kona trai bilong Muruks. Su bilong John Kepialu i sap tumas na em i kisim narapela tupela poin bilong bringim skoa bilong Muruks i go long 6. Skoa istap olsem Warriors 7 na Muruks 6.

Charles Yombi bilong Warriors i no malolo long putim trai. Em i kamapim narapela trai gen na konvesen kik tu i go insait wantaim but bilong Mangope bilong Warriors. Poin i stap olsem Warriors 13 na Muruks 6 i go inap long haptaim.

Long namba tu hap bilong pilai, liklik skul bilong Mark Yangen i karim kaikai taim ol Muruks i kamapim wanpela gutpela trai long han bilong Paul Yandewa. Kik i no go insait na skoa istap

10-13. Warriors i go pas long 3 poms.

I no dispela tasol, long hatwok bilong hot ston, Samuel Pinpin wantaim buldosa, Nander Yer i salim Joe Mek bilong Muruks i go kamapim wanpela trai. Skoa i stap 14-13. Dispela taim Muruks i go pastaim wan poin skoa.

Ol Kundiawa Warriors i kam bek wantaim narapela trai bilong ol. Kik bilong ol yet i gutpela na ol i go antap 19 na Muruks istap 14.

Klostu long fultaim namba 12 bilong Mendi Muruks i mekim wanpela gutpela set long winga bilong Muruks, Petrus Thomas na Thomas i pasim gem wantaim dispela trai. John Kepialu i no abrus long kik bilong em na bal i go insait stret namel long tupela gol pos na apim skoa i go 20. Na dispela i pasim gem wantaim 20-19 em ol boi bilong Mendi Muruks i winim gem. Tupela sait wantaim i pilai gut tru na no gat hevi o trabel i kamap.

Vipers nekim Eagles long 1 poin

MICHAEL MONDA i raitim

RABIAMUL Ragbi graun long Hagen i bin holim tupela bikpela inta siti ragbi resis las wiken. Tupela gem ya i bin stap namel long Mendi Muruks na Simbu Warriors na narapela gem em Mosbi Vipers na Hagen Eagles.

Long inta siti gem namba wan, Mendi Muruks i nekim Simbu Warriors 20-19 long fultaim.

Long mein gem bilong Hagen Eagles na Mosbi Vipers, ol manki bilong Mosbi i nekim Hagen Eagles long dispela gem. Dispela em namba tri lus bilong Eagles bihain long ol i bin lusim gem long Lae Bombers tripela wik igo pinis.

Liklik taim tasol long pilai i stat, referi,

Alphonse Pu i givim wanpela penalti i go long Eagles. Kik bilong Mike Morris i go insait na ol Eagles i go pas long 2 poms.

Olsem 20 minit i go pinis long namba wan hap bilong pilai, referi Alphonse Pu i givim narapela penalti gen long ol boi Vipers na Elias Paiyo i kisim kik na skoa i go 2 poms wankain long Eagles.

Tasol i no longtaim, tupela sait wantaim i kisim gen penalti we tupela kika bilong ol i kikim na lokim skoa long 4 poms. Tasol i no longtaim, Mike Morris bilong Eagles i kisim wanpela fil gol na Eagles i go pas long 5 poms na Vipers 4.

Klostu tasol long haptaim, namba 2 bilong Eagles i mekim wanpela gutpela trai. Kik bilong

Mike Morris i no go insait olsem na poin i stap olsem Eagles 9 na Vipers 4.

Long namba tu hap bilong pilai, kepten bilong Eagles Tumbo i putim wanpela trai na kik bilong Morris i go insait. Long dispela taim Eagles i sanapim 15 skoa long poms tebol bilong em.

Namba wan bilong Eagles, David Tiki i putim narapela trai gen na Morris i kikim konvesen na apim skoa i go antap long 21. Vipers i stap yet long 4 poms.

Maski ol Eagles i go pas, ol boi Vipers i taitim bun yet na namba 16 bilong Vipers i putim wanpela trai. Elias i kik i go insait. Tasol i no longtaim Vipers i mekim ol kwik ran na kamapim narapela trai gen we Elias Paiyo i kikim na

apim skoa i go antap long 16.

Vipers namba 16 i tekov gen taim Ben Biren, Elias Paiyo, James Naipao i wok long salim em i go long trai lain bilong ol Eagles long narapela trai gen. Skoa i kamap Vipers 20 na Eagles 21.

Wanpela bikpela kik i go long mak bilong Eagles na fultaim, David Tiki i lusim dispela bal. Olsem na Vipers hapbek, Aquila Emil i kwiktaim go kamap na pundaun antap long bal ya na bringim skoa bilong Vipers i go antap long 26 na Eagles 21.

Eagles i bin pait strong yet na kamapim wanpela las trai bilong ol. Tasol konvesen kik i no go insait olsem na ol i lus long Vipers 26-25.

Souths putim belhevi antap long Brothers

Kiunga lig ripot

IAN KAKARERE i raitim

SOUTHS i gat bikpela bel hevi tru olsem na ol i putim dispela hevi antap long Brothers na autim tiket bilong ol long 34-14 poms las wiken long Kiunga A gret ragbi resis. Dispela i bin wanpela A gret ragbi resis tasol we i bin kamap long wiken. Fulbek, Somono Maitona, hap bek Charlie Nago na lok Sawi Kaeta em ol pilaia husat i bin stap long skwat bilong Kiunga long pilai egensim Balimo Eels. Kiunga i bin winim dispela gem bikos Balimo i no bin kamap long pilai long graun bilong Kiunga.

Fulbek Maitona i bin pilai gut tru taim em i mekim tupela longpela ron i go brukim difens bilong Brothers.

Hap bek Nago i kamapim ol gutpela pilai tru we em i kikim tripela gol na setim rait winga Yaeti Sikili long putim trai.

Lep winga, Vincent Sakopa na faivet Smokie Kutika tu i bin pilai gut tru long mekim kamap ol trai long winim dispela gem long las wiken. Prop, Jack Dubaliya i bin kikim tu tupela gol long pinis bilong gem.

Ol pilaia bilong Brothers olsem Jason Mamaea na winga Mara Kubu i bin pilai gut tru. Tupela i

soim tu olsem tupela i rait pilaia tu long stap insait long Kiunga skwat. Long dispela hatwok bilong tupela, tupela i helpim long bringim skoa bilong Brothers i kamap long 14 taim Souths i go antap long 18 poms.

Long ol arapela A gret gem, Hawks i winim gem bilong isi tru long fofit egensim Uniroyals bikos ol i no bin kamap long pilai. Gem bilong Magani na Tarangau i no bin kamap olsem na ol opisal i putim i kam long dispela namel wik long Trinde. Dispela em long mekim spes long bikpela gem bilong Kiunga Fish na Balimo Eels.

Uniroyals bai lusim nem long pilai insait long dispela sisen sapos em i no kamap long ol wiken gem bilong em. Bikos ol i wok long lusim planti gem nau na givim fofit i go long ol arapela tim.

Uniroyals em klap bilong ol pilaia bilong Royals na United husat i bin stat tasol long dispela yia insait long taim bilong pri sisen.

Tasol i gat bikpela luksave olsem Uniroyals bai i no inap kam bek gen long pilai bikos long sampela hevi ol pilaia i gat long sait bilong presentesen long las sisen.

Sampela ki pilaia bilong ol i kwiktaim kalap i go pilai pinis wantaim ol arapela klap nau i wok long pilai insait long Kiunga lig.



Klia long em • Senta bilong NSW Kaatolik kolis i traim long winim graun insait long junia ragbi lig resis long dispela wik Tunde. Ol boi Mosi i strong na win 20-6.



• Tupela poto wantaim i soim junia ragbi lig resis long dispela wik Tunde egens Niu Saut Wels skul bois na Mosbi junia tim. NSW tim bai raun na pilai wantaim Noten jon na Hailens sait long dispela wik na bihain bai ol i pilaim PNG junia tim.

Bombers bekim dinau long Lahanis

PAULUS TALI i raitim

LAE Builders Bombers i kamapim wanpela gutpela win las wiken egen-sim biknem Goroka Lahanis na winim em 16-14 taim tupela i bung long Lae las wiken insait long wanpela strongpela pilai tru.

Bikos dispela em namba tu taim bilong Lae Bombers long pilaim Lahanis, em i tingim long winim dispela gem long bekim bek lus bilong em bipo long namba wan raun.

Olsem na long las wiken, dispela gem i bin wanpela hatpela na strongpela tru bikos Bombers i save olsem Lahanis em gren fainal feveret olsem na em i pilai strong tru na nekim em.

Tupela tim i pilai strong tru long raun wan tasol graun i no gutpela tumas bikos ples i bin ren na ol pilaia i bin wel planti bikos long dispela.

Tupela tim i pilai go long 25 minit long namba wan hap bilong pilai na Andrew Sammy i brukim difens bilong Lahanis na salim Billy Kinsim i pundaun long trai lain wantaim namba wan trai bilong Bombers. Tasol kik i no go insait.

I no longtaim na pawa haus bikpela fowet pilaia bilong Lahanis na PNG Kumuls, Tuiyo Evei i ron long sait i go pundaun long trai lain na kamapim 4 poin bilong Lahanis. Kik bilong Stanley Gene i no go insait olsem na Lahanis na Bombers i ron wankain 4-4.

Long lukluk insait long balwok bilong Lahanis, ol i no pilai olsem ol i save pilai bipo. Long dispela as, Bombers i kisim olgeta sans long tromoi bal i go i kam. Bikos ol i pilai tu long asgraun bilong ol yet long Lae, bikpela sapot tu i pundaun antap long

Lae Bombers.

Long namba tu hap bilong pilai, Mathew Elara i kamapim wanpela gutpela trai insait long 15 minit bilong gem. Kik bilong Billy Kinsim i go insait na Bombers i go pas long wantaim 10 poin na Lahanis 4.

I no longtaim na Lahanis tromoi bal i go i kam na senta bilong ol, Stanley Gene i kisim wanpela gutpela sans na go pundaun long trai lain. Konvesen kik bilong em i abrus na skoa i kamap 8 Bombers 10.

Bombers i stat long strongim difens na tromoi bal i go i kam. Long dispela taim, Simon i mekim wanpela strongpela ron i go insait long banis bilong Lahanis na brukim banis bilong ol. Nau em tromoi bal i go isi tasol long Billy Kinsim na em putim aninit long pos. Kik bilong em i go insait na Bombers i go pas wantaim 16 poin.

Lahanis opim ai na stat long pilaim stail bilong ol. Bal i go long Tuiyo Evei na em ron i go long brukim difens. Em salim gen long David Buko we Agi Tete i kamap klostu na givim sapot long Buko na Buko givim gen long Stanley Gene na Gene putim aninit stret long golpos. Dispela i kamapim 12 poin bilong Lahanis na Stanley i kikim konvesen i go insait na pasim skoa long 14 poin na Lae Builders Bombers 16. Taim i sot na Bombers i winim dispela gem.

Ol pilaia bilong Bombers husat i bin pilai gut tru long dispela taim em Saimon, Andrew, Elara, Dennis Mail na Billy Kinsim.

Long sait bilong Lahanis em Tuiyo Evei, Agi Tete, Malum Oyipa, Stanley Gene na David Buko.

Brothers driman long Wau-Bulolo lig gren fainal

by ARI GUH DANDEE

OL boi bilong Jamanadi Brothers long Bulolo i soim pawa stret tai mol i nekim Hiden Veli 32-22 poin long las wiken long Wau-Bulolo lig resis.

Long stat bilong pilai, ol boi bilong Bulolo i no givim sans liklik long ol manki Wau. Insait long 20 minit bilong namba wan hap bilong pilai, ol i putim trai olsem wara long sait bilong Royals long holim skoa i stap 28 nil insait long dispela 20 minit bilong gem.

Tanis Ames i hariap tru long putim namba wan trai bilong Brothers bihain tasol long pilai i stat. Ludwig Tomare i

abusim konvesen kik tasol dispela i no mekim em i wari tumas. Ol Royals manki i kma bek wantaim bikpela strong long pilai tasol Brothers i srukim skoa i go antap 10 nil gen taim Mathew Yalambing i putim namba 2 trai na Ludwig Tomare i kikim konvesen i go insait.

Ol boi bilong Royals olsem Noni Luke, Henry Richard, Timothy Malo, Doni Mai na Benny Gawi i bin pait strong tru long bekim bek trai tasol ol i sot win nating taim ol i pas long brik wol bilong Brothers. Brothers i sanapim ol strongpela lain olsem Bongi Kasu, Joseph Yawing, Wesley Bukes, Martin George na Jonah Bata. Taim Royals i wok long pait strong i kam ol Brothers

i wok long srukim isi isi skoa i go antap. Namba 3 trai bilong ol i kamap long han bilong Bongi Kasu na Tomare i stretim wantaim konvesen kik.

Brothers i kamapim planti gutpela pilai tru we ol i mekim ol gutpela ron na tromoi bal i go i kam long tupela sait bilong fil wantaim. Long dispela taim Joseph Yawing i go skorim tupela moa trai na Ludwig i stretim wantaim tupela moa konvesen kik we i bin go insait. Na dispela i sanapim skoa bilong Bulolo Brothers long 28 na Royals 0 long namba wan hap bilong pilai.

Tasol Royals i tingting long brukim kiau pas-taim long haptaim olsem Nick Urabila i

brukim kiau wantaim namba wan trai bilong Royals na Timothy Malo i kisim kik tasol em abusim. Tasol i no long taim na Karol Bukam bilong Royals i kisim wanpela gutpela sans long putim bal insait long trai lain bilong Brothers na dispela i apim skoa 8 pastaim tasol long haptaim.

Long namba tu hap bilong pilai, Royals i sanapim strongpela banis tru na stapim ol ron bilong Brothers. Royals i stat long pilai strong na salim ol pilaia bilong Brothers i go aut long fil na dispela i givim sans long ol i brukim banis bilong Brothers.

Long dispela taim ol pilaia bilong Royals olsem Tawa Asa,

Michael Taria na Kalulu i kamapim gutpela bal wok na kamapim wanpela trai long namba tu hap bilong pilai. I no longtaim ol i apim skoa i go antap gen wantaim narapela trai.

Tasol Brothers i holim yet strong na kamapim wanpela trai wantaim Joe Kaut tasol Royals i no wari long dispela na ol imekim nais wantaim wanpela moa trai we i kam long Noni Luke na Tawa Asa i pinisim wantaim konvesen kik.

Skoa i stap 22 long Hiden Veli Gold Royals na 32 long Jamanadi Brothers long fultaim.

Dispela win bilong Brothers i givim ol sans long traim kamap long gren fainal. Ol i bin kamap bipo long gren fainal bilong pri sisen wantaim Royals.

Sapota laikim Muruks mas win

MICHAEL MONDA i raitim

PLANTI sapot i pundaun antap long Mendi Muruks long pilai strong na winim olgeta gem bilong ol na go pilai long gren fainal.

Wanpela olupela pilaia bilong Muruks, Raymond Kal i tok em i laik lukim bai Muruks i mas go olgeta long Inta Siti gren fainal long dispela yia. Bikos long lukluk bilong Muruks long nau, ol i wok long winim planti pilai bilong ol i kamapim gutpela risal long poin lata bilong dispela Inta Siti resis.

Raymond i tok em i gat bikpela bilip olsem ol boi bilong Mendi bai i go olgeta long gren fainal bikos long gutpela bal wok, difens na bekap we ol i fit long go olgeta long gren fainal.

Maski ol manki Muruks i liklik long sais bilong ol, tasol long fas bal wok, difens na bekap em ol i fit long ol arapela tim.

Raymond i bin stap long tim bilong Mendi Muruks long las yia taim i bin gat hevi long las yia olsem na ol selekta i dropim em long Mendi skwat.

Raymond i tok em i bin apil long kot na wet tasol i stap. Sapos kot i tok orait bai mi joinim ol Muruks long dispela sisen. Nogat bai mi stap ful sapota bilong Mendi Muruks i go inap ol i win long gren fainal o lus long gren fainal bilong Inta Siti ragbi lig resis, Raymond i tok.

OX & PALM




Pastaim yu save kisim nambawan buli bif bilong PNG long bikpela tin 340 g. Nau yu ken kisim long nupela liklik 200 g tin tu.



OX & PALM



• Em nau yu kisim taim stret. Tupela beklain pilaia bilong Sauten Son i memeim trangu NSW pilaia i go daun long strongpela graun bilong Lloyd Robson oval. Tasol junia Lae Bombers mas lukaut gut.



• (ANTAP) Magani A gred tim bilong Mosbi lig. Ol i kam strong nau na ol nem tim i mas lukaut.

• (LEPHAN) Hap bek bilong Magani i autim bal long wan pilaia. Dispela hap bek save givim hetpen stret long ol nem birua pilaia long Mosbi lig.



• NSW pilaia i takelim Sauten Son pilaia i go daun long graun na tupela wanpilaia i kam long sapatim em. Sauten Son i winim dispela gem 20-6.



• (ANTAP) Bikpela fowat bilong NSW ran i go antap na brukim banis bilong Sauten Son olsem em i soim. Mekim na namba 11 bilong Sauten Son i laik lusim trausis bilong em.

• (LEPHAN) Pilaia bilong Paga Panthers i autim bal hariap taim hap bek bilong Tarangau, Mikes Avosa i redi long takelim em.



• Kone Tigers pilaia wantaim bal taetim bun long ron i go antap brukim banis bilong Magani. Dispela em long wanpela gutpela A gred gem bilong Mosbi lig las wiken.



DAVIES NO SAVE LONG WANPELA SAMTING YET

Jonathan Davies ...
enjoying the easy-going
Townsville lifestyle.



LONG dispela kros bilong supa lig nau i stap, i nogat wanpela pilaia i longlong yet olsem fulbek bilong England Jonathan Davies.

Long las yia taim Davies i mekim dil bilong em wantaim North Queensland Cowboys, Davies i gat gutpela tingting long wanem hap em bai pilai long 1996.

"Plen bilong mi em long pinisim Winfield Cup pilaia wantaim ol Cowboys na go long ples na pilaia long klab bilong mi Warrington long primiasip resis bilong England," Davies i tok.

"Tasol dispela olgeta i senis nau long wanem Supa Lig i kisim England pinis. Mipela bai senis i go long pilai long sama sisen tasol olgeta kontrak bilong mipela bai i go inap long namel bilong yia tasol. Olsem na olgeta samting i no stret gut yet."

"Yu no nap save nogut bai mi pilai long Supa Lig long Australia long neks sisen."

Davies i tok olsem dispela toktok na pait bilong supa lig i mekim em i stap long wanpela ples we i nogat man.

"Mi givim loyelti agrimen bilong mi i go wantaim Australian Ragbi Lig (ARL) tasol kontrak bilong mi i stap wantaim supa lig long wanem resis bilong England em supa lig nau.

"Sapos Warrington i tingting long lusim mi i go long wanpela klan bilong Australia, mi bai pilai long supa lig i go inap long pinis bilong 1996 na bihain long dispela em ARL.

"Tasol long tok tru, mi no save wanem samting bai kamap. Mi no tingting olsem planti man i gat dispela kain tingting long dispela kantri olsem long England.

"I gat wanpela sotpela sisen tasol i stap long mi long England na sapos mi go bihain

long Winfield Cup resis, ating bai i luk olsem olgeta samting bai kamap gut pinis.

Davies i tok olsem tingting bilong em long werim Cowboys jesi long neks yia i no stret yet sapos supa lig i kirapim sisen bilong ol long neks yia 1996.

"Em bai stap long tingting bilong mi yet long mi laikim o nogat na tu ol Cowboys bai lukluk sapos mi pilai gut o nogat long stap yet. Dispela agrimen bilong mipela i no stap long pepa tasol mipela i toktok tasol.

"Mipela i toktok long wanpela o tupela yia tasol mi tok olsem mi bai traim wanpela yia na lukim pastaim."

Davies i tok em wantaim femili bilong em i no westim taim long sindaun long Townsville long dispela isi laipstail.

Ol i bin yusim dispela malolo raun long laswiken long lukluk long kainkain hap na lukim tu ol kaikai olsem kindam, pis na kuka.

"Mipela i kisim gutpela taim stret," Davies i tok.

"Hot bilong san tasol em wanpela hevi bilong mipela.

Taim yu tren 4-pela taim long wanpela wik em bai bikpela samting tru long yu.

"Long wankain taim tu yu bai kisim longpela taim liklik long kisim stail bilong ol Cowboys long pilai na dispela hatpela san.

"Yu mas save long husat bai i pilai futbal wantaim na husat bai yu raun wantaim.

"Em bai luk olsem mi mas pilai sampela ol pilai pastaim long kisim stail bilong dispela Winfield Cup resis olsem mi bin i mekim long 1991.

"Pilai long ya i narakain tru long stail bilong England long pilai."

RUGBY LEAGUE WEEK-

TAIM BILONG KIRAP BEK

Hevi i orait tasol ol i manim Robbie

LONG winga bilong Penrith Robbie Becket, laip bai i no nap gutpela. Dispela yangpela mangi husat i gat 20 krismas tasol em ARL na supa lig i pait strong long kisim em na tu em i gat wanpela Roosters jesi long bokis bilong em.

Becket i save amamas tasol long kisim wanem samting i kam long rot bilong em. Tasol long stat bilong dispela sisen em i stap long wanpela hap we em bai i ken lusim olgeta samting.

Gutpela save bilong em long pilai i ken kisim em i go kamap bikpela tasol i gat bikpela askim long pasin bilong em long pilai strong na go long trening.

Taim em i joinim Panthers long las yia bihain long em i lusim Parramatta, hevi bilong em i bikpela moa. Em i no nap long tren long wanem wanpela masol bilong em i bagarap liklik na kain pasin bilong em long kaikai i bringim hevi bilong em i go antap olgeta long 96 kilogram. Kosa Phil Gould i givim em wanpela strongpela tok

tok tru olsem "Ius weit o bai yu no nap pilai" Beckett wantaim narapela tim meit bilong em Matt Hamilton i save mekim moa trening long katim daun dispela weit. Ol i save kolim pulepela F-Trup.

I nogat prais long wanem man i tokaut long mining bilong F-Trup dispela samting i mekim na em i wok long bringim weit bilong em i go daun long 83 kilogram na em i stap long rot bilong pilai gen.

Long ol kol moning bilong trening long Penrith Stadium, Beckett i save tingting i go bek long brata bilong em Danny. Danny i gat wankain krismas olsem em na wankain save pilong pilai tasol em i pilai rep futbal pinis. Tasol wanpela samting i mekim em pundaun em les long trening.

Weit bilong Danny i go antap olgeta long 120 kilogram na nau em i save pilai long Cabramatta resis insait long A gret divisen. Robbie i mekim tingting bilong em

pinis long noken bihainim bikpela brata bilong em. Em i pilai gut tru long namba wan pilai bilong em wantaim Panthers na seleksen bilong em long siti tim em wanpela prais bilong hatwok bilong em. "Mi kam klostu tru long stap aut," Beckett i tok.

Beckett i no save isi long taim bilong trening nau na long op sisen em i save tren hat tru. Klab i kisim em long wok olsem man bilong bosim graung long Penrith Stadium we em i toktok em i kisim planti gutpela save moa.


"Bipo long mi kisim dispela wok mi save kirap long 10 klok na bihain em i go inap apinun. Tasol nau mi save kirap nariap na redi tasol long olgeta samting.

Faiv-eit bilong Penrith Steve Carter em wanpela man husat i save laikim Beckett tru na i bilip strong tru olsem winga na wanpela taim bai makim ARL.



Players make their point

the POLL



'WOA I KILIM MIPELA'

Bikpela toktok nau long statim nupela ragbi lig resis i wok long pulim tingting bilong planti A gret pilaia bikos i gat bikpela gris bilong mani insait long dispela.

Insait long toktok raun namel long ol ragbi lig pilaia long Australia, moa long 73 pesen (%) A gret pilaia i bin autim tingting bilong ol. Planti i tok ARL i mekim gutpela wok long ranim ragbi lig long Australia tasol Supa Lig i laik kamap na bringim woa long ragbi lig resis insait long Australia. Planti i ting em woa insait long ragbi lig bikos long mani tasol. I no wanpela pawa o strong. Em pawa bilong mani tasol.

Hia em sampela tingting bilong ol enuel RLW pilaia na samting tingting we i bihainim ol bikpela toktok i bin kamap long ragbi lig long dispela yia na ol yia bipo.

Ol pilaia tasol i save mekim kamap ol dispela toktok o poin we nau planti senis long ragbi lig i wok long bihainim. Sans i bin kamap pinis long ol pilaia i ken autim tingting na wari bilong ol long lukluk insait long gem.

Insait long dispela wok painimaut we ol pilaia i tokaut long ol tingting bilong ol, mipela i kisim ol dispela tingting bilong ol biknem pilaia long Australia ragbi lig pilaia.

Mipela i askim 100 pilaia we insait long 20 klap, 5-pela pilaia i save autim tingting bilong ol. Ai bilong mipela i save op bikos planti long ol dispela pilaia mipela i askim i save toktok long Supa Lig.

- 92 pesen i ting bai Supa Lig i kamap yet.

- Planti i tok bai i no gat gutpela toktok wanbel namel long pilaia na wanem lig em i laik joinim (ARL na Supa Lig).

- Bikpela toktok i raunim as tingting bilong planti pilaia olsem Supa Lig em ol pilaia bai kisim bikpela mani winim ol pilaia bilong ARL. Na planti bai wokim bikpela mani long longpela taim.

Insait long 100 pilaia mipela i raun na askim, 45 i tromoi sapot na tingting bilong ol i go bihain long Supa Lig, 41 i sainim kontrak wantaim ARL, 7-pela i sainim kontrak wantaim tupela lig wantaim na 7-pela i no sainim wanpela kontrak yet.

I gat luksave olsem planti pilaia insait

long ARL i holim yet kontrak bilong ol yet wantaim ARL. I tru olsem ol i bin kisim toksave long joinim Supa Lig tasol bikpela tingting i stap yet wantaim ARL.

Planti pilaia bilong ARL tu i ting olsem ARL i no mekim gutpela wok long lukautim ol pilaia bilong en. Tingting bilong ol i drip namel yet tasol ol i laik painimaut moa long ol dil na gris bilong Supa Lig pastaim.

Hia em tingting bilong liklik lain;

- Tupela klap kosa, Bob Fulton na Phil Gould i no ken toktok na grisim ol lain long stap wantaim ARL.

- Ol klap husat i jonim pinis Supa Lig i wok long kisim planti gutpela samting.

- Ol i egensim tingting bilong stapim ol Supa Lig pilaia na referi long pilai insait long ARL resis.

- Ol i no amamas long 20 tim tasol long pilai long Supa Lig.

Tingting bilong mani nau i wok long kamap bikpela tumas we i mekim planti pilaia i lusim gutpela stail bilong ol long pilai na gem bilong ol tu i no kamap gut.

Pastaim planti pilaia i save kisim pe we ol i no ting ol inap long kisim. Na dispela i kirapim bel bilong ol long holim strong kontrak bilong ol wantaim wanem klap ol i joinim.

Sampela i lukim raun bilong Kangaroo i no moa gutpela bikos nau bai Kangaroo i bruk i go tupela na dispela wanpela spirit na sapot bilong Kangaroo bai pundaun. Narapela Kangaroo bai gutpela na narapela bai no gutpela. Moa long 94 pesen manmeri insait long Australia i sapotim yet tim bilong Kangaroo olsem bipo.

Arapela bikpela tingting em;

- I gat sampela pilaia i stat long yusim marasin nogut (steriod).

- Askim long rausim pe long mak bilong 78 pesen.

- Nogat bilip long judiseri komiti.

- Supa Lig mas kamapim tupela divisen, promosen na lowa divisen.

- Planti i bilip olsem Canberra bai winim yet taitel bilong ol long dispela yia.

Insait long Canberra tim, ol i makim Laurie Daley olsem King pilaia insait long Winfield Lig winim ol wanpilaia bilong em olsem Ricky Stuart, Allan Langer, Brad Fittler na Brad Clyde.

□ ARL i sanap long nus

□ Laurie Daley..... bikpela sapot long em olsem namba wan pilaia.

THE POLL — FULL DETAILS, Pages 16-17

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.